

84(2) 943
Э 450

JSSN 0235—1218

ЭЛ-АЛТАЙ



1

1989

КОНТРОЛЬНЫЙ ЛИСТОК
СРОКОВ ВОЗВРАТА

КНИГА ДОЛЖНА БЫТЬ
ВОЗВРАЩЕНА НЕ ПОЗДНЕ
УКАЗАННОГО ЗДЕСЬ СРОКА

Колич. пред. выдач _____

3 ТМО Т. 1 млн. З. 3986—83

ЭЛ-АЛТАЙ

Түүлү Алтайдың бичиичилик биригүзи
белетеген чүмдемел-кеендик дептер

1
1989

«Эл-Алтай» деп адалып
1986 жылдан ала чыгат


АЛТАЙДЫҢ БИЧИҚ ЧЫГАРУЗЫНЫҢ
ТҮҮЛҮ АЛТАЙДАГЫ БОЛУГИ

84 (2) я 43

СБ (Алт.)

Э 450

-599-



«ЭЛ-АЛТАЙДЫН» РЕДАКЦИЯЗЫНЫГ КҮРРЕЕЗИ:

Б. БЕДЮРОВ (баш редактор), Н. ВИТОВЦЕВ, А. ЕРЕДЕЕВ, Ж. КАИНЧИН, Н. КИНДИКОВА, Г. САМАЕВ, Т. ТОРБОКОВ (баш редактордын заместители), Б. УГАРОВ, Т. ЯЛТЫНОВ.

Э 450 Эл-Алтай: Литературно-художественный сборник (1-й выпуск). Горно-Алтайск: Горно-Алтайское отделение Алтайского книжного издательства, 1989. 136 с.

Жуунты Туулу Алтайдың мөжин кезерин токтодоры керегинде облисполкомының јобиле ачылат. «Политика. Перестройка» деген бөлүк жаңжылып улалат. Кычыраачылар Б. Укачининг «Арсланбек нöкörüm» деп повезининг улалганила, Э. Палкин ле Т. Акуловзынын күучүндарьла, кеендиктинг кеен улузы керегинде статьяларда таңыжар.

Былтыр 24 июльден ала 12 августа жетирие совет-монгол бичи-ничилдердинг эл-күреелик экспедициязы (башкараачызы Б. Я. Бедюров) иштегени керегинде журналист Л. Кимининг материалы јаралат.

4701000000—006
М 138 (03) 89 78—89

Редакцияның адреси:

659700, Горно-Алтайск город, Киров оромы, 16, Советтер Байзыгы. Бичиничиллик биригү.

Телефондоры: каруулу качыныг — 60-67, тургутаачы-редактордын — 69-50.

© Горно-Алтайское отделение Алтайского книжного издательства, 1989

МОШТИ КЕЗЕРИ ТОКТОДЫЛАТ

Облисполком областтын агащ хозяйствозындагы иштерди јарапырар суректы көргөн. Мөшти аайы-бажы јок јыкканынан улам агащ белетеер јерлерде јүзүн-базын јастыралар болгон. Ар-бүткенди, сүуларды корынында мөштин учурын ајаруга алып, облисполком 1989 јылдын баштапкы январинен ала областтын бастыра јерлеринде мөшти кезерин токтодор јөп јараткан.

СССР-дын наукалар Академиязынын Сибирьдеги бөлүгшинин агащ аайынча Институтудына наукаладагы иштерин учына јетирзин деп. Турачактагы ченемел көргүзөр Түүлу Алтайдын агашкомбинадына мөштү 50 гектар јердин агаажын ченемел учурлу кезери јөптө јаралыган.

Јойгон агаشتын кескен-артканын толо тузаланары ла тыт агаشتы көптөн кезери, оноғ не-неме шитең алары жанаңынан иштеер керек.

1989 јылдын баштапкы январинен ала областтын мөш агашту јерин баштапкы бөлүк агашка көчүрер јөп чыгарарын РСФСР-дын Министрлер Советинен сураар јөп јаралыган.

Мөштү јерлердин байлыгын толо тузаланарына, агащ белетеесчилер јуртап јаткан јерлердин улузын шиле јыл түркүнүна јеткилдеерине ле алұны, мөштин күзүгүн, мешкелерди, јишелектерди ле јерлик босқо дәйе продукцияны көптөн јүүнадып аларына болуп, Турачактагы ченемел көргүзөр Түүлу Алтайдын агашкомбинадына андаар јерлер көп јылдарга тузаланарына берилип јат. Күзүк јүүнадатан јерлер облпотребсоюздын предприятиелерине, арткан јерлер агащ хозяйствонын предприятиелерине берилер.

Областта алтын тазылды ла босқо дәйе ёлөнгүди јуурын аайлу-башту эдип аларына болуп, олорды белетеер јөпти государствонын агаشتы корыыр органдары берип јат.

Агащхозяйственный производственный биригүгө (н.к. Терехов) агаشتы толо тузаланарына төзөлгөлөнин, 1989—1990 јылдарда предприятиелерди чыгымдарын

бойлоры јоголторына ла бойлорын акчала јеткилдеери-не брёлдй турган органдардың некелтelerile кочүрерjakylta berilgen.

Агаши белетеер јерлердин кезем астаганынан ла бий-иктей турган аймактарда агаشتы орныктырары коомой төзөлгөнинен «Верх-Катунский» агащпромхозты јылына 35 мун кубометр агаши белетеер агащхозяйственный предприятие эдер деген шүүлтени агаши хозяйствонын Министерствозынын алдына тургузар.

1989 јылдын баштапкы январинен ала тыт агаши бзүп турган јерлерде агаشتы уч-бажы јогынан тазада јигарын бастыра јерлерде јоголтор.

Агаشتы јигары астадылганыла колбой агащхозяй-ственний производственный биригүге агаши тарырын агаашкультурный фондтын кемине јетирер јакылта бе-рилген. Агащтын бүдүмдерин јаандырарына ла агаашты орныктырарынын чындыыйн бишкедерине болуп, бу иштерге бсю министерстволор ло ведомстволордын агаши белетеечилерин тартып алар.

1989 јылдан ала Ондой, Улаган, Көш-Агаши, Кан-Оозы, Көксуу-Оозы, Шабалин аймактардын јерлеринде баалу агаштар отургызылар учурлу.

Албаты депутаттарынын Советтерининг исполнитель-ный комитеттерине, агаши корыш болүкке, областынын агропромкомбинадына агааш культураларды мал теп-сееринен корып алар јакылта берилген. Госагашфондтын јеринде мал кабырарга јарабас, мал кабыратан јер-лер аңылу зээжиле, документтерле јарадылып јат.

Агаشتы толо тузаланаына болуп, облисполкомнын одыру промышленнозына, Туулу Алтайдын агаши белетеер предприятиелерине кажы ла хозяйстводо одыннын јерлерин төзбөр шүүлте эдилет. Одынга агаши белетееген јерлерден, агастан не-неме белетеегенинен арткан-кал-ган агаши тузаланылар, одын белетеерининг агашибилет-терин берерин токтодор, эл-јонго агаشتы бүткүл бойын-ча тартарын јараттырбас.

Крайисполкомнын 123,4 мун гектар, ол тоодо Алтын-Көлди корып аларына — 27,8 мун гектар јерди баштап-кы ла экинчи болүкке кочүргенин ајаруга алар.

Облисполкомнын «Агаши хозяйственоын айалгазы ла оны оноң ары бсюрери керегинде» јобиле Алтын-Көл-динг јанында, ол тоодо Ижун, Колычак, Колдор, Самыш деген кобыларда ла Садра көлди айланыра бзүп тур-ган мөшти кезери токтодылган.

Кичинек сууларды корып аларына болуп, облисполком 1989 јылда Уймень, Чуйка, 1990 јылда — Сары-көпши, 1993 јылда Бий, Байгол, Күү сууларда агаши ағызызын токтодып јат.

Агаш белетеечилдердин ыраак јурттары jaар автобус
jүрөр ѡлдор ачсын деп, Турачактагы ла Чойдогы ай-
макисполкомдорго, Горно-Алтайсктагы ПАТП-га жакыл-
та берилген.

Турачактагы, Чойдогы аймакисполкомдорго, облис-
полкомның эл-жонды јадын-јүрүм јанынан јеткилдегр
башкартузына агашихозяйственный производственный
бираигүле көмө агаш белетеечилдердин јурттарында јур-
тап јаткан улусты јеткилдеерин жарандырары аайынча
шитеерди темдектеп, олорды јүрүмде бүдүрзин деп жа-
кылта берилген.

Мöш агашты аайлу-башту тузаланарын ла агаш
хозяйствоның ижин билгир откүрерин ајаруга алып,
крайсполком ло агаш хозяйствоның Министерствозы-
ның коллегиязы Турачактагы ченемел көргүзөр Туулу
Алтайдын агашкомбинадының ла Байголдогы агаши-
комбинаттын, Каракокшодогы ла Турачактагы агаши-
промхозтордын, Чамалдагы мехагашхозтын јерлеринде
агашла шитеерин ылгаштырып откүрерин темдектейт.

ПОЛИТИКА. ПЕРЕСТРОЙКА

ҚЫТАЙДАГЫ ЗАНЫРТУЛАР

1. Бир эмеш текши тоолор ло керектер

Жер-энебистинг тогус миллион алты жүс мунг квадрат километр кургак јеринде — Төс ло Күнбадыш Азияда јебрен эл-ороон Қытай туруп жат. Совет Союзты ла Канаданы ээчиде јерининг телкемиле телекейде ол ўчинчи. Бу государствоның грандарының узуны — 36,5 мунг километр. Кургак јерле откөн 21,5 мунг километр грандарының 7,5 мунг километри Совет Союзла аралаш.

Бистинг ороондорыстың грандарында յакшы да, коомой до керектер болды. 1929 йылды эске алыналы. Ол јыл Маньчжурияның кара сагышту башкараачылары ла бистинг ороондо революциядан гран ары յаар ырбап качала, анда јуулган актвардеецтер Күнчыгыш-қыдат темир ѡлдо јуу-согуш баштаарда, эки јанынаң улустың каны ала-күне көп төгүлген.

Одузынчы јылдарда ѡлон олжочылар Маньчжурияга колдомдоп кирип алала, Советтер ороонының граны бегин көп катап ченеп көргөн.

1945 йылдың август айын совет ле қыдат калык качан да ундыбас. Ол тушта Совет Черў қыдат албатыга ѡлон олжочылардан жайымданарына болужарга бу гранды өдүп барган. Текши штүтүнинг черўзин оодо соголо, қыдат јеринен чыгара сүрген кийинде, коштой јуртаган эки албатының ортодогы гран-чийү эптү-јөптү болотон, амыр-энчү өмөлжётбөн гран болзын деп јөптөшкөн. Алтанынчы-јетенинчи јылдарда эки государствоның ортодо өён-бёкөн болуп, ырашкан да болзо, эмди мынаң ары керектер јаранаына иженер арга болоберди.

Қытай — телекейде эң көп јонду ороон. 1987 йылдың учында бир миллиард кижи јуртаган. Жер ўстинде бүгүнги бар улустың кажы ла бежинчи кижи — Қытайдың Қалык Республиказының гражданини болуп жат. Бу ороондо болгон кижи улустың көбин кайкап јанат. Тың да элбек эмес јerde турган Шанхай городто 12 миллион кижи јуртап, оның тапчы оромдорыла ары-бери түни-түжи јылыхат.

Қытайда улус коркышту көп өзött. Улустың тоозы өзбөрин астадарына ууландыра јўзүн-башка закондор ло ээжилер бу ороонның јўрўминде көп болгон. Он јыл мынаң кайра

башкару јарлаган јөнтө «Бир биледе бир баладаң көп болбозын» — деп айдылды. Бу јөпти төс јердеги ле провинциялардагы башкарулар кыйа баспастан бүдүрөргө кичеенип јадылар. Јөпти бускан учуралда каруузына тургузылат. Андый да болзо, јыл сайын ККР-да 14 миллион бала чыгып жат.

ККР-да јуртаган эл-ジョンның айдары јоктоң көп нургуны— 93 проценти кыдаттар (ханьдар). Ого ўзеери ороондо база 55 нациялу улус (чжундар, уйгурлар, монголдор, корейлер, төрбөттөр лө боскө дө ук улус) јуртайт. Текши тузаланган тили — кыдат тил. Ол жер сайын провинцияларда база башкалу. Түндүктинг ле түштүктинг кыдаттары чек жаан башка тилдү. Же иероглиф бичиги јангыс.

ККР-дың акчазы — юань. Џүс юань бистин 16 салковой 5 акчага түнгей.

Ороонның 1982 јылда жарадып јөптөгөн јағы Конституциязы аайынча Қытайдың Калык Республиказы — албаты-калыктың демократиялу диктатуразы болуп төзөлгөн социалистик государство болуп жат. Анда ишмекчилердин ле крестьяндардың нак колбузы ажыра бастыра јүрүмди ишмекчи класс башкарат.

Государстводо јангынг эң бийик органы — Албаты-калыктың Текши Қытайдагы јууны (ВСНП). Оның уламдай иштеечи органы — Председательге баштаткан Жаантайынгы Комитет. Бу комитеттинг председателин — ККР-дың Председатели дежет. Жаантайынгы комитет закондор јөптөп чыгарат. Ол закондорды бүдүрер ишти төзбйтөн лө башкаратан эн бийик орган — ККР-дың Эл Совети. Ол советтинг бажында премьер туруп жат.

Государстводо јаң-башкаруның провинцияларындагы органдары — албаты-калыктың чыгартулу улузының јуундары ла албатының башкарулары.

ККР-да бүгүн 22 провинция, беш автоном район, төс башкаруга көнү багар ўч город: Пекин, Шанхай, Тяньцзинь. Привинциялар, автоном райондор округтарга, уездтерге бөлинет. Уездтерге городтор, јурттар кирет.

Кыдат эл-ジョンның бастыра јүрүминде, ончо керектеринде башкараачы ла ууландыраачы ииде — Кыдаттың Коммунист партиязы. Қытайдың Компартиязы 1987 јылдың учында 46 миллион члендү болгон. ККП 1921 јылда төзөлгөн. Партияның эмдиги Төс Комитети 1987 јылда откөн XIII съездте тудулган. Бу съездте партияның Төс Комитеттинг Политбюрозы, Төс Комитеттинг качылары (Төс Комитеттинг Генеральный качызы Чжао Цзыян), шүүлтөчи-советниктердин Төс Камызы (председатели Чэн Юнь), партияда дисциплина шингдеечи Төс Камыс (качызы Цзяо Ши) ле Төс Комитеттинг јуучыл соведи (председатели Дэн Сяопин). ККП-ның Төс Комитети «Женъминь жибао» газеттү.

ККП-ның XIII съезди партияның ичкери баратан төс јо-

лы — Кытайда социализмди төзөп бүдүретен јол деп јоптөгөн. Партия башкарынган идеология — марксизм-ленинизм ле Мао Цээдуининг ўредүзи. Ороонның башкараачы ийдези— коммунисттердинг партиязы болуп жат деп, съездтинг јобинде айдылды.

ККП-ның XIII съезди ороонның экономиказында, политикалык ээжизинде ле социальный јўруминде јаныртуларды мынан ары там элбедер ле теренжидер программа јоптоди. Кытай бойын јаңы бэўп баштаган ороондордың тоозына көжуп жат. Съезд ороонды келер јўсқылдыктын ортозы киреде орто бзўмдў ороондордың кемине јетирер амаду тургусты.

Кытай, Кытайдың Калык Республиказы — мунгдар јыл историялу јебрен государство болуп жат. Кыдаттар бойының орооны телекейде улу-жаан государство деп качан да айтпаска жат. Күбадыштагы айдышла кемізде, Кыдат, чындан та, улу-жаан государствовордың тоозына кожулбас. Мылтыкла да јепсенгени кирелў. Ядерный јуу-јепсел ККР-де бар. Же Кытай бойымда бар ядерный јуу-јепселдерлў ороондордың ончозына озо јарлаган. Кытай јуу-јепселин космоско чыгарга бачымдабайт. ККР космостың телкемин амыр-энчү амадуга тузаланарында сүреен jaан једимдерлў.

Кытай космоско бастыразы 19 спутник чыгарды. Эмди космоско учуп барып, ойто келип турар кереп белетейт.

Кытайдың төс города — ПЕКИН

Пекинде бүгүн он миллионго шыдар кижи јурттайт. Жебрен город. Эмдиги Пекин турган јерде улус бистиг эранан эки мунг јыл озо јуртаганы керегинде озогы бичиктерде айдылгана бар. Бүгүнги Пекин — ороонның экономиказының ла культуразының төс жери, торт темир јол бириккен, көп заводторлу ла фабрикаларлу, институттарлу, музейлерлў, театрларлу.

Тяньаньмэнь тепсөн — (кочурзе — «тыш төнгеринин каалгазы») городто энг jaаны. Чындан та, мында Эмди тым. Кандай да jaан байрамду күндерде мында черүнин парадтары, көп улусту демонстрациялар, митингтер болбой жат.

Бу ла јуук дйлордб, «культурный революцияның» јылда-рында калжурыйган «хунвейбиндер» («кызыл корычылар») бадыштай туратан. Олор бу тепсенте сары-тангла јуулып, јуундан, митингтеп алала, ороонның јебрен культуразының байлык јббожзин, кереестерин оодып ўреерге таркагылайтан. Ол јылдарда көп ученыларды, инженерлерди, литератураның ла искусствоның ишчилерин жамандап кинчектеген, «түзелзин» деп аалга-туйук јурттарга айдуулга ийген.

Олордың көбизи (тирү арткандары) эмди жаңылап келеле, заводтордо ло фабрикаларда, наукада шинжү өткүрөеши институттарда, лабораторияларда иштенгилейт, университеттерде лекция кычыргылайт, партияның комитеттерининг, элжонның биригүйлерининг ижин башкарғылайт.

«Культурный революцияның» жылдарында анайда «түзедилген», жартап айтса, кыйа көрдирген, жамандаткан улустың көбизи Совет Союзта ўренген, специальность алган улус.

Темдектеп алза, Шанхайда кабель эдеечи заводто (ККР-да эн жаан ла жакшы жазалду, электрон техникала жепсеген заводто) беженинег ажыра инженерлер, тасқадузы тың беш јүске шыдар ишмекчилер беженинчи жылдарда Совет Союзтың институттарында ўренген, СССР-дың заводторында иштеп темиккен улус.

Танъянъэмэнь — Пекиннинг, ороонның төс тепсеки. Оны айландыра: Кытайдың Эjen-каандарының кышкы Гугун өргөөзи, ВСНП-ның Жаан байзыны, Кытайдагы революцияның Музейи, Кытайдың историязының музейи тенгкейиже.

Албатының чыгартулу улусының текши Кытайдагы јуунының Байзына кирер төс эжикти одоштой Кытайдың жайымы ла камааны јок болоры учун тартыжуда јүрүмин берип блгөн улустың ат-нерезине учурлай кара-сур гранит таштан чүмдел жазаган эзем туруп жат. Коштойында Мао Цзэдунның мавзолей байзыны. Жанында Гугун өргөөнинг ўстинде Маоның сүри. «Улу башчының» сүри учреждениелерде, кабинеттерде, б скоб д б тураларда јок. Он ло жыл мынаң кайра Кытайда кажы ла алтамда Мао Цзэдунның сүри учуртайтан эди.

Мао Цзэдунның граниттаң жазаган, күлерден уруп эткен эземдери ККР-дың жаан городторында артканча. Мао кыдат улуска блўп те калган болзо, ороонның историязында артканча.

Экономикадагы жаңыртулар

ККР-дың социалистик экономиказы ороондо баштапкы беш жылдыкта тозөлип баштаган. Ол ороонның сүреен уйан экономиказын бутка тургузарында жаан учурлу болды. Таш, көмүр, нефть, газ, темир руда казып алары, темир кайылтary, машиналар эдери план аайынча көндүккен. Транспорт, колбу, государствоның садузы жаранган.

Же беженинчи жылдардың учы жаар ороонның хозяйствозын тозоп башкаарында жаан једиклестер ле тутактар бары жарт көрүне берген. Бастыра керектерди төс јерден пландалап ла башкарып турганы, городтордо ло провинцияларда иштеп

турган предприятиелер болор-болбос сурек аайынча төс жердеги ведомстволордон ло министрстволордон јөп сурал турганы ишке тын буудак боло берген.

Предприятиелерде бойы башкарынып иштеер, кирелтезин производствоны элбедерине, продукцияның чындыйын жарандырарына, жакши иш учун сыйлаарына чыгымдаар право жок болды. Кичеенип жакши да иштеген улуска, жалкуурып анаармынаар да иштегендөргө төг төлбөгөн. Эткен иш онын тоозыла чындыйы учун эмес, ишке чыкканы учун, жамызы учун төлөп турган болуп калды...

Кыдаттардың эмди айдып турганыла, «јаан казанды айланыра отурып алала, текши ажанган». Аңдый керектү «Женъмин жибао» газет шоодып, 1986 жылда 5 декабрьдагы номеринде «бир кижи салдалу, жети кижи калбакту» турган журук жарлады.

Аңдый айалгада улус иш эдерине, арбынду ла чындыйлу иштеерине јилбиркебей барган. Экономикада керектер коомжытыгын. Ого ўзеери алтанычы јылдардың ортозынан ала он јылга шыдар ёткөн «культурный революция» ККР-дың хозяйствозын чек жайраткан. Беженинчи јылдарда журт хозяйствово «албаты коммуналар» ла промышленностью жарлалган «Кере калыштын» политиказы тын жол албаган.

«Культурадагы революциянын» экономикадагы политиказы түйуктала бергени жетенинчи јылдардың ортозы киреде жарталган. 1976—1978 јылдардагы башкару ёткүрип баштап программа база жаан једикпестерлү бололо, бүтпеген.

Аңайда ККР-дың экономиказын төзөп башкарап ишти чек б скротт, жаңырта төзөбөри тургуза ла керектү боло берген.

Кытайдың Компартиязынын он биринчи тудулган Төс Комитетининг ўчинчи пленумы (1978 ж.) Кытайдың экономиказында жаңыртулар эдетен, ороонның экономиказын чек б скротт төзөп башкаратан программа тургузып јоптөгөн. Пленумынг јөбинде предприятиелердин ижин төс жерден пландаарын ла башкаарын токтодор, предприятиелерге ишти төзөп башкаарында бойы башкарынар, кирелтенинг көп нургунын бойы башбилинин тузаланаар право берилди.

ККП-нынг Төс Комитетининг 1978 јылдагы пленумы иштеп турган улуска учындагы једими, чындый учун төлбөр, экономиканынг закондорыла башкарынар эткен.

Жаңыртулардың төс амадузы — садуны, бааларды государство башкарып турган социализмнин хозяйствозын төзөп алатаны.

1982 јылда Албатынынг чыгартулу улузынынг бастыра Кытайдагы јуунынынг (ВСНП-нинг) јобиле ККР-дың Государственный Совединде ороондо хозяйственоны жаңыртар иш башкаратан Комитет төзбөлгөн. Эмди ол Комитеттү ККР-дың Госсоведининг премьери Ли Пэн башкарып жат. Провинцияларда Комитеттү органдары бар.

Комитеттинг бүдүретен задачазы — јаныртулардын баш ууламыларын темдектеери, ведомстволордо ло башка-башка јерлерде бүтүп турган јаныртуларды шингдеери ле башкаары.

ККР-деги јаныртулар эки бүткөн. Баштапкы бүйдө (1978 ўылдын декабрь айынан ала 1984 ўылдын октябрь айга јетире) јаныртулар көп нургуны деремне јerde өтти. Ненинг учун јаныс ла деремнеде, јурт јerde? Ненинг учун дезе, анда кыдат калыктынг айдары јок көп нургуны — 80 проценттен ажыразы јуртайт. Партиянынг ла башкарунынг алдында турган төс задача — бойынынг ороонында улусты тойо азырайтаны болгон.

ВСНП-нын Jaантайынгы Комитетдининг председателининг заместители Пэн Чун совет газеттердин корреспонденттериле туштажып куучындажарда, Кытай акту бойынын бир миллиард тоолу улузын азырап болбозо, боско кандый да ороон азырап болбос деп айткан. Деремнеде керектер јакшы болгожын, ороондо бастыра јүрүм бийик кеминде болор деди.

Кытай аш-курсак эдерин кезем көптөдөлө, бойынын элжонын тойо азырай берген. Тогус ўылдын туркууна крестьяндардын кирелтези 3,16 катап, городто јуртаган улустынг 2,62 катап бости.

Эмди Кытайда түрекен, торологон, суранып јүрген улуска туштабазын. Ыраак төртөнинчи ўылдарда андый улус Кытайда айдары јок көп болгон. Эмдиги кыдаттар јаны бүй аайынча кийинген, сүүнип ле оморкоп јүрген улус. Jaан ла кичүү городтордо, јурттарда тоозы јок көп магазиндерде ле лавкаларда, муңдар тоолу улус бойы эдип алган товарларды ла аш-курсакты садып турган базарлarda не ле бар: эт, колбаса, саржу, эттен ле сүттен јазаган јүзүн-башка курсак, јымыртка садылат. Аччада ла маала ажы, јиилектер көп. Јаныс ла Шанхайдын магазиндеринде, лавкаларында, базарлarda беш јүске шыдар сорт маала ажы ла јиилектер садылат. Рис ле маала ажы — кыдат улустынг jaантайын јиген курсагы.

Деремнеде јанырту биленинг, бригаданынг, бөмбиктинг подрядына көчкөни ажыра бүтүп јат. Көп нургуны биленинг подрядыла иштеп јадылар. Кытайда јурт хозяйствонынг төзөгбөзи биле деп айтса, јастыра болбос.

Биле эмезе бой-бойына төрбөён эки-үч биле бириккен бригада кыралап тузаланатан јерди эмди бежен јылга јетире: арендага алар аргалу. Баштап јерди 5—10 јылга арендага берип туратан. Бу јуукта бежен јылга јетире берер эдип јоптөгөн.

Крестьянин арендага алган јерининг ээзи, анда садуга баргадый продукцияны бойынынг күүниле саду керексип турганы аайынча кыралап боскүреле, садар тапту. Оскүреле јуунадып алган продукциязынынг кезигин ажындыра куучында жып јоптөшкөн (контракт эткени ажыра) государствового садып јат. Государствого продукция табыштырганы база jaан

астамду. Улустаң садып алып турган продукцияның баалары бу јуукта бийиктеген. Артканын крестьянин бойы тузаланат. Артыкташканын базарга барып, садып ийер аргалу.

Јаныртулардың экинчи ойинде (1984—1987 йылдарда) городтың экономикасы алдынан брө ўстине жетире — предприятиеден ала министерствого жетире жана төзөлди. Продукцияны әдип чыгарардан ала табыштырып садарына жетире бастыра иш предприятиениң колында.

Қытайдың Компартиязының 1987 йылда ноябрь айда от-көн XIII съездининг јопториле ККР-дың экономиказында жаныртулардың үчинчи ойи — жаныртуларды теренжидетен, ончо јерлерге ле бастыра ишке таркадатан, экономиканы башкаарында демократияны әлбедетен, садуның бүткүл ээжинин төзөйттөн, экономиканың эски ээжизин чек јоголтоло, жаңы ээжиге көчтөн ёй башталган.

Ончо предприятиелер продукцияны әдип, бойлоры садып јадылар. Продукцияны кайда әдетени — предприятиениң көреги. Предприятие акчала, сырьело, материалдарла бойы жеткилделет. Чыгымду, кирелте юк болгожын, бойы каруулу, бойы шыралаар. Иштеп алган кирелтенинг 15 процентаи предприятиениң бойында артар, б скобзи государствово барып жат. Производствоны бойлоры тығызып, ишмекчилерге ле служащийлерге бойлоры төлөп јадылар. Акча-жалдың кемин кижининг иштегени, таскадузы, ижининг чындыбы аайынча предприятие бойы темдектейт. Норманы ажыра бүдүрзе, сый акча болор. Иштинг ле эткен продукцияның чындыбы јакшы болгожын, сый акча көп болуп турат.

Ороондо бар бастыра предприятиелердин 80 процентинде бүгүн подрядла эмезе арендала иштеп турулар.

Темдек әдип, Шанхайдагы портты алалы. Бу порт бүткүлиниче подрядта. Подрядла иштеп турган болзо, өмөлките праволор сүреен jaан. Кажы ла ишмекчи, техник, механик, инженер кичинегинен — jaанына жетире ончо башкараачылар — прораб, мастер, бригадир, начальник, баш технолог, баш инженер, директор — бастыразы оок то, jaан да керектер учун каруулу. Кажы ла ишчи — бойының кереги учун башталганаң ала учына жетире каруулу.

Предприятие сырье эдеечилерле, әдип турган продукцияга керектүү немелер әдип бересеи б скоб предприятиелерле, садула көнү колбулу. Пландаачы ла жеткилдечи органдардан (госпланнан ла госснабтан) иш аайынча камаан юк.

ККР-де бастыра предприятиелер бүгүн садудан камаанду иштеп јадылар. Кандый бир товарды тың керексий берген болзо, оны эдерин саду сураганы аайынча көптөдип јадылар. Саду, улус сурабай, керексибей барган болзо, андый продукцияны, товарды эдерин чек токтоткылайт. Садылбай, складтарда јадар товарлар әдилбей жат.

Товарлардың бааларына көп нургунында шинжү юк. То-

вардың, продукцияның баазының кеми садудаң, сурап керексип турғанынан камаанду. Кажы бир товардың баазы бүгүн бир бололо, эртен садуда көптөй береле, улус керексибей барза, тың јабызай берет. Жайым садуның ээжизи андый.

Техника-жөбжөлик жеткилдеш төс јердең камаан јок. Ого кем де киришпей жат. Предприятие бойына керектү машиналарды, станокторды, жүзүн-башка жазалдарды текши саду эмезе боско предприниелерле тургускан јөптөжүлери аайынча алып жат. Акча жетпей баргажын, банк одүшке акча (кредит) берер.

Предприниелер акциялар чыгарала, бойының продукциязын ол ок рынок ажыра садып турат. Кирелте алып болбой, королтолу иштей берген предприятие јабылат, эмезе олорды кирелтелү иштеп турган предприятиеле бириктиргилейт. Уйан предприятие бойының күүниле тың предприятиеле бириккени түреп јабылганинан торт деп, Кытайда шүүп турулар.

Кытайда башка-башка рыноктор сүреен көп, олор орооның экономиказында бүткүл биригү болуп јадылар. Бу ороондо јер, техника, технология, сырье, белен продукция, иштеер улус, акча-жөбжө, акциялар, квартиралар, ишке керектү туралар, складтар, наукада иш, оның једимдери, культурада ла улустың јадын-жүрүминде жеткилдеш — ончозы товарлар.

Је Кытайда бүгүн төс јердең пландал башкаарынан, ўлештириренең, садуны ла бааларды шингдеп башкаарынан чек мойноды деп сананганы јастыра болор. Ороонды башкараачы төс органдар, Госсовет, министерствор социалистик экономиканың ажындыра ѡолын, бзүп баратан текши ууламыларын темдектеп, пландал, государствоның акча-жөбжөзин, боско ороондорло колбуларды, коруланаар, жеткер јок болорын жеткилдеер ийде-чыдалып башкарып јадылар.

Эн жаан учурлу, бастыра ороонго керектү продукцияның бүдүмдерин ле бааларын (андый продукция ККР-де эдилип турган бастыра продукцияның 20 процента) государстваового тургузат.

Улуска эң керектү аш-курсактың (ристинг, эттин, шикирдин) баалары государствоның ла оның јербайындағы органдарының шинжүзинде, Аңылу магазиндер бар. Олордо ристи, этти ле эттен жазаган курсакты, шикирди карточка аайынча садып жат. Олордо баалар јабыс, кубулбайт. Бу аш-курсакты боско дö магазиндерден садып алар аргалу. Је олордо баалар бийик.

1988 жылдың баштапкы јарымында Кытайда аш-курсактың продукталарының баалары бийиктедилген. Аш-курсактың баалары бийиктеген кеминче улустың акча-жалы, пенсиялары ла стипендиялары бийиктедилген де болзо, албатынаны оны јарадып јөпсинди деп айдар арга јок. Анчада ла акча-жалы, кирелтези јабыс улуска јарабай туру. Андый улус бүгүн Кытайда сүреен көп.

ККР-дың јеринде бааларды түнгөй бийиктеткен эмес. Кажы ла провинцияның, национальный районның айалгазы, экономиказы, улустың јүрүмнин кеми аайынча бийиктедилди. Улустың ишжалы, пенсиязы ла стипендиязы база ол аайынча кожулган.

Андый да болзо, Кытайда бүгүн сүреен күч ле тың булгалип калган керек — баалар. Ороонның экономиказын јанырта төзбөринде баалар төс сурак боло берген. Бастыра баалар төзөлгөлү, чике тургузылды деп айдар арга јок. Бааларды предприятие саду аайынча бойы тургузат. Башка-башка провинцияларда, деремнелерде ле городтордо баалар тың ѡролутомондү болуп турганы ороонның экономиказын тың булгап жат. Бааларды ишжалдың кемиле, садуда товарлар жеткилдегенине келишире улай ла солып турарга келижет. Баа — ишжал — саду деген сурак бүгүн кыдат экономисттердин ле башкараачылардың күнүң сайынгы ајарузында.

Јаныртулар болуп турган бйдö Кытайдың экономиказында ёскö дö уур-күчтер учурал туру. Темдектезе, кирелтени ўлештирилеринде јарты јок керектер эмди де кöп. Тенг ўлештиририн, «јаныс казаннаң курсактанарын» јоголтконы тузалу керек. Анаида эткени улусты ишке јилбиркедерин тыңгыткан, иштинг арбынын бийиктедерине јоммөлтö эткен.

Је јайым саду болгон, туш улус ээлеген, кирелтени бойына алыш мензинген, оноң алган кирелтезине калан салар чокым политика јок айалгада общество эки башка бöлинери јарт. Мындый айалгада айдары јок кöп нургун улустың кирелтези јük ле акту бойының јүрүмнине јük арайдан једет. Кезик улустың (олор ас јаны) кирелтези туду ла токтоду јок кöптöйлö, олор байып јадылар.

Кытайда «кызыл миллионерлер» табылып келди. Олордың тоозы табынча кöптöп туру. Ол ок бйдö ишмекчи, инженер, керек дезе ученый кижининг учуры анаида ок табынча јылайып барады. Ненинг учун дезе, олордың бир ле катап тургузылган ишжалы бийиктебей туру. Јобжöлик јилбиркедиш база јок.

Ороондо бдöп турган јаныртулардан ла кубулталардан крестьяндар астамду болуп туру.

Јерди арендага алала, эмезе ѡмёликтинг, биленинг подрядыла иштеп, бойының, бала-барказының ижин тыңгыдала, крестьянин јердин түжүмин, малдың продуктивнозын бийиктедип, тоозын кöптöдип, сүреен кöп кирелте алыш, байып жат. Ого ўзеери крестьянның кирелтези кöптöрине оның продукциязын государство алыш турган баалар бийиктегени тың јоммөлтö эткен.

Темдек эдип, Гуандун провинцияны алалы. Мында јаңыртулар башталар алдында, 1978 јылда крестьяндардың кирелтези јылына кижи бажына 250 юаньнан келишкен болзо, 1987 јылда 903 юаньнан келишти, 3,6 катап кöптöгөн.

Оның да учун ККР-де крестьян кижининг јүрүми кезем

јараана берди. «Албатының коммуналары» болгон бйлорд брестианадарды казармада јаткан деп айдарга јараар. Эмди олор ўч-торт кыпту эмезе 2—3 кат, јап-јаңы мебельдү, электроприборлорлу, телерадиотехникалу тураларда јуртагылайт. Бастира улуста велосипед, кезиктеринде мотоцикл бар. Каа-јаа улус автомобильдү.

ККР-дың провинцияларыла јорыктап јүрген совет журналисттер Шанхайдың јанында Мацяо волостью крестьяндардың јадыныла танышып, Се Цзучэнь деп кижининг айлында болгондор. Эмди оның билези јаңы турода јуртап јат. Коштойнда — азыйгы тура. Сегис кижи тогус кып турода. Јаан уулы кижи алган. Эмди бойының туразына көчөр. Бир кызы кижиге барып јат. Биледе алты кижи артар. Тураның ичинде эки камералу сооткыш, кийим јунар машина, эки телевизор, магнитофондор, јакшынак мебель. 1987 јылда биленинг кирелтези 20 мун юаң болды — он јыл кайра 1977 јылдагы кирелтенинг беш катап көп. Се Цзучэньнинг јадыны аргалу деп чотолот.

Андый да болзо, Кытайдың деремнелерининг бүгүнги јүрүмнинде бойының уур-күчтери, једикпес-тутактары бар. Јерди арендага беретен бйди государство узадып та турза, продукцияны көптөдөрине, јерди јарапырарына, түжүмин бийиктедерине, јаңы техника, удобрениелер садып аларына крестьянин бойының акчазын чыгымдаар күүни јок. Көп учуралда крестьянин, анчада ла јиит улус, акчаны јыргалду «јааш јүрүмге» чыгымдаарга күүнзейт. Иштеп алган акчазының кобизин кассага салала, процент акчаны алыш, тегин отуарра га күүнзеген улус табылат.

Акчазынан артыкташканын түбек шыралу јаман ёй келзе тузаланар эдип, «чулукка» сугуп турган улус ас эмес. Ненинг учун андый болуп јат?

Ненинг учун дезе, јüs јылдардың туркуына шыралу јүрүм көргөн кыдат калык јаң-башкару бек турарына бүтпей јат, түренин јаман бйлор келеринен кезеп-чочып калган.

Оның да учун калганчы бйдөрдö ККР-дың деремнелеринде јаанадылган хозяйствовор тозблип турганы тегин учурал эмес. Ол ок Мацяо волостью јüs гектар јерлү (мындағы тоолорло ол көп) кооператив тозөлди. 20—30 гектар јерлү кооперативтер бар. Олор ол кире јерди кыралап тузаланарга чўмдў техника садып алгылайт.

Кооперативте (омоликте) јерди, сууны, садты, агаشتы крестьяндар арендага алыш иштегилейт. Крестьян чокым иш бүдүрер, чокым продукция эдер болуп молжонот. Йылдың учында эдилген продукцияны јоптожүде айдылганы аайынча кооперативке табыштырар учурлу. Оның баазын кооператив толёп берер. Јоптожүде айдылганына ўзеери алган бастира продукция крестьянда артар, оны бойы јиир, государствового садар эмезе базарга апарар. Онызы — ээзининг бойының ке-

реги. Кооператив (бөмбөл) аренда алган крестьянды јоптожүй аайынча удобрениелерле, техникала жеткилдейт. Аныда иштегенин бөмбөл подряд дежет. Оныла коштой Кытайда јурт хозяйствово биле подряд элбеде таркаган. Мында бир биле улус аш боскүретен јерди подрядка алала, эмезе мал боскүрер ферма алала иштенет. Продукцияны контракт аайынча та-быштырала, артканы биле бойы баш билинип тузаланат.

Кытайда ѡдўп турган кубулталарга, экономиканы јангырта төзөп башкарарына шингжү коомой төзөлгөни, закондорло жеткилделбегени тынг буудак эдип, хозяйствово башкарарында булгак эдип туро. Шингжүнинг текши государстводогы ээжизи, экономикада колбуларды жеткилдейтен право ло за-кондор социалистик рыноктынг бэзүминенг тынг сондогон. Эмди ККП-нын XIII съездининг јоптобри аайынча экономиканынг бэзүмин, производство колбуларды жеткилдейтен јаны за-кондор, садуны, бааларды шингдейтен јаны ээжи белетелип јат. Бу сүреен күч те болзо, је ККР-дынг эмдиги јүрүмийде керектү иш. Кыдаттарга, совет улуска чылап оқ, тыңыдып турган социализмге, элбедип баштаган демократияга јаны закондор, шингжү керектү. Оны ККР-де сүреен јакшы билип јадылар.

Кытайдынг экономиказында эмдиги ёйдо боло берген јаан сурак — акчанынг баазы түжүп турганы (инфляция). Ол то-варлардынг, аш-курсактынг, оныла кожо јүрүмнийн баазы бий-иктей бергениле колбулу. Ороондогы садуда айланыжып турган акчанынг тоозы эдилген товарлардан кёп. Быылгы јылдынг баштапкы јарымында акчанынг садып алар аргазы 10 процентке түшкен. Акчаны (юаньды) тыңыдып алатаң јол — ишти астамду, арбынду эдери, материалдарды, сырье-ны, электроэнергияны кымакайлан, чебер чыгымдаары, про-дукция эдип чыгарарына, башкартуга чыгымдарды астадары, садуда улуска керектү товарларды көптөдбөри.

ККР-дынг јангырта төзөп алган экономиказында једикпес-тутактар, бэзүмге буудак эдип турган керектер, јастыралар кёп. Ол баштап тарый көргөндө кёп деп билдирет. Је эдилгенин ончо јанынаң теренжиде шүүп көрзө, анчада ла он јыл мынанг кайра болгон айалгала түнгештириззе, Кытайдын ком-мунисттери, кыдат калык јангыртулар, кубулталар, боскүртү-лер эдип баштаган тоолу јылдардынг туркунына једип алганы кайкадат.

Темдек эдип јангыс ла 1987 јылды алалы. Ороондо 1987 јылда эдип алган текши национальный продукт бир триллион тогузон эки миллиард юань болды. Онынг алдындагы јылда 946 миллиард юань болгон. Озүм пландалган 6,4 проценттинг ордина 9,4 процент болды.

Промышленностьнын ончо болүктөрн бой-бойыла колбулу болуп, тенг бости. Промышленностьнын предприятиелеринде продукция эдип чыгарары бир јылдынг туркунына 16,4 про-

центке көптөгөн. Минеральный удобрениелерди, јурт хозяйствосто бозүмдердин шокчылдарын јоголтор химикаттарды эдери 22 процентке боскөн. Албаты-калык элбеде тузалана ла улуска энг керектү товарларды эделе, садуга чыгарары кезем көптди, олордың чындыбы јаранды.

Јурт хозяйствосто иш јаранган, улуска аш-курсак, промышленностько керектү сырье эдери боскөн. Былтыргы јылда 402,4 миллион тонн аш јуунадала, сакырымга уруп алган, онын алдындагы јылдагызынан 10,9 миллион тоннго көп, көбөндиги (хлопокты) — 4,19 миллион тонн јууп алган, 1986 јылдагызынан — 650 мун тонн көп. Шикир јанынан эмеш коомой. Шикир эдер кулузынды государствого алып турган баа јабыс болордо, ороондо шикир эдери бозбөрдөн болгой јабызап жат. Кытайда шикирден бозо этпей де турган болзо, шикир бүгүн једишпей турү. Кыдат медицина көп шикир јигени кишининг су-кадыгына коомой болоры керегинде јартамалды ѡткүрип те турза, улус бу курсакты керексип жат. Эмди шикирди көптөдө эдер программа тургузылат. Јаңы заводтор ачылар.

ККР-дың экономиказының боскө ороондорло колбулары

Кытайдың бойында экономиканы төзөп башкаарын кубултып, боскортот төзөп турган иш ороонның тыш јанындағы политиказыла көнү колбулу.

Кытайдың Компартиязының XIII съезді ле јетинчи катап тудулган ВСНП-ның баштапкы сессиязы экономикада кубулталарды ла јаңыртуларды мынан ары теренжидерине јомбөттө эдер бир канча јаңы јөптөр јараттылар. Ол тоодо «Талайды јакалай тергеени тыңыда боскүрер» јөп јарадылды. Бу јерлерди боскө ороондордордон акча-јөбөк, техника ла технология јайым келерге ачык эдип јарлаган.

Боскө ороондордың акча-јөбөкзине (капиталына) ККР-дың күнчыгыштагы талайларды јакалай 160 миллионнон ажыра улус јуртаган, 320 мун квадрат километр јердин эжиктери элбеде ачылган. Кытайдың энг жаан 14 города ла портторы, темдектезе, Тяньцзинь, Шанхай, Гунчжоу, боскөлөри де «ачык», олорго боскө ороондордың акча-јөбөзи туду ла кемжү јогынан кирер аргалу деп јарлалды. Кытайда анайда ок бастыразы ачык терге-зона болотон бүткүл провинция — Хайнань төзөлди.

Сегизенинчи јылдар башталарда боскө ороондор бойынан акча-јөбөзин саларына јарамыкту айалга јеткилдеген «анылу торт зона» (Шэнъчжэн, Чжухай, Сямень, Шаньтоу) төзөлгөн.

Гар-Алтай
Облагими баласы
п. А. Н. Касиев

ККР кандай амадула ёскö ороондордын акча-јööжöзиле промышленностьның ёскöретен ағылу төрдөлгөн? Элденг озо олор Кытайдын экономиказының бэймин кезем тыңыдарына керектүү аргаларды гран ары янынан, элденг озо күнбадышта ла күнчыгышта бэйми тынг государствовордорон табып аларга амадап јадылар.

Бу амдула кыдаттар Кытайга ёскö ороондордын акча-јööжöзи, яңы техникизы ла технологиязы канча ла кире кöп кирzin деп кичеенгилейт. Олор телекейдинг хозяйствозына, бойлорының айдыжыла, «эки башты чыгарала» теренгжиде кирип алар күүндү.

Кытай гран ары янынан бойының экономиказын ёскöрерине керектүү акча-јööжö, эдип алган продукциязын садатан рыноктор табарга, анайда ок сырье, ярымдай эдилген продукция алала, олордон кыдат калыктынг эпчил ле ус колдорыла товарлар эдерге кичеенип јадылар.

Ёскö ороондор бойының капиталын Кытайдын экономиказын кезем тыңыдарга анайда бойына кöп астам-кирелте аларта болуп, жалтаныш јоктоң салып јадылар.

Темдек эдип, Гуандун провинцияда «анылу экономикалу райондордын» бирүзин — Шэньчжэнди алалы. Он јыл бу райондо бар бир канча деремнелерде 20—30 мунг крестьяндар јуртаган. Эмди мында 800 мунг кижи јаантайын јуртайт, арткандары — город тудуп јадылар. Строительдер бого ороонның бастыра јерлеринен јуулган. Олор јап-яңы јазалду јаан предприятиелер, ёткүре бийик (50—75 кат) туралар, телекейлик бүдүм-кеберлү отельдер (айылчы улус түжер гостиницалар) тудуп, ѡлдор, күрлөр јазагылайт. Городто тудулган 118 тура 18 каттан ажыра.

Зона ёскö ороондордын акча-јööжöзине ачык. Мында јööжöлбениш башка-башка: государствоның јööжöзи, ортотошкон јööжö, туш улус ээлэнген јööжö, кооперативтердинг јööжöзи, ёскö ороондордын јööжöзи бар. Олор ончозы бойбойының ортодо тынг маргаанда да болзо, је ККР-дынг экономиказына тынг тузалу.

Оыла колбой Гуандун провинцияның экономиказы тынг бэймнинг телкем ѡолында. Экономиказы түрген бэйп турганы јаан учурлу. 1979 јылда мында 60 миллион юаньга турар продукция эдилген болзо, 1987 јылда — 8 миллиард юань баалу продукция эдилди. Озум кайкамчылу. Кирелте 2 миллион болгонынан 100 миллионго жетире кöптöди. Улустын иштеп алыш турган акча-жалы база бийиктеди. 1979 јылда иштеп турган кажы ла кижиге ай сайын 56 юаньнан келиши肯 болзо, 1987 јылда 250 юаньнан келиши.

1982 јылда улус ККР-ден Гонконг јаар качып туратан болзо, эмди Гонконгтанг улус Кытай јаар качып турганы аярулу.

ККР-дынг Гонконгла граны Шэкоу райондо. Гранда јаан

чүм јок. Тың каруул турганы билдирибес. Чичке ле узун Моку көлди кечире күр. Ортозында ак чийүй. Ары жанында—Гонконг (кыдат тилле — Сянган), бери жанында ККР-дың жерине. Күрле ары-бери улус өткилейт. Олор Гонконг барып жаткан эмезе ККР-га келип жаткан улус.

1997 жылда Гонконг ойто Кытайдың жерине ле города боло берер. ККР-дың башкарузы жаңы жерди бойына «коҗуп аларга» белетенин туру. Чынынча алза, бу Кытайдың акту бойының жерин. Оны бир бойдо Англияның колонизаторлоры колдомдоп, мензинип алган. Эмди ол бойының төрөл жериле биригетени жолду. ККР-дың башкарузы бежен жылдың туркунына Гонконгтың политиказында да, экономиказында да нени де кубултпас болды.

ККР экономиканы боскортип, тыш жанындагы колбуларды элбедип турган жол сүреен күч. Мында жастырыш болорынан коркыбай, тың аланзыбай, капитал бийлеген телекейле жалтаныш јоктоң өмөлжөр керек. Кытайда ичкери өзбрин түргендедерге боскө жол јок.

Ол керегинде Дэн Сяопин быыл 24 майда США-да Манхэттендеги банктың делегациязыла туштажарда сүреен жартайткан: «Мен нөкөрлөриме жалтанбагар деп жаантайын айдып жадым. Кытайдың сок жаңыс жолы — экономикада жаңыртуларды теренжиидери ле боскө ороондорло колбуларды элбедепри. Жалтанбаган улус жастырбастаң маат јок. Жастырганы билдириз ле, ол тарый түзедер керек. Кичинек жастырганынан жаан жастыралар болбозын деп кичеенгени жакши болор.

...Эмдиги сүреен күч айалгада жастырыштар јоктоң болуп албас. Аналдарда, жастырынан жалтанбас керек...»

СССР ле ККР ортодогы колбулар

Бистин ороондорыс ортодо кандай ла керектер болгон. Коштой турган эки государство ортодо колбулардың јолында коомой до, жакши да керектер бар болды. Жакшынак керектер, байла, көп.

Кытайдың Кызыл Черўзи Гоминьданга удурлажа жуулажарда, Советтер Ороонының Кызыл Черўзи болушты. Кызыл кыдаттардың командирлерининг баш болушчызы бистеги граждан жууның геройы Василий Константинович Блюхер болды. Сонында Кытай јопон олжочыларга удурлаштыра тартыжарда патриоттордың черўлерининг командирлерине генерал Чуйков Василий Иванович болушкан.

1945 жылда жайыда Күнбадышта фашисттердин черўлерин жуулап оодо соккон Совет Черўнин талдамазын — гвардияны Ыраак Күнчыгыш жаар ийгенис. Анда олор јопон милитаристтердин Маньчжурияда ла Түндүк-Күнчыгыш Кытайда,

Корей јеринде турган миллион тоолу Қвантун черўзин оодо соголо, қыдат калыкка јайымданала, јаны јўрўм тозбёр ѡлго туарына болушты.

Оның кийнинде ёткён јылдарда СССР ле ККР сўреен јаан ёдимдў бомблёжип баштадылар. Бистинг ороонның кыс-канбай берген болжыла ондор тоолу јаан предприятиелер тудулган. Олор эмди де қыдат индустряның тозбёзи.

Анайып турала, кенейте Совет Союз ла Қытайдың Калык Республиказы ортодо колбулар кезем ўреле берген. Анда шылтактар кўп болгон. Экилезинде буру бар болгоны эмди јартала берди. Кемизининг бурузы кўп — оны јартаары керек ёж. Ёе кандый да болзо, СССР ле ККР ортодоги колбулар алтанинчы јылдар башталарда кезем коомойтыганында Никита Сергеевич Хрушевтың бурузы бары ѡарт кўрўнет. Ол керегинде ККР-диг башкараачы ишчилери бистинг журналисттерле туштажарда айткан.

Н. С. Хрушевты ККР-де И. В. Сталиннинг керегин ёткўре тынг кўдўргенин јаратпаган, ороонның ла партияның јўрўминде кубулталар эдип баштаган, США-ла, кўйбадышта ёскў дў ороондорло СССР-диг колбуларын јаандырып баштаган кижи деп билгилеер. Ёе Н. С. Хрушевтың јаан јастыраларының бирўзи — юуның кийниндеги Қытайда экономиканы орњыктарына, ороонның индустрязын тозбобине болжып турган совет специалисттерди бачымдап јандырганы деп, ККР-де шўўп турулар. Совет специалисттер — ученыйлар, инженерлер, ишмекчилер јанганы қыдат калыктың сагыжында коомой ис арттырган. Ороонның экономиказы сўреен кўч айалгода боло берген.

ККР-диг баштапкы бешъайлдыгында бистинг болжыслга 156 предприятие тудулган. Келер јылдарда тудулатан ёўстер тоолу јаны предприятиелердин проектилари бар болгон. Ол сўреен јаан машина кенейте иштебай туруп калган. Ол ок Шанхайдагы кабель эдеечи заводтон бир коноктың туркунина ёўстеғ ажыра специалисттер ёўре берерде, предприятие узак ёйѓо туруп калган. Оны қыдат ишмекчилер эмдиге ундыгалак.

Эмди СССР ле ККР ортодо колбулар кыймыктап, тынданып келди. Тынг јылбай да турза, бўгдойип туру.

Қитай јаар туристтер, бичничилер, журналисттер, ученыйлар баары кўптёди. Садуны элбедери, экономикада бомблёжёри керегинде јаны ёптожўлер бар.

Улай боло берген туштажуларда қыдат калык бистинг ороондо башталган јаныртуларга јаан ајару эткилейт. Қандый амадула јаныртулар болуп турганын билерге кўйнзеги-лайт.

СССР ле ККР ортодо колбулар государствовор јанынан, экономикада, наукада, техникада, культурада, спортто ло ёскў дў керектер јанынан ѡаранып туру.

Эки ороон ортодо саду 1986—1990 јылдарга эткен ѡптожүй айынча төзөлгөн. 1987 јылда СССР ле ККР ортодо саду 1,4 миллиард салковойго јеткен болзо, 1988 јылда 1,8 миллиард салковойго јеткен.

Гранның жаңындагы саду элбеп баштаган. 1987 јылда андый саду оның алдындагы јылга көрө, эки катап көптөйлө, 50 миллион салковой болды. Быыл СССР ККР-дың јеринде 25 предприятиени элбедерине ле жаңырта јепсеерине болужатаны керегинде ѡптожүге кол салылды.

Же бистинг политический, партийный колбуларыс ичкери јылбай жат. Бу колбулар эмдиге јетири ондолголок. Ненин учун? Шылтак неде? Кыдаттар бистинг черү Монгол јеринде, Афганистанда, Вьетнамның черүзи Кампучияда турганын жаратпай турулар. Гранда блаашту ла жарты јок керектер бар. Телекейде айалга айынча кезик шүүлтөлөр жарашибай жат. Јөпсиннишпей турган сурактар марксизм-ленинизмнинг ўредүзин жартап турганында учурайт.

Вьетнамның черүзин Кампучиядан чыгаратаны — бистинг сурак эмес. Ол сурак Вьетнамынг ла Кампучиянын. Олор бойлоры куучындажып ѡптожүк. Вьетнамның черүзин Кампучия жаар бис ийген эмезис. Олорды бис ойто чыгарып болбозыс. Же оныла коштой Вьетнам бойының черүлөринен 50 мун кижины бијылгы јылдың учына јетири жандырарга турганын бис жарадып уктыс.

Бис бойбыстың Афганистанда турган черүбисти жандырып баштадыс. Быыл февраль — март айларда бастыразы чыкты. Вьетнамның черүзи Кампучиядан табынча база жана берер.

Бистинг ороонло политика, партиядагы колбуларды жарандырарына Қытайда бачымдабайт, же бу колбуларды жарандырар күүндү. Түргендебей, табынча «бир калбактан, бир азыман», бир алтамнан жарандырып турарыс» дежет.

* * *

СССР ле ККР ортодогы колбуларда бијылгы јылдаң ала жаңы ёй башталып жат. Ого 1988 јылда декабрь айың баштапкы күндеринде ККР-дың ѡскө ороондорло керектерининг министри Цзянь Цичень Москвага келеле, СССР-дың ѡскө ороондорло керектерининг министри Эдуард Амвросиевич Шеварднадзеле куучындашканы, оның КПСС-тың Төс Комитетининг Генеральный качызы, СССР-дың Верховный Сөведининг Президиумының Председатели Михаил Сергеевич Горбачевло туштажып куучындашканы жаан ѡмөлтө эткен.

Эки ороонның министрлери 1989 јылдың баштапкы жарымында нөкөр М. С. Горбачев ло нөкөр Дэн Сяопин Пекинде туштажатаны керегинде ѡптожүккөн.

СССР ле ККР-дың ѡскө ороондорло керектерининг мини-

стрлери баштап Москвада, онон Пекинде түштажып куучындашканы, социализмнинг эң жаан государстволорынынг энбийик башчылары түшташканы жаңыс ла бу эки орооннын мынаң ары йўрўмине эмес, бастыра телекейдинг ѹўрўм-салымына жаан учурлу боловында алсанзу ѕок.

Москвада откён түштажуда министрлер кўп суректарды шўйшкендер. Элден озо тўс ајаруда эки ороон ортодоги колбулардын суректары турганы ѡарт. Министрлер калганчы ёйдö ККР ле СССР ортодоги колбулар тын жаранып баштаганын темдектейле, мынаң ары бастыразын жарандырар аргаларды шўйшкен. Совет Союз ла Кытай ортодоги колбулар жаранганы ёскö ороондорго каршулу болбос, најыларла колбуларга чаптық этпес деп айдилган. Бистинг колбуларыс элбегени ле тынғыганы эки орооннын албаты-калыгы амадаган ѡилбўлерге жараар, јер ўстинде јеткер ѕок ло амъир-энчў болорына ѡомёттö эдер.

Кытайдын министри Совет Союзта болуп турган жаңыртуларды бўткўлиниче жарадала, жаан једимдў болзын деп кўйнзеди. Бистинг орооннын башқараачылары Кытайдагы жаңыртулардын амадуларын ла суректарын ѡараттылар.

Најылук айалгода откён түштажуда эки ороон ортодоги колбуларды жарандырарда бой-бойынын керектериине киришпайтен, онча керектерде тен жаѓду болотон, кажызынын ла национальный ѡилбўлерин, жаңжыккан ээжи-жаңын, кўрўм-шўйлазин, ченемелин ајаруга алар ээжилерле башкарнар болуп ѡоптёшкён. СССР ле ККР ортодоги кыйу-гран амъир-энчўнинг, најылыхтын, акту сагышла ѡмблёжётён кыйузы болор учурлу деп ѡарлалган.

Бистинг ороондорыс садуны элбеткени, экономикада, культурада, наукада ла техникада ѡмблёжёрин теренжиткени бўгўнги кўндеги најыларла колбуларга коомой салтарын је-јетирбес, карын, ѡомёттö эдери айдилди. СССР ле ККР ортодоги колбулар бўгўнги кўндеги чокым айалга аайынча орнагар учурлу. Ненинг учун дезе, бўгўнги кўндеги айалга одустортён јыл мынаң кайра болгонынан чек башка.

Түштажуда эки орооннын кыйузынын жаинда турган чеरўлерди астадары шўйжилген. Бистинг ороондорыстынг кыйузында амъир-энчў ле најылук айалга болотон учун, бу суректарды бийик кеминде ѡдётён түштажуда шўйжер деп ѡоптёшкён.

СССР ле ККР-де ѡмблёжин ле ортоқтожып иштейтен предприятиелер, фирмалар, комбинаттар тўзбёр аргалар бар. Ол жаинана иш башталган. Мынаң ары там тынныр. Бу алдинда болбогон жаңы керек. Жаңы керекке жаңы улус керектў. Аандый улусты ўредин белетейтени, ченемел ле билгирлер алышары жаинана ѡоптёжип алаташы бар.

СССР ле ККР-диг предприятиелерининг, городторынын, областътарынын, республикаларынын, уездтерининг ле про-

винцияларының көнү колбулары тыңғыры билдирет. Ого бастыра аргаларла јомтолтө эдер деп јоптбашкөн. Қыйу-граның жаңындагы саду эки жаңына тың астамду борор. Бу ишти көнү башкарзын деп, бистинг ороондордың министерстволорына ла ведомстволорына жакару берилди.

Москва ла Пекинде министрлер шүүшкен суректар аайынча чокым јоптожүлер белетейтен камыстар көстөлди. Учында СССР ле ККР ортодогы бастыра колбуларды жарандыратан программа тургузылала, эң бийик башчы ишчилер тушташарда шүүжип јоптобирине берилер.

Азияда ла Тымык тегисте жеткер юк боловын јеткилдеер суректар база шүүжилген. Телекейдинг бу талазында айалгана жымжадарына элден озо мында турган государствовлор күүнзеер учурлу. Олордың кажызы ла бу талада амыр-энчүни тыңыдар тартыжуға бойының јомтолтөзин эдер аргалу. Же бу жаан иште СССР ле ККР-дың аргалары анчада ла тың, олорды билгир ле жаан једимдү тузаланары керектү.

Бүгүнги күнде Азияда ла Тымык тегисте, айайда ок бастыра телекейдинг јүрүмінде боло берген айалга аайынча СССР ле ККР-дың политиказы түңей эмезе јуук болгоны сүүндирет. Же ол ок бйдә көп туш суректар аайынча эки ороонның шүүлтөлери башка болуп турганы база бар. Москва да откөн туштажуда эки жаңы ол суректар аайынча куучында жып јоптожөргө күүнзегени жакшы.

Туштажуларда Қампучия керегинде, Корея жарымортолыктагы айалга жаңынан суректар шүүжилген. Айайда ок ядерный ла химия јуу-јепсөлдерин јоголторыла колбулу керектер аайынча шүүлтөлөрди угушкан.

СССР ле ККР бойлоры ортодо колбулар жаранатан телкем жолго чыгып алды.

Т. ТОДОШЕВ белетеген

Бу ширтемел статья 1988 жылда «Правдада», «Известияда», Литературная газетада», «Азия ла Африканың калыктары», «Амыр-энчү ле социализмниң суректары» деп журналдарда жаралған материалдар аайынча тапташтыра белетелген.

ЛАТЫШ ҮЛГЕРЛИКТЕН

* * *

Вацетис Ояр — (1933—1983), Латвия ССР-динг албаты поэзи, СССР-дынг ле ЛССР-дынг госсыйларыныг лауреады. ЛГУ-нынг филология факультедин ўренип божоткон, оноң лобери ол литературалық иште. Прозала «Ол күндердин көстөриле» деп роман бичиген, ёе онынг төс ло јарлу ижи — поэзия. Ол орус, немец, болгар, англичан, эстон, литва, ўзбек, таджик, якут, грузин, молдаван, украин ле боскод дө тильтерге коччуралған де, коччуралип те чыгат. Онынг төс жайамалдары: «Тыныш», «От ёзбингинде», «Онынг адреси — тайга», «Кара жиилектер», «Чангкыр кер-балык керегинде баллада», «Жалкынынг бичижининг ээжизи», «Си минор», «Туйуксыныш», база балдарга учурлаган бир канча книгелер.

Былтыр, бистинг Туул Алтайдынг бичиичилер биригүзинин шылтузында, ырыс болуп, меге кеен Латвияга баарага келижерде, мен анда најылык уткуулды, байрамды, күндүни, байла, качан да ундыбазым. Улусы ойгор токуналу, жалакай ла сүрлү, кеберек албаты. Күүн-санаазы бдүнгі ле элбек, кокуркуучыны чичкеерик ле эптү. Кожон ло поэзия олордо жаантайын кожо. Латыш албаты јебреннең бери тилин, кеберин, чүм-яңын, кеп-кайимин, фольклорын тооп, уйалбай-ундыбай эмдиги ёйғо энчилў жетирген. Олордын культуразы бийик, литературазы элбек. Олордын интеллектуал көрүм-шүүлтезин албатыларды ак ла карага, Чыгыш ла Бадышка, јарык ла караңгайга бөлибей, ончо телекейди бирликте ле тоозы јок јүзүндикте онгдол, кажы ла калыктынг аңызына, айдарда, поэзиязына, жаан ајару эдип жат. Олор кажы ла албатынын поэзиязынынг эң жарамыкту ла тартулу эп-аргаларын, санаашүүлтезининг айын ондоорго, билерге, тузаланарага жат. Мен бодозом, келер ёйлөрдө шак бу албаты телекейлик поэзияда кандай да сакыбаган жаңы сөс айдар аргалу. Оны Ояр Вацетистинг поэзиязы ажындыра керелейт.

Эмди «Эл-Алтайдынг» кычыраачыларын О. Вацетистинг бир тизү ўлгерлерин коччургенимле таныштырып турум.

Ш. ШАТИНОВ

* * *

О. Вацнетис

Кижи кижи ле, је,
База ол нота айасту.
Оның турган јеринен
Кем нени кожонгдооры камаанду.

Балдар,
Күштар,
Пушкалар.

Кажы ла нотада
Кажы ла эпоханың партитуразында,
Бойының турар
Сок јаңыс јери бар.

Јаңыс кижи андый
Сок јаңыс нотадый.
Эпоханың партитуразын
Кайданг ойнозын,

Је музыканы ўреер аргалу не, кайдазың.
Бойна,
Улуска,
База
Бүткүл эпоха музыказын.

БАЛТИКА ТАЛАЙ

Бу сууны слер
Ичпезеер,
Је келереер,
Кайкап көбрөөр,
Ол јажыл ла јуук,
Ол чангыр ла ыраак,
Эбиреде кайда да
Көрүнбес кулузын,
Јаңыс ла чайпалат
Финндердинг ле шведтердинг,
Латыштардың
Терининг ле канының
Ачу тузы.

Сууларбыла

Шылырап телкемге,
Толкубыла
Тоголонып кўскў,
Ол кайаларды,
Чактарды
Аралайт,
Амзалат
Тилисте.

Мунг шыраны,
Јазылган шырканы
Ченегер,
Сўўгер,
Оштўгўр,
Је
Олзў дў, ёссў дў,
Арткар бу јerde.

Бу сууны слер
Ичлезеер,
Је келереер,
Кайкал кўрбўр,
Ол јажыл ла јуук,
Ол чаңқыр ла ыраак,
Эбиреде кайда да
Кўрўнбес кулузын,
Јаңғыс ла чайпалат
Финндердинг ле шведтердинг,
Латыштардын
Терининг ле канынын
Ачу тузы.

Је, јаңғыс ла,
Орустардынг,
Поляктардынг,
Финндердинг ле шведтердинг,
Латыштардын
Терининг ле канынынг
Ачу тузы.

* * *

Менинг јаткан
Ээнзириген оромло
Аристократ кептў
Чичкеерик ле кеен

Аттар
Баштарыла ойноп,
Колы-буды бийелеп,
Озогы танцада
Откүлөген.

О!
Аш согоочы,
Кыра сүреечи,
Жууга минеечи,
Кезектей — тős көлик болоочы,
Бир ӊйдö — трамвайга јегеечи,
Суу, ӊтök тартаачы,
Жарышка бараачы,
Циркке чыгаачы ла
Оскö дö эрjинелердинг
Омок уги!

Ором кезекке алаатый берген,
Jükпезин кöдүрип,
Жажыл арчуулдарын түүй тартынган.
Олорды кöртуруп,
Шык тымый берген.
Ором кандый да
Бийик ле чокчок.
Жаныс ла —
Ток-ток.

Куулардый кеен, ээлгир мойынду,
Кöстöринде чолмон-чанкыр отту.
Мындый жарап ла улу
Жаныс ла аттар
Базар
Аргалу.

Аттар оромды
Сонуркалга экелди.
Эртедеги колбуны
Эзедип ийгиледи.
Ышсыгалак кейди
Олор менгдегилеп,
Торко эриндериле
Окчоп кöргиледи.

Ором сергидинди,
Jиит тужын эзеп.
Jок, амтык эмееңдердинг
Ойношторы керегинде
Балыртын эмес.

Је дюндарды бурып,
Қазылган
Сары јолдо
Чололу телегеде турып,
Балық-бачар
Jaap
Учурткан
Агенскаян¹ уулды.

Оноң база бу тирү постаменттерде
Ээрде
Быкынданган кыстар
Энчиге
Кеен эржинелердин
Өнгжик чогын алгандар.

Олор
Атардан түжеле,
Ойто ло эбира
Ээнзирий берер.

Је ором эм тура
Тымык бажыруда,
Сүрлү кайкалда.
Јердин ўстиле бийик кайкалайт
Кеен абакайлар ла
Кудайлык аттар.

БУУДАКТАР

Танктар токтодор буудактар
Тутпайдыс.
Шылтак неде?
Оскоб ороондор
Туткулайды не?

А бисте олор бар.
Бистинг кайран јеристе
Кöп обелисктер бар
Jetкилинче.

Салактаган тоштордын
Тамырайт ыйы.

¹Агенскаян — Рига городто бир районнын ады.

Мрамор шуургандар
Шуурыт.
А биске канча јыл
Jaғыс ла мөнгүлк оттордоң
Jайлар јылу.

Озогы шыркалар
Jалбырайт.
Албатымның терен
Санаазында
Ундыры ба?
Je ундыры —
Ол күүни сооры.

A бис
Бүткенис
Сүүрге,
Mөнгүлкеке.

* * *

Чечектерди ўскей ле балдар.
Олорго күн jaантайын
Jетпей ле турад.
Je сен олорды тепсебезин деп айдадым.

Jок, мен анда керес
Кандый да чечекти эмес,
Je бойымның күнимди корулайдым.

Кылыкту, кыртышту не менинг күним.
Jер ўстинде чечектер бسىзбى,
Ол слерге чалыбас ийне.

Ол теермен куйузында коройлогон сууда
Сен автонгды јунбазың качан да.

Je амтанду чарагандарга ачаптыбайдым,
Jаратта јайымжып, тусту стандарттар жип,
Тойор ло канар менинг аштаганым.

Бульдозер де сеге не берилген је?
Сен ийттий канзыраган эмтириң.
Менинг Эне-Jеримнинг тирү эдин
Jара тартарга ба ўзе?

Je сен кийик ле ач.
Ол коркышту ооруунгды чач.

Байыдың — эм не, шайыдың чат
Акчага-јööжöгö,
Санаа-күүнгө.

* * *

Жиит улус эм билбес те,
Је ол — кубалдың күни,
Бойының ончо элестежиле
Болгон ийне.

Мун белгелериле,
Ижемжи-бүдүмжилериле,
Jaанга, јашка да келишкедий
Фокус-элеезиндериле.

Эмди ол ундылган,
Серенгкедий
Күйдире чагылган,
Очўп ташталган.

Је мен эмдиге
Jaаныма бўдедим,
Азыйда ла чылаپ,
Тенгерининг јылдызыла белгелейдим.
Акту Маанымның
Чолмоны алдынча
Сўйдим.

Белгелезем,
Сўўжим менинг
Тўбекте кинчектелет,
История
Эбирилип ойто ло
Ол озогы-озогы ёйин,
Кубал күнин
Керексийт.

Керексибей, ja,
Кубал эдетен неме
Бар да!

Неденг эдетени — бар!
Телекей база ла
Кубалдың күнине
Juулар.

Улустың чырайларында
Унчуклас карыкчал.

Телекей бистенг
Эдер
Кубал.

Бистенг,
Эйе, бистенг,
Сенең эдер.

(База компания адынаң
Кижилик бойы
Бойынаң).

АГАРУ БЕРНАР

Агару Бернар
Озо баштап көрмөслө билишкен,
Онон Бернде
Каршузын эделе,
Кеткен,
Альп мөңкүлерде
Тенип-бектенген.

Бернар Альптарда
Кунукка алдырган,
Ийдези бар да,
Же кемле тартыжатан?
А бу бир
Альптағы фиалкаларла
Көрзö, тың ла,
Канзырап болбос эмтири.

Учында келип, кудайга бүткен,
Ак-чек жүрген, кару.
Анайып, ол
Агару Бернар
Боло берген.

Же кудай да база казыр
Күлүк болтыр,
Агару ишчиzinинг ўстин дöön
Кöчкö мергедеген...

Бернар олүп жада,
— Казыр сен! — дептир араайын. —

Сеге бүткеним учун, ары ла,
Ийи болуп калайын.

Эмди слерге удура кезикте
Сенбернарлар келеется (бар андый ийттерj,
Олор кандый да ыраак-ыраак сүлтерге
Түңгей неме ошкош дезеер.

* * *

Кöörkiiyim,
Мен сенинг сöстöриngle
Jýzedim
Айдын кубулгазын јаркынын кечире
Анданган толкуларда эжинген чилеп —

Бирде кöмöлип, бирде кöдöрилип, ал-санааларым
Боро ўкүдий кайыйт кирбиктерим аразыла.
Мен јанғыс јerde турадым, је апарадынг, апарадынг
Сен мени база ла, база ла...

Сенинг сöстöриngе мен
Тонгон колдорымды тудадым
Јалбыраган турундар ўстине мүргүгендий.
Олор јылыйт, кайа ћро кандалта тартынарга,
Ненинг учун дезе ол сенинг тош кöчкö арада,
Juуктатпас мёнгкүнгө, мен чыгар учурлу канайтса да.
Сен мени кычырадынг, кычырадынг
База ла, база ла...

Мен сенинг сöстöриngе
Тегенекке чилеп кадаттырадым меелей јок колымла.
Удабас ла күшкаштынг тёжиндий бочко, эрке
Сабарларымнынг тёжи тёмён сүртилип,
Кызыл эрjinелер тамырай берер.
Ненинг учун дезе каны бир најылыкты керексип,
Јара тарткылайт мени бу сöстöр.
Сурайдым сени: јара тарт, јара тарт
База ла, база ла...

Je энг ле јаан алкыжым сеге
Јерге јетире
Сöстöр ортодо шык унчукпазынг учун,
Сöстöр ортодо кенг-элбегинг учун,
Бу энг ырысту ла тымык систу телкемдикте
Меге тыңдаар ла сакыыр арга бергенинг...
База не, база не,
База не...

* * *

Анда та
Канча јылдар откөн сонында,
Мени,
Эртен ундыгылап койгонды,
Ойто ло бүгүн
Эски лампадый толыктанг таап,
Керосинле толтырып,
Озогы јаркын,
Озогы эрмек
Нени балыраар эмеш деп,
Араай тындағылаза,
Нени айдар,
Мен олорго кумдустардың архитектуразы ла
Кумдус јакалар,
База Малниениң јыштары ўстиле учкан
Баштапкы самолет керегинде куучындаарым.
Кичинек суулар ла
Jaan улустар керегинде...
Канайда бойлорыла оморкоп,
Jойу баскылаганын,
Jер-энени ле чарак ашты тооп,
Канайда олордың кийим
Нафталинле, одеколонло эмес,
А јерле, ашла, мотлө тынганын,
База озогы-эртеги
Кудайлыштарла јытанганын,
Оноң олордың јыланғаш ўйлери канайда
Үйези кунтурактап кургабазын деп,
Балдар чыгарарга су-кадыгы бек болзын деп,
Кышкыда изү мылчада чабынгылаганын,
Чыга јүгүрип, соок карга анданып,
А јайы түндерде мылча күйузында,
Карагүй кёблмөктөргө калыгылаганын,
Суудагы ак кардый лилиялар ортозынча
Куулгазын русалкалардың јўскилеп,
Оноң уулдар канайда
Эмдик аттарды ўреткенин,
Чачтырса да, ойто ло ээрge кадалганын,
Лигоның түнинде*
Сыра бөгін чыгара тееп,
Торко шымыртту кобүк шуурап,
Jерге канайда төгүлгенин,
Канайда төңдөрдинг бажында оттор
Jуу-чак керегинде эмес,
А амыр-энчү керегинде куучындашканын,

* Лигоның түнинде — Иванов күн алдындагы түнде.

Шак бу байдо,
Латыштарда база бир
Янис туулган деп, кенете
Мылчадан солун кыйги угулгандын...

Ол ыраак јылдардын улузы та
Бу табылган эски лампа
Не керегинде куучындаганын
Бойлорынын машиналарына отурып,
Жетирик уклай, ёйине көрөр,
Оноң ары јолын улалтып,
Мантаткылай берер.

* * *

Түйуксынышкан базырткан,
Бүрүнкүй эрикчелге бактырткан
Бу ёй,
Борон түйук,
Күски јаштары шык.
Шак бу тушта
Улуста
Јолыста
Эш-кереги јок чой.

Кара розаны,
Кара тюльпанды
Незин ёскүрер,
Кече түнде
Кал-камык көрмөстөр
Тенеерип телкемде
Иштенип койгөндө.

Оошкиң өндү аметист те јок,
Апагаш чүмдү жасмин де јок.
Айландыра
Ончозы кара.

Карапай ёбогён
Какшаган эмегенле
Күлде ойнойт.
Туразы ойнолгон,
Ады,
Эмди ойында
Эмегенниң тыны.

* * *

Кандый тып-тымык, мындый тымыктың ўстибile
Озогы албатылык кожон кайыр аргалу жаңыс ла.
Кандый тып-тымык, андый тымык жаңыс әлүмде..
Ого до ол керек жок болот по, айса.

Кожонгын бүрлер жайымдалган,
Толкулар ўнгүр оосторын жапкан.
Одүк жок жас сууларды кечет
Христос-кудайдыч чек.

Эбиреде кандый шык тымык мында
Жүрүмнин мылчазынан оңдонып келерге,
Ненин учун дезе мындый тымыкта
Бойынды тындаарынг жүргегин көксингде де.

Бу мындый ла тымыкта мен тым туарым,
Чактар-жылдыктар жардым төгүлгей кубалду.
Кандый тымык, мындый тымыкты жаңыс әлүм
Мынаң тып-тымык этире эдер аргалу.

СЕН

Ала-күне жүргегим ачу-ачу систаар,
Сананзам, бу менинг жүрген телекейим
Сенийинен түрген жок болуп калар.

Сен жакшы ба, жаман ба — конок сурабас,
Је карыкта б скүс сен калбазынг —
Сүүштинг айдылбаган космозы сайалбас.

Менде жаңыс ла сен бар болгонынг учун
Жүрүмим ырысты, эрке ле жаркынду болгон —
Алкышту бажырарым бёркимди уштып.

Онынг учун әлүмге токуналу көрөдим,
Бис келер өйлөрдө жууктанг жуук болуп калганыс —
Айрып бисти, кем айрыыр, көбөркүйим.

ПРОЗА

Борис УКАЧИН

АРСЛАНБЕК НӨКӨРИМ*

Бойының ииди ле канайып эр-јажына аксак арткана керегинде Арсланбектинг куучыны

Кышкы каникулдың кийнинде Арсланбек Москвага каный да унчыкпас ла кунугып калган кебеделдү бурылды.

Мен оның кылык-јаңы кубулганының јартына чыгар деп, көп шылабадым да, ачыгынча куучындашпадым да. Ондай йй, байла, табынча быжу болор. Ол тушта не болгонын Арсланбек төкпой-чачпай бойы ла куучындап берер болбой.

Јаан удабады — керек шак ла андый болбой канайты.

Азыйдагы ла чылап, мен оның јадып турган кыбына келдим. Арсланбек түннинг бүрүнкүйине бүркеткен көзіңкітинг јаңында кайа көрүп туруп алыш, ыраактан суркурашкан соок очомик отторго көрöt. Менинг кирип келгенимди угала, ол кайа көрөрдö, көстөри толо кунукту ла каный да ачу-коронду болгонын јастыра албадым. Ого ўзеери кыптың ортозында турган столдың јанына отура түжүп, ўн јогынан мен јаар суракту ла сакылталу көрөрдö, бу кижи меге та нени де айдарга турган эмтири деп, ажындыра сезип ийдим.

—Чорт эдер бе бу ўлгерлерди? — деп, Арсланбек эрмектенди. — Ўлгерлердин шылтагыла мен оны бўлтўрип ле садып, тўгўндел койгом. Ёе кайткан неме деер?!..

—Не болгон? Не керегинде айдып јадын?

—Мен бойымның эн кару најымды — кайран ийдимди, Кўк-Бўрўни бўлтўрип салала, ёримнен бери качып келдим... Оның ат-чолозы Кўк-Бўрў болгон эди...

Мен мыны угала, јенил тынып, бу ок бўйдö кўлумзирендим.

—Неге сўүнип, каткырып турунг?! — Арсланбек атыйланып чыкты. — Сен билеринг бе, менинг Кўк-Бўрўмди?!... Ол эмдиге јетире бу мында кыйналып ла кынгзып јат! — дейле, Арсланбек сол тўжине бербек сабарыла тўртўрди. — Керек болзо, угарга турган болzonг, онын јўк ле сўр-кебери ийт, а бойы кижи, кезик улустаң да артык болгон.

* Улалганы. Башталганы «Эл-Алтайдын» 1988 ўйлдагы тўртинчи чыгарганинда.

Нöкб öрим тöжинен алаканын албай, меге кандый да чугул-
ду кöрöt.

—Тон ло сен кижи öлтöрип ийген эмезинг не. Jaan болзо
ийт ... — деп, мен аргаданарага ла актанарга санандым. Je
Арсланбекting бачым токынаар аргазы да, күүни де јок эм-
тири. Ол агаш будыла комнатанынг полына токылдадып, тези-
нигип болбой, ары-бери телчийт. Бу ок öйдö ала-кöнö мени
арбайт:

—Jaan болзо ийт öлтöрип ийдинг не! Кöрзöнг кандый! Мен-
ненг артык билетен эмтириң! Сен билеринг бе, ондый ийтти öл-
түргенче, ары бойым öлгөн болзом, меге торт!

Сноң арыгызын најым бойы меге ончозын куучындап бер-
ген эди. Мынан ары сöс Арсланбекке бериллип јат. Угар арга-
лу болзогор, угатан туругар...

Бöрү öндü кара-кöк күчүгеш учун ол бойынынг öйинде
буткүл кой берген. Жакшынак күчүк койдонг јабыс баага не
туратан эди. А бу күчүк дезе, сырангай талдаманынг талдама-
зы дайтэн ийт боловы ол ло тушта иле јарталган. Ненинг учун
дезе, ол ийт ле бöрүнинг күчүгежи болгон. Онынг да учун
Kök-Börü деп ол кара јерге адабаган эмей. Овчарка укту
канчык ла ай-карадан айабас казыр бöрүнинг балазы туро.
Сүрекей түрген чыдаган јок беди. Jaаны да коркышту. Kögöl-
тиrim кара öндü. Сандары бекем. Табаштары jaан ла элбек,
Kögüs бойы — күп-күрдек. А бериги книжиге јапсыгы ла са-
наалу буткени керегинде — айтканча айтпа...

Жакшы ат ла жакшы ийт — јылкычы кижининг ырызы ла
тыны болбой кайтын. Тöбектенг де аргадап алар, тöбекке де
түжүрбес.

«Жакшы ат ла жакшы ийт — јаман кижиненг јüs катап, мунг
катап артык» — деп, куучын ортодо Арсланбек меге јаныс
катап айткан эмес...

Арсланбек јылкы кабырып јүреле, айлына јанып келзе,
Kök-Börü кöстбöсти кöрүп, сеспести сезип салган турар.
Jeeren адынынг ээрин алып, отоп јүрзин деп ағыдып ийзе,—
оноң арыгызын Kök-Börü бойы билер, бойы башкаар. Jeeren
ат кайда,— Kök Börü онынг јанында. Ыраак божотпос. Kögöl-
küzep јүрер. Уренип калган јайым тайгазыдöйн јеерен ат ја-
найын да дезе Kök-Börü бажын корый алар туро. Канайтын,
ат ол ло бир талдап алган одорлу јеринде оролыжып јүрер.
Ат кайда јүрген, кайда конгон — Kök-Börü јазым югынан
јартап, ээзин эчиткенче баар...

Јаныс аттан болгой, буткүл, бир ўүр јылкыны да күзедип
јүретен эмес беди. Јок, ийттен башка буткен ийт. Ийт эмес —
каруулчык-пограничник!

Казыр каны кайнаган, та кайткан — бир катап Kök-Börü
јаманданган. Чын ла онынг тамырларында кийик каны кими-
ренип чыккан ошкош. Кыш... Чöлдинг јотконы јойлонып, казыр-
ланып, анданып, күүлеп-күркүреп чыккан туш. Бу öйдö бöрү-

лер ачана-коозы тудуп, айылды, ыраак турлуны айланып, ачамыр бербей, улуп-кынгзыгылап турар болгон. Аайы јок — та чөлдинг јоткон-калабы, та бөрүлер — улуштан башка улуш, кынгзыштан башка кынгзыш! Тен кижиининг куйка-бажы јымыраар дейдим!.. Арсланбек канча ла катап ўйден чыгып, айкарангуйдынг түбин қостоп, канча ла катап мылтык аткан. Мылтык табыжынанг бөрүлер ырап-ырбап баар болор бо деп бодогон ине. Мылтыктынг учы-јок узун торгузыла кожо Көк-Бөрү кийун шуурганга көмүлип, кайдаар да јоголып калала, анча-мынча өй откөн соңында, ойто кайра бурулат.

Эртезинде көргөжин, Көк-Бөрү јок. Кый сал — кайда да јок. Кынгыс эдер ўн де јок, кырмакту чөлдө изи де билдирибес. Тен јердин алдына шинге берген немеле түгей. Бөрүлердинг ўүр алыжып, мантайтан өйи турган ине. Қазыр бөрү канына салдырып, кайда көрбөй барган дөп, шак ол тушта Арсланбек сезип ийбей, кажы баратан эди. Жаш тужындагы сүүш — ол жаңыс жүректү болбайтон. Сүүш сүрдүртке бергени ѡарт. Эмди ойто келер, та јок?.. Кайран ийттинг баалузы батканы бу болбой...

Же карын, жарым айдынг бажында жаңып келбайтен беди. Көк-Бөрү ойто ло айлында! Арсланбекле кожо. Арсланбектиң жаңында! Арыганин не деп айдар! Төрт лө сёök. Бастьра бойында телик јок — шырка-баалу. Же озогы ла бойы, ээзине эрке ле жапсык. Сагыжы да ол ок бойы. Көк-Бөрүнинг өзök-бууры боскөрбөгөн...

Кажы ла жыл, бөрүлер мантап ўүрзежер өй једип ле келзе, Арсланбектиң ийдининг изи кадып калар неме табылган.

Көк-Бөрүнинг кийик каны канча катап кайнап та чыкса, же азырап алган ээзинең астыкпайтан. Ай да бажында болзо, айланып ойто келген турар. Арсланбек кабырган жылкызы учун ар-күчин, акту тынын да карамдабас. Олзом, блүп калайын дайтэн ошкош. Жылкыга табару эткен бөрүлерден жана болорын билбес. Шак мындык кылыгынанг улам, ол Арсланбектиң бойынаң чик јок озо кенеп, аксан жүрер болуп калган. Бир катап ай-карағай түнде, сок жаңыскан бойы бир ўүр бөрүлерле согушкан. Эки бөрүни ол түн бөлтүре кајап салганын Арсланбек эмди де уидыгалак. Же көбрөк Көк-Бөрүнинг бойына да тынг једишкен. Оног ло бери Көк-Бөрү келтей жалмажынан аксан жүрер болуп калган. Шилемирлер, байла, ийттинг улу канына табара туткан болор.

Бир катап кидим күстинг бойында Арсланбек кайыр-кас-как жолдорло жаңып келеткен. Минип алган ады ондый ла јобош эмес, а чала кылыкту ла ўркүнчек болгон. Төбөй бойдо теп-тегерик акту јеерен адын минип жүрген болзо, ондый жеткердең кыйя берер эди. Ат кенете јескинген ле ўркүгөн учуралдар, айса, ас болотон беди. Келип жатканча, Арсланбектиң адынанг төрт санының алдынанг кандый да күш шылышт эдин, талбас-тулбас учуп чыкпазын ба! Тай ат чочыгын бойынча,

тал-туура калып, ол айас тонгокко тайкылала, јалбагынан барып түшкен. Јалбагынан јыгылала, кижини тёжөнип алган ине. Мындык жеткер боловын Арсланбек кайдаң сакызын — ўзенинен будын ушта теберге жетпеген. Керек дезе, будының көк сөбиги «быјыр» эдип калганын — ол бойы да угуп ийген. Јалбагынан барган ат угар-көрөргө жетпей, бут бажына тура чарчап, мантай берген. Қалганчы ла учында ўзенинде буттарын канайып ушта тепкенин — Арсланбек бойы да билбес. Же карын, кудайдынг јааны ол не!

«Ол кайыр-каскактынг ўстиле, мени ат сүўртеп алыш мангатан болзо, эмди мен сениле кожо мында отурбас эдим — деп, Арсланбек айдатан.— Салым кижини бат канайып кызып-кыйнап жат. Ол тушта салым менинг будымды аайлап барган, эмди дезе, ол ок салым ёзёк-буурыма ѡрттү сыс артырып баады...»

Арсланбек ол ло јыгылган јеринен туруп та, кыймыктанып та болбой, база узаак ла жаткан. Бут деп неме тен јок. Оорусызына — айландыра турган јер-төнгөри айланыжа берген. Калак ла де, эмди канайдар?..

Иди, Көк-Бөрүз, бу ла јанында. Санаазы кириш-чыгыш ээзининг јүзинен јылу тилиле жалап салып, бирде кыңзып, бирде улуп, жадып ла туруп, база узак ла айланышкан. Канайып болужар? Канча да кире санаалу, канча да кире киленгек болзо, же ийт — ол ийт ине. «Бар, болушка улус алдырып кел» деп, ийтке айдар арга бар эмес. Арсланбектиң будын ат былчып койгон. Ол блөрдин бери јанында јаныскан жадыры деп, ийт кемге де айдып болбос ине.

Ийт ээзин таштабай, јанында ла јалканчыган бойы. Эбиреде маңтап, эш-неме эдип болбой, ойто ло јанына келет. Бир сананып отурганда, Көк-Бөрү Арсланбектиң бойынаң сагышту болгодай. Ол кенете Арсланбекти чиректеп, ичкери сүўртеп баштаган. Ээзи мыны көрүп, эки көзинен уур јаштар улайтей тоголонып түшкен эди. Ийт,— а кижиен санаалу! Арсланбек те тытпактанып, ийтке болужып, анча-мынча ёйғо ичкери јүткүгөн.

Карын, аар-калап кыштынг ачу-корон соокторы түшкелек болгон дезеер.

Тытпактаныш база таадыра болгон. Канча кирези ёй ёткөн — ондоор до арга јок. Бир ле билинип келзэ, бүрүңкүй койылып, күннинг сыркыны там ла соой түжүп келеткен болуптыр. Канайдар да арга јок — Арсланбек албан-күчле кыйгырып, бодоп ло кемди де болушка кычырып баштаган. Бу ок ёйдө ийттинг болужыла ичкери јылгажактаарын токтотпой турды. Бийиктеги кыйги төмөнги јерге жарт жедетен ошкош. Мынайып кинчектенип жатканча, баш болзын, карын, болуш келген ине. Озёктө јуртаган койчылар угуп, болушка удура келгендөр.

Арсланбек бозомдо боронгожып келеткен улусты көрүп ийеле, та тынг арыганына, та сүүнгенине — санаазын мында

ла ычкынып ийген. А Кёк-Бёрү дезе улустан ээзин корый алып, арка жалдарын атырайтып, аркырап ла казырланып, Арсланбектің жаңына улусты божотпой турған. Улус ийтти жаңайып та әркеледип, жобожыдып, Арсланбектің жаңына көлейин дезе, онызы байагы ла аар-калап бойы. Тап әдип, ичке-ри алтам ла әдейин дезенг, Кёк-Бёрү арт-урт туруп ла чыгар. Жаңайтса да, ийт — ол ийт эмей база. Бир жаңынан ээзин аргадаарга жат, бир жаңынан оны бойын ок болтүрерге — келген болушты жууктатпай, калып баардың қажы жаңында — белен туруп жат.

Кижиңнің салымы жаңа деп неме, байла, бу туру — бир канча өйдинг бажында Арсланбекке эс айланып, эндеген сағызы ойто әбірген. Ол ийдин әркеледип, бойы токынадып алған...

Же былчылган бутты ойто аргадап алар арга жок болгон. Сайалып калған сёбкти ойто ордына салатаны — тегиндү не-ме эмес эмей. Оның ўстине бу чөлдөрдөң лё кырлардан ба-чым тарый больницага да жедери күч. Ой өдө берген. Баштап-кы шакшак арай орой ло ўзеери чала тутакту салылған. Олдөр-динг өні бир дегени — база да чын немедий. Мынайып Кёк-Бёрү деп ийт ле оның ээзи арга жокто аксак арткандар. Јыл-дардан јылдарга јылкычы болуп иштеген Арсланбек мынайып сынгар будынаң астыккан. Мынайып, әр-јажына аксак, агаш бутту арткан жок беди, кайракан... Кайдан, эмди катап јылкычы болор арганы кем, кандай кудай ого беретен әди. Атту-чуу-лу јылкычының магынан ол жинт чагында айрылып калған.

«Кан-кадык јылкычы болуп турарымда мен ўлгерлер чи-е-рим деп, тен качан да сананбагам. Ондый амаду ўч те түжим-де жок болгон—деп, Арсланбек арга жокто каткырып отуратан. — Улгер дежедигер бе? Онызы не атазы әди!... Чөлдөр, кыр-лар — бат бу өскө, сырангай өскө керек! Жакшы одор, жайым јүрген јылкы, төгериге тебилген агаштар, кырлардан коркы-рап түшкен тынду суулар! Ар-бүткенди, олорды кайкап ла сүўп, чынын айдар болзо, бойым да билбес жаңынан, чөлдөр-динг ле туулардың кожонғын кезінкі кожонғодоп туратам. Баш-тап ла мениң кожонғорым, байла, эки каашту ээр ўстинде жай-калып, эрин бойдон чыккан болор... Будымла колбой бу тү-бектенг улам больницилардың күнгүзү палаталарында шыралап, төрөл тууларымды ла чөлдөримди сананып, күштій куркунду тужымдагы кожонғорымды эске алынып, баштап ла олорды чаазынга бичип көргөним ол болор... Баштапкы ўлгерлердин башталғаны — баскан ла жорткон жерлеримнің кожонғоры... Шак ла ол кожонғордың абызынду абы учында келип, мениң Кёк-Бёрү деп ийдимди көмө басты ошкош...»

Арсланбек Москва жаар ўредүге атанаарда, оның төрөл же-ринде жаңыс ла Айшат арткан. Жок, Айшат ла Кёк-Бёрү деп ийт арткан. Шак бу айрылыштың кийинде, Кёк-Бёрү Арслан-бекті сананып, Айшаттан да артық кунуккан ла карыккан

бoler. Арсланбектенг айрылган кийнинде, оның ийди киребарар јерин таппай калганы керегинде Айшат бойының самараларында айдып туратан. Ийт ээзин бедиреп, қыңзып, салып берген курсакты да ичпей-жібей барған. Түндер сайын улуп турар. Казыры тыңып, јанына тынду неме жууктатпас боло берген. Ээзи ойто эбирип, бойының јери-јуртына жеде конып келгенде, Қок-Бөрү торт ло адазын көргөн жаш бала чылап, көкүп чыгатан эмей! Сүүнип, куйругын булғап, јалканчып, Арсланбекти бир де алтамга бойынан божотпос. Ийттинг калжуурған казыры токтоп, азыгы бойы топ, јалакай ла сүүнчилү боло бергени иле билдиретен. Јок, чындал та, јакшы ийттинг кылъянгы жајыркак балага түгей!

Арсланбек Москвадаң бир катап јанала, республиказының ҭос городында бир канча күнге артып калған. Оны радио ажыра бойының јаны ўлгерлерин кычырып берзин деп сураландар. Ого коштой издательстволордо база та кандый да туура салбас керектери бар болгон.

Онон ары болгон түбек шак ла ол кышкы энгирден башталған. Тымый түшкен ыраак аул-јурттың ўстинде кенетийин, сакыбаган јанынан, кайдан да Арсланбектинг ўни жап-јарт томула берген. Клубтың ўстине кондырылған радиодон Арсланбектинг ўлгерлер кычырган тирү ўни јаңыланып баштаган. Арсланбектинг ийди, Қок-Бөрү кенетийин ле сертес эдин, бут бажына тур чыккан бойынча, билиніп-билинбей, клуб јаар сундурута берген. Сүүнгенине билинбей, калып-секирип, не болбой турған deer.

Берилте кыска эмес, јаан ла узак ёткөн. Арсланбек ўн ўспей, ўлгерге улай ўлгерлерин кычырарын токтотпос.

Қок-Бөрү бийикте кондырылған приемниктен көс албай отураг. Бу кайда жајынып калған оның ээзи? Қорёнбес, бери чыкпас кайткан? Ийт таныш ўнди тыңдал, бир кезикте қыңзып ийип, арай ла болзо ыйлап ийгедий турды. Онон чыдаҗып болбой, ол ѡрө турған приемникке жедерге амадап, сүрекей бийик калып баштаган. Ийт бу ла калып, онон ойто кайра келип күч ле тон јыгылар. Қок-Бөрү кан-кадык ийт болзо, кайдат. Қобрык аксак болбозын ба. А кышкы јер шак тон ло как. Оорыбаска ол темир эмес. Кандый да болзо, тынду-јашту неме ине.

Улус мыны көрүп, табыштанғылап ла кыткырыжып баштагандар. А Қок-Бөрү дезе, ээзининг ўнине бактырып, оны тищтериле кейденг ала койорго турған чылап, калып ла калып, ойто кайра ла кел түжер. Же ээзи, Арсланбек, ала-көс-кө қорёнбес. Ўни томылып, угудып турар, а бойы јок! Ол кайда?! Кайда жајынган?..

Мынайып база узак ла ёй ёткөн. Онон Арсланбектин ўни токтоп, эбира телкемдер ле кышкы тон јер ың-шың болуп калды. Јаны ла жап-јарт томулып турған ўн қайдаар кайыла берди? Эбира жуулған улус ончозы эдирегилей берген чилеп, та

Неге каткырыжат болбогой? Чындал та, ээзи кайда? Кёк-Бёрүнг ээзи кайда? Оның сүйнчили же карыкчылы кайда, кайтты, не боло берди?

Кёк-Бёрү клубтың жуугында турган телефонның тойғожине јолой отурып, ийт ўнинен башка ўнле улуп-сыктап, ачу-корон акшый берди. Бу мындык кишининг куйка-бажына өдөр, өкпө-јүрги жимиреер улу кородош ло улуштаң качылап, оны укканча укпаайын дежип, улус айылдары сайын мейдегендер.

Шак ла бу өйдөн ала Кёк-Бёрү ач-амырынан астыккан. Ол јадын та, отурып та болбой, кирер-барар ярин таптай, клубты эбиреде аксандалап, бу ла јаны ўни угулган ээзин беди-рей берди. Айшат ийдин токтодып, токынадып аларга не болбогон эди. Же Кёк-Бёрү оны көрөр дö күүни јок — удура артэтken. Тиштерин тарсылдадып, шылба-кызыл бүлүлерин көргүсken. Айшат мыны көрүп, торт ло алаатый түшти. Ол ийдине курсак береге санаарда, онызы кыңгыс та этпедин, кылчас та эдин көрбөди. Тирү бойы блўп калгандый. Бу ла ярде эмес.

Ийт бу ла бойына, ўн ўспей, адар таң атканча улуган. Айшат база уйуктап болбой јадат. Келиннинг ал-санаазында Арсланбек ле ииди. Чындал та, Арсланбек келбес кайткан? Кёк-Бёрүле не болгон? Қалак, канырап, јүүле берген болбой! Ийт јүүлзэ, јаан јеткер дежетен јок беди...

Арсланбек эмди де эки күннен келер. Ол бойының самаразында шак онойып бичиген. Ого телефон согойын дезе, мынан телефондор то болбозынг. Республиканың төс городана телефон согорго районго једер керек. Оскоб кандый да арга јок. Бу кышкыда районның төс жартына анайып ла белен једип болбос эмейинг. Једип те алзант, бодоп ло кайдаар, кандый телефонго согорынг? Арсланбек кайда токтогонын айткан эмес. Оббөгениле көрүшпегенинең бери тыңгудаган. Айшаттың да ал-санаазы кунуғып ла тыңгысып јүрген ине. Түнде де, түште де канчазына кара јаныскан јүрер. Айшат Арсланбекти Кёк-Бёрүнен кирелү сүүп туру деп пе? Же андый да болзо, бу јаш ла јаращ келин ол ийт чилеп кыңзып-сыктабай јат. Оның да учун Айшат бу ачу-коронго алдырган аар-калап ла казыр ийттенг чик јок күчтү. Ийтте ондый сагыш бар эмес. Кёоркийди, кёоркийди... Тен көрөргө дö күч!

Эртезинде Кёк-Бёрү көрүнбей калды. Байла, кайда-кайда Арсланбекти бедреп јүрген тур...

Айшат ийдин бедрекен. Канайып кыштабаган, канайып сакыбаган эмеш. Суру-чап јок. Кем де көрбөгөн, кем де билбес. Москвадан јанып келгенде Арсланбектиң киретен-айылдайтан айылдардың ээлеринен сурулаза, олор Кёк-Бёрүни ба-за көргүлебеген. Арсланбекти айлына јаныс кижи алдыраг эмес. Оның куучынын угарга көп улус јилбиркеп јат. Айшаттың оббөгени эмди андый ла «куру тил, куу јаак» дайтэн кижи эмес. Оның ады-чуузы, алган магы јылдар ла сайын там ла элбеп ле учуныгып барадыры. Эмди аул-јурттың улузы оның

јаңыс ла куучынын эмес, ўлгерлерин де жилбиркеп угар күүн-дү...

Шак ла бу түштә Айшаттың үчина чыгарга күч узун санаалары кенете ўзүле берди. Кыйгы-кышкызы кырга-тууга јаңылып, ўни чыгып-чыпкай, Айшаттың айлына Жолдошбай деген атту-јолду койчы јуктап келетти. Мактулу ла јарлу койчы кенете канайып јүүле берди болбогой. Табыш эмес табыш, кыйгы эмес кыйгы. Көзи-бажына да кижи көрөринен јалтана берер. Оның келип јатканын көрүп ийген бойынча, Айшаттың да јүргө болчос эткен бойынча, ўзүле берди ошкош! Бу кандай аай-коой јок кыйгы? Не боло берди не? Менде, бир тууразында јүрген ўй кижиде, оның не кереги бар? Не казырланган болотон?

— Олтүрерим! Олтүрерим! — деп, камчызын баш ўстине калбангдадым, јол бажында Жолдошбай кыйгырат. — Сенинг кан јуткан каргышту ийдинглө кожо болтүрерим! Сенинг јыду ийдинг, көрбөгө јескинчилү Көк-Бөрү, менинг укту койлорымды кырып салт!.. Каны-жинин јайрадып, кара бажымның ўстине соок суу уруп салт. Уруп салт дейдим, угуп турунг ба, Арсланбектиң канчыгы!..

Айшат коркыганын токтодып, та ненинг де учун токынай берди. Ол унчукпазынан туразының күйнин туруп, казырланган койчыга кайкаганду көстөриле көрöt!..

— Не турунг, не унчукпай турунг! — деп, койчы атыйланат. Ады дезе, јерге тийинп-тийбей айланыжат. Эди-каны изип, ёйинен ёткүре терлеп калган аттың тумчугының ўйттеринен тыныш болчоктолып ла тудамдалып, јайым ла соок кейге чыга конгон бойынча, мында ла куу боро болуп, тоно берет. Государствоның укту койлоры учун төллөринг, төллөрим! Не унчукпай, эки ле көс болуп турунг? Кайда сенинг айлы-јуртын таштаган тербезен поэт-акының? Кайда кал-тенек писателинг?!... Ол тербезен ойто бери качан келер?!

Айшаттың саң башка сурагын Жолдошбай тен сакыбаган да болор. Үн јогынаң Айшат не де болбогон чылап, кандай да јобош ўниле койчыдан сурады:

— Бистиг ийт, бистиг Көк-Бөрү бойы кайда?

Бу сурак Жолдошбайды торт ло кура тартып ийди ошкош.

— Неме-неме дединг? Бөрү дединг бе? Көк јарамас! О, кудай, бу слер бүгүн јўулгилей берген улус болбайоор! Укту койлорды улчумардың ийди кырып тудуп салган, а ол дезе... ол дезе, мени ёчоп-ченеп «Көк-Бөрү кайда» деп!.. Мыны кижи угат эмеш пе! Ой ло де, алдында — јер эди. Ўстимде — ўрүстү кудай эди — мен нени угадым, нени угадым!.. Сен не деп сурайзың, баскын Арсланбектиң канчыгы.

Айшат эки алаканыла јўзин јаба тудунды. Согуп ийер болор деп, ол айлана согуп, качып јўгўрерге турала, ойто сагыш алынып, койчыга јалтаныш јогынаң удура көргөн. Кезе-быча удура көргөн бойынча, кедер ўниле кыйгырды:

— Бурулу кижи — слер бойоор, Жолдошбай! Слердинг бойыгардың ач-коокымай адагар, Абдулла-ака, јиир-ичер не меге жетпеген чилеп, бүрүнг балазын Арсланбекке бойы туда берген эмес беди! Ундып койдыгар ба?

Койчы кандый да бир элеске эп јоксынып, сөс бажына туктурылып калды. Же андый да болзо, Арсланбектин бу көк-төнек катына нени де айдар керек не. Ол сөскө карылып турган чылап, арга јокто шыйкын актап ииди:

— Когы јок калган койынгды ойто эске алындын ба?! Слердинг канча јылдарга товоолоп азыраган торбоктон жаан бүрүгер, билеринг бе, туку качаннаң бери канырап јүүлип калган! Санаазы јок бүрүни мал эткен, сандыраган Арсланбектин канчыгы! Көрзөнг, бүрүденг ары ийдин коптолоп, ту качаны койын эске алынып!.. Сенинг секке турбас бүрүнг, билип ал, жирме кой тудуп койгон! Жантыс эмес, жирме кой! Ончолоры бир түнгей укту койлор! Оны төлөбөринди ундыба, ундыба!..

Жолдошбай адынын оозын бургай тартып-кайра болуп, учурта берди...

Ол ло болгон. Эки күн откөн кийнинде, эне-төрөл јуртына Арсланбек жанып келди. Көрүнгөн ле кижи ого Көк-Бүрүле не болгоны керегинде куучындап божобос. Ого кекенип те, оны кезедип те турган улус бар.

— Ол, ийдинди, Көк-Бүрүнгди, бойынгла кожно ары алып бар! Эмезе эртен ле өлтүрип сал оны. Жүүлгек ийт — жүрүм бербес! Кара керектерин ол эмди качан да токтотпос. Ол учун бойынг уч-түбинде түрмеге баарынг...

Арсланбекти колхозтынг председатели конторого алдырып, жаан табыш-чууган јогынанг айткан:

— Бис, сенинг јерлештеринг, мында јадала, база угуп-көрүп ле отурадыс. Тоомынг жаандап жат. Сен эмди жаан јарлу кижи. Куркын-канадынг там курчыйт. Мында, бистинг ортобыста эмес, Москваннын бойында ўренип ле јадып јадынг... Же ондый да болзо, айтпас аргам јок: ол азырап алган бүрүнгнинг бир аайына чык. Жүүлип барадыры... Түбектинг ўстине түбек эдери быжу. Кече колхозтынг бир ўур койлорын өлтүре кајап салган, а эртен дезе, эл-калыкла уружып айабас... Ондый жеткер болбос деп, кем бүдер, кем айдар?..

— Онойп тынг ёдб конбос ло болбой! — Арсланбек ийдин корый алды.

— Бистинг сөзисте ойын-коокыр јок эди — деп, колхозтынг бухгалтери бортто куучынга киришти, — элден ле озо, санаазы чыккан ийттен сакыыр неме јок — оны ары ла өлтүрип салза артык. Экинчиде, колхозтынг жирме койы учун төлөйттөн турунг. Кассага акчанды капшай экелип сал. Айтканымды аай угуп отурыгар ба, нөкөр ақын-писатель? Керек јаргыла божоп айабас...

Бухгалтердинг андылганду сөстөрин председатель торт ло укпай калгандый... Тен не де болбогон неме ошкош. Шак мын-

дый куучын-эрмек откүрзин деп, бухгалтерди, Арсланбек айкытап отургажын, председатель өнөтнийн алдырып алганы билдирет.

— Акчаны экелип берерим, је..је Көк-Бörüni болжурип болбос турум... Бойоор билеригер, бир өйдө ол менинг тынымды коруп алган эди... Ол эмес болзо...

— Тöс керек јаңыс ла акча тöлбöринде ле олгон койлордо эмес, Арсланбек-жан. Сеге улус айдышпаган тuru не. Азырап алган бöрүнг, кече арай ла болзо, сенинг Айшадыңды јара тартып койбогон!.. Ийдинди бодоп ло корый алба, Арсланбек-жан. Ол сенинг эш-нöкөрингнен, Айшаттан, артык болды эмеш пе, а?.. Айшат сени карамдап, сени тооп ло сүўп, нени де айтпас. Је чынынча болзо, арай ла јеткер болуп калбады. Улус кöргөн, билер — тöгүндебес эмей. Бöрүнинг бу умзаныжы — јеткерден жаан, јерге батпас јеткер дайтеп... Қийик аң не ол. Оног нени ле сакырынг. Эртен ле сен ойто Москва кууп jöр каларынг, а сен јогынаң Айшат ол аар-калас бöрүле кожно канайып артар?! Санан, санан дейдим, эртеде...

Колхозтынг председателининг шак ла бу калганчы эрмек-куучыны Көк-Бöрүнинг бажын базар ѡол ачкан эмей.

Арсланбек айлынынг јанына базып келерде, Көк-Бöрү оны кöрүп ийеле, удура јарамзып, эркеленип, јылгажактап келген. Калjurала кајап салган койлор учун, байла, ийтке тынг ла једишкен болгодай. Аксак-кенеги азыйдагызынанг тынгып, ёртуруп албас, јылгажактап jöрер болуп калтыр. Је ондый да болзо, ээзин кöрүп ийеле, сүүнгенине санаазы чыгып, аксак-кенегининг оору-сызын да ундып ийгени бу. Ол кынзыйт, ыйлайт, арай ла болзо, каткырып ийердинг бери јанында.

Је Арсланбек эмди Айшады учун коркып жат. Чындан та, Айшатла кандый бир јеткер болуп калза, мыны не деп айдатан? Кемге, не деп актанатан?.. Је Арсланбек айлында тушта, онынг кöзине Көк-Бöрү озогы ла эрке, јалакай ла јобош бойы. Ээзи ле jöрүп калза, эди-канына эдү-бук кире контон ошкош. Казырланып чыгар. Кöрбögö дö јеткерлү! Эмди мыны канайдар? Эренгистелип, канчага эренгистелер?..

— Айдарда, килеер арганг ѡок болды ба? — Арсланбектен сурадым. — Акту бойынг адип, бууп салдынг эмеш пе?

— Онын бöлүмин бойым кöрбöдим... билбезим. Бүткүл јуртта ийт болжурип кижи табылбас деп пе?!.. Бир кижикин айбылаган болгом... Бат шак ла ол кижи Көк-Бöрүни кöмө базып койгон болгодай... Билбезим, кöрбögöм, укпагам...

Арсланбек карангуй кöзнöктöргö бура согуп, ўн-табыш чыгарбай, отура берди. Мен де ого чаптык этпедим.

— Качажым кайнап, ол аразына радиоло ўлгерди не кычырдым deer. Кöндүре ле жана берген болзом, мындык түбек менинг ўстиме түшпес эди. Айшат эмди анда сок јаңыскан...

Та ненинг де учун мен база бир керекти јартап, онынг аайына чыгарга санандым:

— Кёк-Бёрүни сениң ийдинг эмес, а Жолдошбайдың деп, ненинг учун Айшат жарбыган?

— Канайып ондойбай калган? Кёк-Бёрү ту жаш күчүгеш тужында, мен Абдуллага — койчи Жолдошбайдың адазына, кой берип, оны толып алгам деп айтлаган бедим. Абдуллада ийттер де, койлор до көп болгон. Же ол ончозынан артык койлорды сүүген. Койдың эди-жуузына болуп, Абдулла алып-јуртаган эжин де толуп ийерден маат јок. Андый кижи...

— Арсланбек, досум! Бу сананып табарга күч, жап-јакшынак, сүрекей солун ла јилбилү куучын болтыр ине! — деп, кыйгырып ийгенимди мен бойым да сеспей жада калдым. — Мен эмди ле сениң кыбынгандай качайын-кедейин ары. А сен тургуза ла столго отур. Бу јаны ла меге айтканыңды төкпий-чачпай ак чаазынга көчүрип, бичи. Темирди изү тарыйыла, ол кызыл-күрен кызу тужында сулайтан. Қалак, оны ундыба! Санг башка, сананып таппас ла сүрлү куучын болор, досум!

— Мен бойымның кара бажыма, кан-јүргеме түшкен кара түбектен канайып бойым ырыс бедреерим, сананып көрзөн?!

— деп, ол тушта Арсланбек нöкөрим ачынып айткан эди. Оның кородоп айткан бу сөстөри өткөн јылдарла кожо очуп калбады.

Ол болгон кунукчалду куучын-эрмектинг кийинде, Арсланбек меге тарынып јүретен ошкош эди. Ол ло бойынча Арсланбек бойының Кёк-Бёрү деп чололу ийдининг сан башка түбек-салымы керегинде куучынды да бичибей, анайда ла арттырып койгон. Канайдар база, оның бичибegen куучынды меге бичи-ирге келишти. Шак бу манзаарып ла санааркап бичиген ѡлдуктарым учун, Арсланбек мениң бир кинчегимди таштап, ачынбайтап болзо кайдат...

АРСЛАНБЕКТИНГ УЛГЕРЛЕРИН ОРУС ТИЛГЕ КАНАЙЫП МИХАИЛ ЮРЬЕВИЧ ЛЕРМОНТОВ КӨЧҮРГЕНИ КЕРЕГИНДЕ КУУЧЫН

Бир катап наукалых атеизмнинг лекциязы өдүп жаткан өйдө, Арсланбек бойының жаан алаканду онг колын жаан бажының ўстине брө көдүрип, преподавательге кижи сакыбаган бир мындый сурак берди:

— Нöкөр лектор...

— Слерде кандый да сурак бар ба? Угуп турум, сурагар, — преподаватель лекциязын ўзүп, Арсланбекке көрбт.

— Нöкөр лектор, эмди сананып отурзам, бүгүнги күннен ала меге слердин лекцияга јүрбезе де кем јок болгодай...

Мындый сан башка эрмектинг кийинде, преподавательге кандый да эп-јок боло бергени жарт. Ол колдорын эки башка жайа чачып, кайкаганду сурады:

— Ненинг учун? Слер атеизм науканы ончо јанынаң ондоп алдыгар ба, кандый?

— Јок, күндүлү лектор, юк, сырангай да андый эмес, — Арсланбек ўнин көнгидип, не де болбогондый, табылу эрмектенди. — Кудай јаны келтегейинен мен нени де билбезим. Бат шак онынг учун слердинг јартамалыгарды чек укпазам, меге артык ошкош... Оноң башка кижи кудайга бүдүп баштаардан айбас.

Оноң-мынаң «тыйт-мыйт» каткы чыгып, студенттер табыштангылай бердилер.

— Араай, нўкёрлёр! — преподаватель токтодот. — Бу керектинг аайына бмё-јёмблö чыгып кўрёйтёр. Нўкёр студент, шўётегерди оноң ары айдыгар!

Арсланбек аудиторияда отургандарды айландыра аյқтап, ойто ло не де болбогондый, јобош, тўп ўниле куучындайт:

— Бу мени темдек эдип алза, мен мусульман јаңду кижи. Же бойымнынг мўргўлим керегинде, чып ла чын айдар болзо, мен нени де билбезим. Бу јажыма мусульмандардын энг байлу бичигин, кайкамчылу коранды, канайдар база, ачпадым да, кычырабадым да. Ол ўстине араб тилди де билбезим. А улу коран араб тилле бичилген дежет...

— Нўкёр студент, мен атеизм керегинде лекцияны араб тилле эмес, а су орус тилле кычырып турум не — деп, јиит преподаватель кайкап калган турды.— Айдарда, атеизмнинг лекциязын укпasca турган шылтагаар неде?

— Же бат, нўкёр лектор, слер биске кудайдынг јўзён ле башка јаңдары, онынг ўстине башка-башка кудайлар керегинде куучындалп, јартайдыгар. А мен ол јаңдар-мўргўлдер де, кудайлар да керегинде мынынг алдында качан да, нени де укпагам.

— Андый болуп маат юк. Чын, мен слерге мўргўлдинг историязын коскорып јадым. Слерге, келер ёйдо писатель-бичиичи болотон улуска, кудай-мўргўл јанынг тазыл-тамырын јакши билип аларга керек. Јакши билип алар, онойдо бу бистинг ўстибисте кандый да кудай юк деп, наукалых шўётеге келер. Онызы чын — бистинг ўстибисте турган тенгериде де, бу бистинг базып ла јуртап јаткан јеристе де — кайда да кудай юк! Ол качан да болбогон!

— Тўгўн! — деп, Арсланбек ёўпсинбей салды.— Мен слердинг лекциялардан озо, Магомет керегинде ас билгем эмезе чек нени де укпаганга јуук јўргем. Бу менинг јанымда Алтайдан келген нўкёрим отуры. Алтай кижи. Язычник — сырангай ёбрен јаңду. Мынынг алдында ол Магомет те, Аллах та, Будда ла Христос то керегинде нени де укпаган, нени де билбес болгон. А эмди билер. Кўпти бойына ачкан. Бу отурган досумнајымнынг сўзиле болзо, онынг калык-жоны отты тооп, ого мўргўген, бийик тууларга, агару агаштарга бўдўп, олорды кижи ошкош тынду, кўгўстў, сагышту деп бўткен. А слер дезе, нў-

кёр лектор, ого Магометтинг табылганы ла бу ак-јарыкка келгени керегинде јартап јадыгар. Оноң ары — Аллах, Христос... Ондый кудайлар чындал та, төнериде де, јerde де јок болзо, олор керегинде менинг досум билип-угуп алыш кайдатан. Ол тегин де кудайга бүтпей жат. Айса болзо, слердинг јакшынак, јаркынду ла өдүңги-бүдүмчилү лекцияларыгардың шылтуузында, менинг досум кудайсак кижи болуп калардан айабас!..

Преподаватель арга јокто күлүмзиренип иди. Күлүмзиренип ийеле, онон ары јартайт:

—Кудайдың јогына јаңыс ла слер ле слердинг нöкбriгер бүдүп турган эмес. Мында отурган ончо студенттер кудай јок деп билер. Андый эмес пе, нöкбрлör?

—Андый! — деп, анан-мынанг ўндер угулды.

—Уктыгар ба, нöкбр лектор — деп, Арсланбектинг кудына тийип, коркышту омок ло сүүнчилү табыштанат.— Кудайга бис ончобыс бүтпей јадыс!..

—Оноң артык неме јок. Шак мынды болгоны јакши! — Преподаватель эки колының алакандарын бой-бойына јыштырып, көрбөгөн жараш ойынчык көрүп ийген јаш бала чылап, сүүнип ле оморкоп чыкты. Ол, байла, Арсланбектинг шүүлтези божогоны бу деп бодогон ошкош.

—Айдарда, нöкбр преподаватель, бис ончобыс кандый да кудай јок деп бүдүп турган болзобыс, биске слердин атенэммигер не керектү? Ой өткүрип, слердинг лекцияга не јўрерис? Уйде отурып, ўлгерлер бичизе торт...

Же эиг саң башка неме — шак ла бу эрмек-куучының кийинде, бистинг Арсланбек атеизмнинг лекциязына чындал та чек келбес болгон. Оноң кайкамчылу неме — Арсланбектинг мынды кылышына кем де оқылу ајару этпейтен. Та ненинг де учун керекке алгылабас. Кезедү де, аңылу алдырыш та јок...

Бу ок бйдö Арсланбектинг ончо ло кокырлары ла кандый да кылыхтары анайда ла тегин өтпойтбни база чын. Кезикте оның кокыр-каткызында текши керектерге каршулу тегенек-тери јок деп айдарга болбос... Темдек эдип, оның ўлгерлерин орус тилге көчүрген учуралды да алзагар.

Кажы ла четверг сайын болуп турган семинарлардың биризинде, бистинг буурыл ла семтек чачту башкараачыбыс Арсланбектинг орус тилге көчүрилген ўлгерлерин шүүжери керегинде јопти јараткан. Оның ўлгерлерин баштапкы катап семинарда шүүжип, бис бойыска јаңы јайалта тапканыстан ла ачканыстан бери бир јылдан ажа берди. Эмдиги семинарда оның ўлгерлериле экинчи туштажу болорго жат. Бу туштажу кандый өткйи не?.. Бистинг семинардың студенттери Арсланбектинг ўлгерлерин орус тилге бойлоры көчүргендер. Бүгүн оны шүүжип көрбөр керек...

—Кем озо бойының көчүргендериле бисти таныштырар? — бистинг башкараачыбыстың ўни кандый да јалкуулу ла тынг соныркаганы јок угулды.— Сен озолоп турунг ба, Машковцев?

Ончозынаң артык Арсланбектинг ўлгерлерининг орус тилге сүй көчүрилген подстрочниктерин сен мактаганг. Андый болгондо, бүгүнги ишти сенег баштаарга келижип жат. Айдарда, Машковцев, көзбр сенинг колынгда...

—Мен сок ло јаныс ўлгер көчүргем — деп, Владлен айдат. — Бир тилден база бир тилге көчүретени, эмди ле ондоп турар болзо, айдары јок уур јўк турбай! Мен санангам, белен подстрочникти коштойынга салып ал, јеп-јенилинче рифмалап-уйгаштырып кой... Менинг көчүрген ўлгер «Јаны сўстёр» деп адалат. Көчүргенимди көрүгер-шўўжигер:

Мне дороже всех сказанных слов
Нерожденные — в горле слова...
Мне дороже осенних цветов
Эта робкая — в мае — трава.

Может, новые мысли щедрей?
Мы еще не вкусили плодов
С их ростков... Только все горячей
Жажду свежих, неслыханных слов!

—Je, автор, нени айдарын? Көчүриш кандый? — Семинардын башкараачызы Арсланбекке көрёлб, онын эрмек айдарын сакыбай, бойы унчукты: — Коомой эмес, коомой эмес, Машковцев. Орус тилле кулакка кем јок угулып жат. А бу ўлгер бойынынг тўзблгозинде кандый?..

—Орус тилле мен онойп бичип болбозым — деп, Арсланбек ўнденди. — Йакшы ошкош...

Бойлорынынг көчүргенин бўскў дў студенттер кычыргылап баштады. Блааш-талаш. Ойто ло табыш. Подстрочниктерди кычырып, оны көчүргендериле тўнгдештиргилеп, куучын-эрмек кайнап чыкты. Чокым эмес көчүрилген кезик ѡлдыктарды мында ла тўзедерге ле келиштириерге умзангылайт. Коомой көчүрилген деп, чек ёқетелип те турган ўлгерлер учурады.

Экинчиде келип сўсти Яковлев алды:

—Мен база сок ло јаныс ўлгер көчүргем. Озо баштап, торт то ѡлдык болзо, көчүрген ўлгеримнинг подстрочнигиле тавыштырарга турум:

Самолет примчал в родной аэропорт,
А домой попасть не могу.
Нет такси, долго жду автобуса,
Как мне быть, как скорее добраться?

Арсланбек бойынынг бу ўлгерин «Аэропортто болгон учурал» деп адаган — «В аэропорту». Менинг орус тилге көчүргеним мындый:

Прилетел в родной аэропорт,
А до дому не могу добраться.
Нет такси, автобус не идет,
И уже —нет толку в авиации.

—Чокым кочурген — деп, Яковлевтинг кычырыжын кем де
үзүп иди.

—Сакы, учына чыгара кычырзын...

—Чыдаш, сөс айдар бй келижер...

—Чындап та, арайзагар, нокорлор...

Яковлев кочургенин онон ары кычырат:

Вдруг на черной «Волге» подкатил
Старый друг, мы с ним учились в школе.
Хорошо — меня б он подхватил
И домчал домой скорее, что ли!..

Школьный друг приязни не тант.
Подошел, как подобает другу.
«Как Москва? На месте ли стоит?»—
Пошутил, протягивая руку.

Но заметил он кого-то вдруг,
Дверцу распахнул перед долгожданным,
А меня оставил школьный друг
Одного, хромого, с чемоданом.

Да, начальник он... Его ль вина?
И недаром древность мудро учит —
Старая пословица верна:
Всаднику прохожий — не попутчик..

—Арсланбектинг айдыжы, Арсланбектинг как бойы! — деп,
Ахмат Кубанов кыйгырып иди.— Мен бу ўлгерди билерим,
кычыргам...

— Жакши, Яковлев, талдама кочурген, — бойымла кожо
үренип турган уулды мен де јомоп, мактап иидим.

—Мындый ўлгеринг учун, ол јамылу-нокорингней сеге же
дишпес пе, Арсланбек? — деп, семинардын башкараачызы
каткырды.

— Арсланбектен ол нени алар? Бюрократты бистинг Ар-
сланбек согүп ле согуп жат. Бат андый керек ого! — Машков-
цев жарадып ла јомоп айтты.

—Жакши кочуриш. Бу ўлгерди эртен ле «Литгазетке» апа-
рып бер — деп, башкараачы база ўстине кожып иди.— Көр-
дигер бе, бистинг семинарды!.. Бат мынайып иштеер керек...

Көрбийин дезем, Арсланбек бистинг башкараачыныг эрме-
гине ајару этпей, та нени де ўн јогынаң имдеп, Розага кан-
дый да шүүлтезин айдарга кичеенет. Онын элбек чырайы кан-
дый да суракту, же бу ок бйдö ондоорго күч түймеең де бар
деп айткадый...

—Нокорлор, бу мыныла ижисти божодолыктар ба? — деп,
семинардын башкараачызы бистерге көрди. Бу ла тарыйын
Роза отурган жеринен тур чыкты.

—Мени кочурзин деп, Арсланбек кече бойыныг база бир
ўлгерин берген. Оны мен кычырып берерге турум, жараар ба?..
Мен Машковцевтинг байагы айтканыла јоп — чындаптан да,

кочуретени күч керек. Же ондый да болзо, тын мени арбаба-
гар, кочургеним коомой ошкош... Меге келишкен ўлгерде ат
жок. Оның подстрочники мынайда угулат. Мен торт јолдыгын
кычырып береле, оноң ары бойымның кочургенимле таныш-
тырарым:

Одиночная белая лодка
В туманной морской сини!
В дальней стороне что пытается она
отыскать?
В родной стороне что она оставила
навсегда?

Оноң до, оноң до ары. А мениң кочургенимле Арсланбектинг
ўлгери орустап шак мынайда угулып жат:

Белый мой, одинокий мой чели,
Ты в туманной качаешься сини!
Светлой памятью родины полн,
Что ты ищешь в далкой чужбине?

Под тобой изгибаёт волна
За волну лазурные спины,
Даль прошедшая — бури полна,
Впереди закипают пучины!

Но покуда строится лазурь,
Песня солнца летит золотая!
Чели, как сокол, летит среди бурь,
В бурю, словно бы в сон, залетая?

Роза ўнгүр кычырган. Ўлгер бойы да ўнгүр болгон. Же
Роза кочургенин кычырып божоордо ло, боскө кемге де сөс
айттырбай, ончозынаң озо, Арсланбек бойы тур чыгып, өкпöö-
рип ле јодулденип, мынайда айтты:

—Роза, мен бу ўлгердин орус подстрочникин ту качан
боскө поэтке берип койғом деп сеге айткам. Кечеги күнге је-
тире ол бу ўлгерди кочургелек болгон. Кенете ле бүгүн коч-
чырип койтыр ине. Сенинг кочургенинди уктыбыс. Эмди боскө
поэтting кочургенин кычырайын, танышсагар ла?

—Мынызы сүрекей солун,— семинардың башкараачызы
чылап калган ўниле эрмектенди.— Кычыр, Арсланбек, а бис
дезе, эки кочурши түндештирип, кажызы артык эмеш —
көрөли...

Көкүген ле көбрөгөн кийнинде, кижиле же не болбос деп
айдар. Канайдайын ла дезем, табым деген неме бу болбой.
Арсланбек нени де ажындыра сананбай, кычырып баштады:

Белеет парус одинокий
В тумане моря голубом!..
Что ищет он в стране далкой?
Что кинул он в краю родном?..
Играют волны — ветер свищет...

Оноң ары кычырганы тал-табышка, кыйгыга, катып-
чөңбө берди. Бистинг семинардың студенттерининг оосторына
кандай сбстбр чыкпайт деер!..

Ай, Арсланбек, Арсланбек, менинг кокырчы ла тенекс-
нөкөрим!

—Мен ойногом — деп, Арсланбек актанарага умзанат.—
Менинг көчүреечим Михаил Юрьевич Лермонтовтың ору-
пост болгон болзо, ўлгерим шак мынайып угулар ла көчүр-
лер эди...

Кемизи де тур чыгып, Арсланбекти бу кылыгы учун инсти-
туттан чыгарып ийер керек деген шүүлте эдет. База бирүз-
орус классиктиң тоомызыла мынайып санг тескеери «ойного-
ны» учун, Арсланбектиң калганчы будын ўзе тартып койо-
керек деп ачынат.

Арсланбек бойы керектинг мынайып айланы соворын сакы-
баган да, сананбаган да болгодай... Ол кызарып ла манзаа-
рып, jaан мандайы јалтырашкан терлү отурат. Атыланы
чыккан студенттерге айдар сөзи јок. Чындал та айтса, нен-
айдар, не деп актанарап?!

— Ойногом!.. Сеге Лермонтов ойын ба?!

— Јок, институттан оны чыгарар! Чыгартырап ла сүрер!
Оскө не де керек јок...

—Чын. Божогоны ла ол!..

Алаатып калган Арсланбек араайынаң брё туруп, ўн јо-
турган Розага баштанды:

—Роза, сен мени бўлтўретен болzon, бўлтўрип сал ол эмез-
бир кинчегимди таштап кой. Мындый болор деп, чып ла чын-
мен тен бодобогом до!.. А ненинг учун мынайды эткем дезе-
кандай да jaан поэттин ўлгерин онын тёрбл тилиненг көчүр-
бей, подстрочниктен көчүрзе, канайтса да ёдикпес-тутакт-
боловын слерди, досум-нөкөрлөр, јартап ла билип алзын де-
санангам. Чып ла чын, мен онойып санангам! Бўткилебай тур-
ган бозгогор, арткан јаңыс будымды эмес, а бойымды эмд-
ле кескилеп салыгар!

Арсланбектиң бу кылыгы керегинде нени айдар? Казыр-
јаман кокур ба айса чындабынаң сананып кўргөдий ўред-
бе?.. Онызы бу керекке кем канайып, кандай кўслў кўрётони
нен ле кўргонине камаанду туру...

Бистинг семинарда ўренген сок јаңыс кыс, сок јаңыс јара-
жай Роза ла Арсланбектиң ортодогы ачыныш jaан удавай-
токтоп калган эди. Эки јайлата бой-бойлорын ондожып, ка-
рын да нак најылар болуп калган. Онын ўстине мен бу јуукта-
кўрзом, Роза Арсланбектиң јаңы ўлгерлерининг бўткўл јуун-
тызын көчүрип, Москванинг талдама деген издательство-
лорынынг бирўзинде чыгарган эмтири.

Бат Арсланбектиң ўлгерлерин бир катап бўск кем де эмес,
а орус классик улу Лермонтов бойы «көчүрип», бистинг ончо-
быска jaан ўредё эткени менинг санаамнанг эмдиге чыкпайт...

БЫРТЫБАС ҮРҮС

(Кеп куучын)

Таңдакталып таңы аткан, күрееленип күни чыккан Алтайда бир Малчы деп јиит аңчы јаражай эжиле кожо торконың јигиндий, тостың кыбындый эптү-јөптү јуртаган. Аңчының жолы ырысту келижип, шуурганду тайгаларда ажулу, шуурмакту талайларда кечүлү болгон. Ол аңдап ла барган сайын, каптыргазы канду, канјагазы ўстү јанатан. Алтай ѡрбөён бай колтугын ачып, бир эликті эмезе аңды ого сыйлаган ла турар. Ого ўзеери Малчы кышкыда албаа-түлкүге база жолду болгон. Оның Омöчи деп јаражай эш-нöкөри санаалу да, эдер-тудар эргектү де ус келин болгон. Ол оббогонининг адып экелген элигининг единен кайнадып, айылдаштарын кычырып алыш, ончозын күндүлейтен. Айылдаштары ажанып тойоло, алкышыйанын айдып, айылдарына жанып отурза, кажызына ла эттег бир кичинектен једиштирип ўлейтен. Олор экү анайда асан казаны сообос, айлынаң улус айрылбас болуп, барлу-турлу, эптү-јөптү јуртагандар.

Аңчы албаа-түлкү адып келзе, Омöчи ол алуны «Алтайдың байлу, сүрлү аңы» — деп баалап, чүмел, ары-бери, анаар-мынаар этпейтен. Ол жаны айылду болуп жаткан јииттерге айга-күнгө суркураган алуны бийик көдүрингилү сыйлайтан. Жаны бириккендердинг тонына жака эдип, эмезе борук эдип, бойы көктойтöн.

— Таакыратпа, киртитпе, тоозынга тийдирбе, бистинг биленинг акту јүректен эткен сыйысты. Бу сый сенинг јарап чырайынды там сүрлү этсин — деп, Омöчи жаны келинди алкап айдатан.

Малчы ла Омочининг эжик алдындағы тонгмок сууның сары сайында алтын таштар бар болгон. Олор экү бойлоры ошкош јиит билелерле јуулыжып алыш, алтынды јунгулат ииетен. Малчының база бир көрүмилү жакшызы — ол јунулган алтын таштардан кандый да кееркемелдү, кеекемелдү јүстүктер, сыргалар, топчылар, жинжилер, куйкалар чололоп сұлайтан. Кажы ла эткен эдимин улуска сыйлаганда, олор сыйга сүйнгилеп, жарадып, жажына тагынып, единип јүргүлейтен.

Жиит ле нак биледен кыр ажыра чокондойдый чичке сары көстөрлү, тегерик кызыл чырайлу тул бай келин јуртаган. Оның ады Таный болгон. Таный јаш түштә јокту-жою кижиның балазы болгон. Кышкы узун түндерде ол соокко тонгупта јүрген, аштап та јүрген. Шыралай-боролой он беш јашка једип келерде, коштой жаткан бежен јашту карыган бай ого кудалар ииерде, ол сүүнип јөпсинген. Жаман ат семирзе, жанына көнök буулатпас, жаман кижи байыза, жанына кижи јууктат-

пас дегени аайынча чылап, јаңы айылга келип, ол ударай ла байдыг сүүген сүрлү абакайы, сүмелү, чончыңкай, чörчöкчи келин болуп отура берген. Онын сары чичке кöстöри улуска удура чингбей, соок кörötöп, толу, кызыл, ач эриндери јаантайын јескингендү туура шолјырайа тыртышып калатан. Ол бу ла јуукта кожо аштап, соокко тонгып чыдаган ўурелерин таныбай барган. Араай эрмек айтса, укпас та боло берген. Јаан ударай јүректең оору карган ёбögöни божоп каларда. Таный јаан бай јурттыг ээзи болуп артып калган. Эмди ондо ончозы бар, је јаңыс ла јүргөнинг түбинде токунал ѡок болгон. Абакай јаш малдыг тамзык эдин јип, јаңы кымыс ичин, ак ширдектердинг ѿстинде јыргап та отурза, оны не де сүүн-дирбegen, јүргөнинде куру болгон, кунук уйалаган.

Бир күн Таный абакайдыг јурчызы кижи аларда, ол жарлу той эдип, ыраактагы, јууктагы албаты-юнды ончозын айттырып јуудырган. Ол күн онын јалчылары ла кулдары тан јаны ла кажайып турарда тургулайла, јаан-јаан казандарга кöчбени, этти кайнаткылай берген. Чörчök јеринде чилеп тууга түндеп эт кайнадылган, талайга түндеп аракы азылган, кымыс ачыдылган, эзигей каарылган, быштак сыгылган. Јаан ударай тойго јуулган улустынг аттары чакыга бадыштай, чедендер сайын буулагылай бергиледи. Таный суй солонгы манык јаны чегедегин кийип алала, улустынг ортозыла араайынан базып јүрди. Ол укту-тöстү јаан-јаан бийлерди, байларды бойы уткып, тогус канатту кереге тöс айылга кийдирип, тöргö отургузат. Таный абакай јурчызынын тойы жарлу болзын, ончо албаты текши јыргазын, күндү-күрее тынг болзын деп албаданган. Эмди јыргап јаткан албатынынг ѹске јалтырап турган сүүнчилү јүстерин көрүп, кокырлашкан, күүлеген куучындарын, јанырада кожондогонын угуп, «Санаама јединтирим — деп, ичинде сүүнип турды. — Бу кире элбек, јаан јыргалды бу јуугында кем эдер? Менинг эткен тойым ойто ло талдама, мен бойым ойто ло улустан ѿстү болдым» — деп, ол јарышка јарандырган аттардынг кеен јабынчыларын аյыктап, тынзынып сананды.

—Акыр, јаан айыл дöбн кирер, јаандардыг мактулу сёзин угар — деп баратканча, онын ајарузына суу ол јанында кöдүрилген јенгил тоозын ла јиит улустынг сүүнчилү кожон-каткызы илине берди. Атту јииттердинг энг алдына оошкы чингмери чегедектү, чойбек албаа бöрүктү, узун сары тулунгдарлу чичке келин ле коо сынду, кызыл күрөнг чырайлу, тонынынг эдеги айландаира камдулап койгон јиит эр келип јатты. Олор ол ло каткырышкан, кожондошкон бойлоры чакыга келип түшкүлеп, јаан айылда тöрдö келип отурган айыл ээзининг алдына келдилер.

Јаңы туткан јуртта
Тўймен ырыс шоқшозын.
Јаңы јууган орында
Тўйнчекте бала ылазын.

Уул баланың алганы
Ус әргектү келин болзын.
Кыстың талдаң баргана
Ай жыгар эр болзын.
Әдегине бала бассын,
Иргеезине малъбассын — деп,

кара туйук кабакту Малчи айдала, төрдөги баш кайырчактың ўстине қызыл жалбыш түлкүни ле суркураган кап-кара албааны салып койды.

Эрке тапкан эжингней
Элең-чакка айрылба.
Улустан тапкан эжингней
Үйе-чакка чөкөбб.
Сабарында оймокту
Қыстар азырагар.
Жардында мылтыкту
Уулдар азырагар — деп

алкайла, Омбчи јаражай јаны келиннинг сабарларына кеер-кемжилү алтын јүстүк, кулагына чүмдүй ай сырга, мойнына кеелү јинји тагып ииди.

Алкыжаар учун быдан болзын,
Айткан сөзигер балдарымга јетсин,
Аш-курсагыстан амзап јизер,
Бистиг ырысты ўлежигер — деп,

Таный абакай јаан ўнденип айтты. — Айылчыларды отурғызыгар, күндүлөгер — деп, жалчыларына, болужып турган тушулуска айтты.

Малчи ла Омбчининг бой-бойлорына каруузышкандары билдирип-билдириес кыймыктарынан, көрүштеринен, Таный абакай араайынаң узакка көстөп отурза, көрүне берди.

Омбчининг юон тулундар бөргөн айтанаалар тагып, учтарын јинјилеп койгон чачтары сары өндү болгон. А чокту, жалакай көстөри, суркураш атрак кирбиктери, учкур кабактары кара болгон. Онын кажы ла токуналу, ээлгир кыймыгынан оббогонине јарап турганы ла ырысту болгоны билдириет. Олор экү эткен күндү-күрееден табыланып амзагылап ийеле, Омбчи улуска казан-айак уружып, Малчи дезе каргандарга тукрандар уруп, той-жыргалга тургуза ла биринге бергендер. Төрдө айыл ээзи јерде отурган Таный абакайдың јүргеги кенете чым эдип калды. Ол боскө улустың јаркынду јарап ырызын көрүп, бойын олорго түнгейледи. Эки јыл кайра божоп калган, карган, оору оббогониле кожно ол, бажыла ойногон токтобос изү эмдиктерге минип, экү јергелей јелерден болгой, јурттың ичиле сооттоп то баскылабаган,

— Малчи ла Омбчи торт ло эжер турналар ошкош туру не. Эптүлөрин тен. Мен олорды алдында канайып аярбагам — деп, Таный абакай кайкады. — Окпөзи көрүнип калган јокту-жою Омбчи ненинг учун ырысту, эркетенде јүрет. Ол менен

незиле артык? Эдер-тудар, көрөр-айдар атту-чуулу туйук бай келин мен. Малчыны бу көкүп калган, бойын бодонбос ёл катынан блаап албас кайткам мен — деп, оның санаалары күйбүреп отурды. Ого комустын да ойножы, айландаира јыргаган улустың јиилеген табыжы да угулбай барды.

— Тукранаар, абакай. Јурчылараардың ырызы учун тудуп ийеер — деген ўн угуларда, абакай бажын ёрө көдүрзе, Малчы ого алтын чоочбайдо арајан сунуп, чөгөдөп отурды. Эрдинг чырайы кызарып калтыр, јаан, каткылу көстөринде торт ло оттор жалтылдажат. Кара эрин сагалдары оның чырайын кандый эптү жарандырат.

— Јок, јаны ла тукраан туткан, болор. Кижи ачу ашты тарай-тарый тудуп турала эзире берзе, балдардың тойын кем башкаратаан — деп, абакай көгүс ўниле чойё каткырат.

— Анаар ла уруп жаткан эмес. Ърызаар чыгат, ичпезегер де амзагар — деп, Аңчы сунган колын туура албады.

— Бу кандый чаптык улус. Чагана ошкош, кижиден айрылбас — деп, Таный абакай чончынгай ўниле айдып, изү тыныжыла Малчының чырайын бортой согуп, оның чоочбай туткан сабарларын жалакай сыймап ийди. Малчының көстөринде кайкаш чийилеме берди. Ол ёрө туруп, оноң ары барага сананды.

— Малчы, көбрекий, мендебезен, айдайын деген бир сөзим бар. Алган эжигди saat бйгө көрббэзин дö алдырбас болбой. Слер экү јаантайын кожо ийнегер. А мындағы кижи күнүнг ле јанғыскан ла јанғыскан. Мындың сүрлү уул кижиге тен бир катап аяру этсе кайдар. Јүрегим сыйтайт, јүзүм изийт, арајаннан база бир чоочбайди уруп ийзен, амзап ичейин — деп, Таный абакай каткырды, тукраанын түбине жетире ичинп ийди.

Мындың саң башка сакыбаган эрмекти угала, Малчы озо баштап кайкап, алаатый берген, оноң ого ады-јарлу бай, тул келин аяру эткени жарай берген.

— Айдарда, бу тойдо јуулган атту-чуулу анчылардан, тудужатан күчтү күлүктерден, комысчылардан, илжирт байлардан, укту-тостү бийлерден ончозынан мен тың, талдама, сүрлү, жараш эмтириим. Бай абакайдың көстөри меге жетти — деп, ол тыңзынып сананды. Малчы кожно андап јүретен нөкөрлөрин эске алынып: — Эх, бу ла тушта мени көргөн болзо кайдат — деп сананды. Малчы абакайдың илбизине там ла там алдырып, оның ач кызыл эриндерине, кунук уйалаган сары көстөрине карап, толу, тыңғыску төштөрин аյыктап, чоочбайнин кырынан амзайла айтты:

Кызыл түлкү туштаза,
Адып та билерим.
Кызыл келин туштаза,
Эркеледип те билерим.

— Аткан алуунгды экел, оожыркадып эдинип көрөйин, эрке сөстөринди айт, амадап угайын — деп, Таный абакай ого ко-

лын сунуп, экүнинг изү алакандары биригип, айрылышып албай баргылады.

Улустың алдындағы тепшилерге жаңы изү эт салып турған Омөчі мыны көрүп иди. Оның буланаттың кызыл-марал чырайы кубула түшти. Ол нени де көрбөгөн-билбекен кижи болуп оноң ары иштепет. Тамагында кату болчок неме ары да ашпай, бери де чыкпай тура берди. Келиндер ого неме айдарда, удура сөс айдып албай, укпаачы болуп, туура басты.

—Түбек келди, чын түбек келди. Малчы бай келиннинг абыдышына кире берди. Токтодып, тудуп албайтан эмтириим— деп, жүрги типилдейт. Айылдардың ортозыла аккан соок сууга жүргегин жунуп, оноң ичи, бойын токунадынды. — Бу мен бодоп әкпөбрүп канайып турған кижи. Малчы ол кире бىккөн келиндерле қыткырышпаган ба, сертешпеген бе? Каткырыжала токтоп ло калатан, ундып ла койотон эди — деп, жаңыскан шымыранды. Же жүргегинин систажы јоголбойт, түбек келген деп, ол сезип койды. Тыныжы јетпей турарда, Омөчи теренгерен тынып, жаңында тытка ѡйлонип алала, ыраакта учкан, кеберин жүс кубулткан булуттар дöйн көрүп алган турды.

— Канайда бердинг, Омөчи? Жүзин чек ле ак тос. Кан јок болуп тартыла берди. Отур бу тазылга, амыра! — деп, ўүрэзи Ыламаш жүгүрип келди.

— Та, жүргегим ле оорыды. Бажым айланы. Қажы, ол соок суудағ сузуп экелзен, жүргегимди база катап соодып, ўлүштеп алайын — деп, Омөчи айтты. — Мен мынаң ары айак-казанла уружып албайтан эмтириим, жаңадым. Мени Малчы сураза, мал-ажына мендеп жүре берген деп айт. Сурабаза, унчыкпа. Оны мендебезин де. Тойды көдүрижип, болужып барзын. Экилебис жана берзебис, эби јок неме болор — деп, Омөчи узак унчукпай отурала, айдынды.

— А, оорый берген болzon, жаңыскан канайып једетең. Малчыга айдатам. Жеткер јен алдында, канай-кунай түбек боло берзе, мыны кайттым деер — деп, Ыламаш чочыды.

— Јок, мен кем-јок боло бердим. Тегин јерге улус түйметпе. Же улустың ортозында отурып албазым — деп, Омөчи ады jaap басты.

Омөчи ол күн түниле уйуктабаган. Ол отты таң атканча ўспей, Малчыны сакып, оттың жаңына отура конгон. Қалтарла Борсук деп ийттери ээзиле та не де болуп турғанын сезип, күйруктарын булгап, оның көстөрине јалакай карап отурғылаган.

Эртенгизинде талтүште Малчы једип келген. Ол араай күлүмзиренип, тойдо не болгонын сүүнип куучындап отурган.

— Тойдон не эрте жүрүп ийген? — деп, ўйин сурабаган да, оның оору кирип калган чырайын аярбаган да. Санаазы чек бىккөн жерде болгон. Ол эртенгизинде ле андайтам деп, мендей-шиңдей јазанып жүре берген. Оноң ло бери Малчының санаазы чек кубулып, айлына келери астаган.

Күски соок јыбар согуп, күндер там кыскарып, кууга
рып, саргарып калган тын јок јалбырактар јерге келип тү-
жүп турган. Омбчининг јүргенинг сзызы там тыңып, ол кур-
сак та ичип албай барган. Ол Малчыга, оны бурулап, кату-
сөс айтпаган. Малчы каа-јаада айлына келгенде, экү унчу-
ышпай тёмён кбрўп алган отургылайтан. Бу тушта Омбчиғе
там күч болгон. Јердинг ўстинде табыш та, тирў улус та
јўрўм де бары билдирибайтен. Соок, кату тымыктаң Малчы
чыдашпай јўгургендек чыгып, адына минип, чаба бергенде
экилези айрылатан. Малчының санааркап, ойто јанып ке-
лерге тидинип, айдынып болбой јўргенин Омбчи оның кўстёр-
риненг кўргён. Ёе јўргенинде ачуны, соокты јылыдып албаган.
Ол эжининг садыжын, олордың ырызын, сўўжин быйарзытка-
нын таштап болбогон.

Ортозынаң ѹик табылбайтан бой-бойлорына кару эш-
нокёрлёр кандый тўрген кўундери соожып, чек туш-туура
улус боло бергенине айылдаштары кайкаждатан. Јўрўминде
јакшыны да, јаманды да кўп кўргён јаан јашту келиндер
Омбчиғе келип, оның тўбегин тенг ўлежерге, куучындажаргаг
албаданғылайтан. Ёе Омбчи олорды кыйгастанып тёмён кў-
рёлб, унчукпай отура беретен.

— Сен улустаң тескеери бурылба. Кижининг тўбегин де-
ырызын да кара албаты кўдўрижип јат. Сен юит, јўрўминде
мынан да уур-кўчтерге учураарын. Эпши улустың, бистер-
динг јўрўмис ондый. Улустаң бурылып, јангыскан база берзен
ол блўм — деп, бойының эки балазы, ёббогон божогон, эмди
бир сурас кызычак азырап јаткан санаалу кўстёрлў, басты-
ра бойы ойгор јарыкла оронгон ошкош буурыл чачтарлу
Аруш ого арбанатан. — Мени кижи эткен, јўрўмге бурыган
бала бу — деп, кызыл јаактарлу, суркурууш кара кўстёрлў
беш јашту болчок кызычагын кўргўзетен.

— Эйе, оның санааркаганы! Оскё улус ол кире тўбек
кёрбогон туру. Мени ёббогоним торт баламла кожно таштап
ла ийди. Кем јок јадырыс ла. Мен де тан адырып албай чу-
чурагам. Тамагымнаң курсак та ашпайтан. Мен сендей кы-
зыл-марал јаш болзом, јаман ёббогоннинг алдына тўшпес эдим.
Мен эмди де он бежин талдап барадым — деп, юон кара
тулундарлу Тўгўне коштонот.

— Мененг јаан келиндер чын айдып јат — деп, Омбчи
бажыла ондозо до, олорго удура сөс тё айдып болбой, кўстёр-
рин јумала, јада беретен. Келиндер ого арбаныжып, ойтса
мекелеп, оноң оскё немелерди куучындажып, чайдан-чаптани
азып ичклийле, бойлорының качан да божобос ижин эдергэ
јўргилей беретен. Олордың Омбчиғе јенгил болзын деп, оны
ёнгдойтёрғо, јилбиркедерге умзанган: «Алдырас, бўй эмдег
койор. Ўзези ундылып, ёдўп калар» — деп айдышкан сўстёр-
риненг, албадап ичирген айак чайынан, оның кўксине кезек
бўйѓо јылу јайылып келетен. Ёе келиндер јўргениле кожно ойтса

ло туйук тымык соок тура беретен. Бу туштарда Омочининг ёрер де кўёни келбайтен.

Ол бир кўн айлында нени де эдер кўёни келбай, оттынг аяагында отурганча, тышкаартынан:

— Омочи, бери чык, ўй кижи! — деп јаркыраган ўн угуды. Омочи сезинип, ёргеги озолодо ѹайнулу шимирт эдип, чыгып келзе, алтынла кеелеген ўйген, ээр-куйушканду, чаңқыр торко кыпту саксарга тонду Таный абакай кўк-боро атту турды. Ол бир колыла мықынданып алган, экинчи колында камчызыла ёдўгининг акбуудына тарс этире согуп, кадалгак, соок, јажыл кўстбюриле Омочи јаар чингбей де кўрўп отурды.

— Малчы сенинг эмес, менинг деп эмди билип ёўр! Йолима турарым деп сананба, чичке ѡодонгды сый соворым!

Омочи ол јаар ёскингендў кўрўп, унчукпады.

— Тийбе дедим, Малчыга! Ол сендин юкту-жойунынг эри болгодай ёғён эмес деп билип ёўр!

Омочи тееркеген тенек келинди кўрўп кўёни ѡогын тудунып албай, туура кўрди.

— Бу тилин жип койгон болбой! Мындык бийтке-сиркеге бастырган бараксандар база кылкыту туру не! Кўрзбёр, онын тыңзынып, керјенде турган бўдўжин — деп, бай абакай арбанып, Омочиден бир сўс чыгарын сакып албай, туура ѡортаси. — Малчынынг ла Омочининг кўёндери бой-бойлорынан соошпогон эмтири. Мениле кожно ондо ырыс болбос эмтири — деп, ол бу ла тушта јап-жарт сезип иди. Малчыны блаап алдым деп, тыштында тыңзынып та турза, ёе олор экүде онгдош, бирўзи ѡогынанг экинчиши ёўрўп албас керексиши, колбу ѡок болгон. Бу ёскд улус не ырысту болот! Мен карыганча ла кўёни ёткен кижиле кожно болбой, сўйш деп неме онгдой, блўп калган ёббўнимминг алтын очогын каруулдаш отурьп калатам ба? — деп, Таный абакай ачуурканды. — Келбайтен немени, куучындашпайтан немени, юкту-жойу кадыт унчукпас, оморкогыла менен тынг, бийик болуп калды. Салым ондый туру — деп, ол јаан тынды. — Кайдак, ёскд эрлер ѡок эмес — деп, ол ойто ло тыңзынып сананды.

Бир кўн Омочи айылдаштарына эне-адамга јанып отурым деген. Айылдаштары Омочиге килем, Малчыны јўзён-абызын јамандап, талап келерде, Омочи олорго токтогор деп, јангыс ла сўс айдала, ак-боро адына минип, ёуре берген. Йакши ла јаткан юиттердинг јурты чачылып, эки башка баскылай бергилеерде, олордунг ээн айылы јаар айылдаштары кўрўп албай, кўнунг ле эртен тура бир-бирўзи келип, от одырып койотон.

Омочи эне-адазынынг айылы јаар барбай, Малчыла кожно блўнг чабып туратан терен кобозына келген. Мында ыжык учун, коп-коо кайындардунг бўрлери тўшпейтири. Кўски јыду јааш бир кичинектен табырап јаайт. Таныш јерлерди кўрўп, Омочиге Малчынынг кўрўжи, «Айым менинг, кўним менинг» —

деп айткан сөстөри угула берди. Ол тушта Омёчи баштакта нып, туура селескелей јыгылган агашты кырлап барадарда. Малчы оны колына алып, «Сүүжим менин, сыйым менин» — деп, јүргине јаба туткан эди. Ол тушта чангыр тенгериде күн де олорло кожо ўзүги јоктонг сүүнетен эди. Токтобой јааган јангырга Омёчи көк мөён болуп өдө берди. Је ол нениде сеспей, керексибей турган. Ол коштой арка jaар көрзө, агаштардыг ортозында Малчы бир будыла төнгөшкө тееп алган, ол jaар кунукчылду көрүп турды. Омёчи ичкеери атпас эдип, «Малчы» деп, араай кыйгырып ийди. Јок, бу јük ле јангыр өткүре јажыл мөжичек Малчы болуп көрүнген эмтири. Изү јааштар јаагын төмөн агып, Омёчи өзбөктөги кара суучак jaар бурылды. Јаш кызыл талдарды колдорыла туура эдип, аралдаң каткырып койгон Малчы чыгара базып келетти. Омёчи көстөрининг јаштарын түрген арчып, аралды јазап аյкытады. Је бу Малчы эмес, кызыл башту кара тал калың јангыр өткүре ол болуп көрүнген эмтири. Омёчи камалгазы чыгып, юон куу јадыкка отура берди. Оның көзине Малчыны јаш тушта туштап, канайда бириккендери јурала берди. Ол тушта он алты, он јети јашту бойлулар јуулыжып алып, ойынга барылаган. Ондо бир кезек уулдар койындарынан комыстарын чыгарылап ойногылаган. Бойлулар озо баштап кокыр эдип, олорды уткалап удура комыстагылаган. Мынан ла башталган. Јаан удабай түш ошкош айдынг түндерде торт бойлу ла торт уул эжерлекип, бой-бойлорынан ыраак јокто отургылай бергилеген.

— Алтын јалду кара тай
Менинг тайым болзо кайдат.
Ай-танаалу бу бойлу
Менинг эжим болзо кайдат.
Беш белтиирде беш боро
Менинг бором болзо кайдат.
Беш сабарлу бу бала
Менинг эжим болзо кайдат — деп,

Малчы комыстаарда:

Кара көлдө кас ойнойт,
Кастың ўни танылу,
Камык јиниттер ортодо
Сенинг ўнин танылу.
Туманду көлдинг ортодо
Турна ўни танылу.
Турган јиниттер ортодо
Сенинг ўнин танылу — деп,

Омёчи каруу јандырган.

— Беш сабарлу колымды
Берип турум, эзен деп.
Жылдыс көстү бойлуны
Көстөп турум, менинг деп.
Он сабарлу колымды
Берип турум, эзен деп.

Уни јарап көбәркүйди,
Көстөп турум јарадым — деп,

Малчы комыстаган:

— Алтын жүстүк белегин
Мен аларым, көбәркүйим.
Арка жерге сакызан
Мен келерим, көбәркүйим.
Мөңгүй жүстүк белегин
Мен аларым, көбәркүйим.
Мөштүй жерге сакызан,
Мен келерим, көбәркүйим — деп,

Омёчи удура комыстаган:

— Жалбадайдың балазы
Јарап чоокыр күш болор.
Јаба ойногон бу көбәркүй
Жажына јуртаар эш болзор.
Куладының балазы
Кула-чоокыр күш болор.
Кожо ойногон көбәркүйим
Кожо јадар эш болзор — деп,

Малчы комыстаарда:

— Чейне бажы јайылза,
Оноң јарап чечек јок.
Чын көбәркүйим келгежин,
Оноң јакшы неме јок.
Қадышкан бажы јайылза,
Оноң јарап чечек јок.
Кара көзи каткырышкан
Көбәркүйимнің јаражын — деп,

Омёчи удура комыстаган. Оноң бир ле күн Малчы бойлуны
качыра берген.

Ол тушта кандый ырысту бйлёр болгон! Јаш ўйинен Малчы сүүніп калған көстөрин алып болбайтон. Ол тушта олор кезек те дйгө айрылыжып албай, мал-ажын кожо кабыргылап, керек дезе, кожо элик те тозуп барғылайтан. Тозуулда отурада, экү күлүреде куучындашылап, эликті чочыдып ийгилеер, эмезе: «Ондый јарап немени атпа» — деп, Омёчи болдыртпай, бышкан кузуктаң арчымактарына толтыра тергилеп алган, сыр кожондо айлына јеткилеп келетен. Мыны ончозын сананып, Омёчи, ол туштагы кожондорды ойто ло кожондой берди. Ол кожонгын јаражын кайкап, шеркырай аккан кара суучак, коксин ачып, жүргегине сугуп алды.

— Малчы, кайраным, санаа-күүнинг мындың түрген не кубулды? Бистиг ортобыстагы эң јарап күндерди, куучындарды канайып ундыдын? Менен артыгын таптын ба? Оныла сен менен артык ырысту ба? — деп, Омёчи баштапкы ла катап ачу кыйғырып ииди. Јаагын тёмён коронду, изү јаштар агат. — Мен мының ончозын көдүрип жүрүп албадым. Канча күнге уйуктап болбодым, бир уурт суу ичпедим. Мынайып шыралатканча, Јер-Эне мени койнынга ал — деп, Омёчи кый-

тырала, буттары јерге кирип, јаба өзүп, бойы катуланып, агашсып баратканын јакшызынып, сүүнип сести. Јаан удабай ол коштой кайындардан незиле де анъыланбай, сары јалбырактарлу бўрлериле кўски јыбарга араай шуулай берди.

Малчы эмди Таный абакайла суй ла ѡада берди. Омочини эне-адазына јана берген деп угала, јуреги чым эдип калды. Ол бир јастырала, ойто санаа алышып, Омочиле ойто актантектең куучындажар, ѡаманым ташта деп сураар деп, айлына, канча ла катап келип јўрген. Ё онын ондый кўёни Омочининг соок, ёскёлётгён кўстёрин кўрёлёт, ёчо беретен. Оноидо ол тамагынанг бир де сўс чыгарып албай, тўмён кўрўп алган, унчукпай отуратан. «Арбанзан, эжим, ого јўк бир сўс айтсан?» — деп, ичинде јалышып суралотуратан. Учында ёскёлётгён соок тымыкты кўдўрип болбой, јўгўргенче айлынан чыгатан, адына минип, арка-туу дўён чаба беретен. Оног арга јокто ойто ло Таный абакайдын эжигине келетен. Ол эмди албаа, тўлкў адип экелзе, Таный абакай олорды баш кайырчагына сугуп алат. Алтын таштардан јинжилер, сыргалар сулаза, кой кайырчагына сугуп алат.

— Ас андап турунг, тапкан алуунг ёнг-сўр јок — деп, абакай чўрчоқтобор болды. Ё ол там ла ачынатыган сайын, Малчынынг ѡолы алуга чек келишпей калды.

— Йокту-ёйу, бийттў-сиркелў катынгды ундыбаган, меге ого чылап ајару этпей турунг — деп, абакай чончыры, ала-кён ачынар, айтқыланар болды. Бир де кезекке јалбыштанган кей-кебизин кўён туку качан ёчўп алган. Бир ле тескеерлайле ёчёжип, булгалып базып јўрген Малчы, Омочиненг бир кату сўс уккан эмес, озо баштап аайы јок айтқылашты угала, алаатый берген. Оног Таный абакайды чек кўрёр кўёни келбей барды. Онын учун ол «мал, кўрўп турум ла андап турум» деп кўп сабазын тайгаларды керип, коно-тўне јўрет. Малчы эмди каа-јаада једип келзе, онын айылдын ээзи болуп отуратан ёриниде чоокыр-кара јўстў, туйук кара сагалду кўлўк қаңзазы ышталып, Малчы јаар электегендў кўрўп салып, топшуур согуп кайлап отурат. Малчы абакайдын сўмелў, неденг де туура калбас чичке, сары кўстёрин, ач, толу кызыл эриндерин кўрўп, «Бу мен кайттым не, айдый, кўндинг Омочимди кемге солудым» — деп кайкап, ачуурканып отурды.

— База ла нени де адип келбееен. Бу та андап туратан, та айылдан јўретен. Мында бир курсактын кабы ла табыла бертир — деп, Таный абакай бўгўн база ла арбанып ла келерде, Малчы ойгоно чарчады:

— Тўлкўдий кызыл тужымда, бўрўдий кўк тужымда курсактын кабы деп айттырып бу мен кайттым. Бу мен улустынг эжигинде чыгара-кийдире сўрдўртип не шыралап базып јўрим — деп айдинала, чыгара јўгўрип, чакыдагы адына минип, кыр ажыра айлына учуртып ийди.

— Бала-барка азырайтан кайран ўйимди кайындарымнынг

айлынаң тизеленип, јалынып туруп, барып экелерим — деп кыйгырда, јардындағы уур јүк түже берди, сыны да јениле берди. — Озогызы ла чылап, әжимле каруузыжып јадарыс — деп, ол чырайы јарып, улу тынып айдынды.

— Едип келзе, айылы ээн. Одыннаң очокко салып, отыгыла отты камызып ийди.

— Эмди одымды өчүрбезим — деп айдынып, чыгара јүгүрип, јоон-юон тоормоштордон турун әдип салып койды.

— Је, ак-бором, эмди айылдың ээзине, менинг кобөркийимге база ла катап барапык. Тизеленип јылып јалынарыс, је айлыс дöйн экелип аларыс — деп, ол ак-борозының јалын сыймап, айдынды. Је ак-борозы оны өлөн әдип турган кобызына экелди. Малчы адының оозын бурыбады. Өмөчи мында деп јүргеги сезип турды. Олордың јылдың ла одуланатан јери бу. Өмөчи от камызып, аскышка эттү казанды илмеги-ненг азып отуратан. Малчы тууразында чалгы таптап, чалгының тутказын әдип отуратан. Ол туштарда олор бир де шылтагы јогынан бодоп ло каткырыжып тургулайтан. Бу ла мында ол Өмөчиге «Айым менинг, күним менинг» — деп айдынатан эди. — Мен сен јок јүрүп албазым — деп, јүргегине јаба туткан. Өмөчи ол јаар јаантайын ла сүүнип калган көстөриле көрүп туратан. Мыны бастыразын санана-санана келеле, Малчы араайынан онтоп турды. Божоно берген ады јыраалардың бажын ўзе согуп, бајырада чайнап, Малчы јаар ончозын онгдол турган тöп көстөриле көрүп турды. Ол тушта Малчы ла Өмөчи јаантайын колтыктажып алган јүрги-леер болгон. Кезик улус олорды јаратпай арбангылап тургулайтан, кезиктери «Бу экү база ла кып јок этире колтыкта-жып ийген баскылап јүргүлери» — деп, шоодып тургулайтан. Је олордың күйүнчек ле шоодылганду сөстөрине олор ајару да этпейтен. Олорды көрөр-угар бош то јок болгон.

— Сүйжим менинг, сыйым менинг, сен кайда? — деп, Малчы катап ла шымыранат. Ол эжин чачып ийеле барганынан бери бир ай отти. Бу бйгө Малчы бир онгу күн јүрбекен. Таный абакайла баштапкы ла күндерден ала келишпеди. Ол абакайдың трын ла эткен кыймыгын, кыңыс эткен эрмегин ўйине түнгейлеп, Өмөчини чик-јок артык, јараш, тöп, санаалу деп артыксынып отуратан.

— Кайран ырызым, сени не ычкындым — деп, Малчы бажын јулунат. Ол ўинин түби јок карыкчалга бастырган, је оны карамдаган, каруузыган көрүжин сезип турды. Је бу ла бйдö Өмөчи кижи эмес болуп калган деп, јүргеги билип ийди.

— Өмөчи, сен кайда? — деп, ол карыгып, талымзырап ачу кыйгырды.

— Мен мында! — деп, кайындар чойо шуулажып, каруу бергиледи.

— Эжим! — деп, ол бир кайынга келип кадалат, јүргеги өскөлөзө, экинчизине келип артылат.

— Мен мында! Мен мында! — деп, кайындар туш-башка жерлерден јанылга ўнин бергилейт.

— Кайраным, мени ийде салба! Көргөним, мени боскөлбөб. Сен јокко, менде јүрүм јок — деп, ол бир кайынганг экинчиzinе јүгүрип турала, «Эжим бу туру» деп, танып ииди. Ол боскө кайындарга көрө бткүре көрүнип турар ару, јегил эмтирип, шуулты да чойо кунукчылду эмтирип. Малчы онынг јанына јылгажактап келип, көстөрин бро көдүрип албады.

— Эжим, кайраным, менинг јаманымды, эмди эмес, качан бирде таштап болорын ба — деп, ол көксине түже берген ўниле јўк арайдан шымыранды. Орё турайын deerde, бокурыла берген тизелери тартылыжып калды. Малчы чучурап турала, јанындагы кара суучактын шоркыражын угуп ииди. Јок, бу Омочи эжи ого ырысты ойлөриндеги кожондорын којондол турган болтыр не!

— Мен сенинг алдында бурулу, эжим. Јаманымды ташта, ыйым менинг, шырам менинг — деп, Малчы шымыранат. Онын ўстине јаңмырдын тамчылары келип түшкүлейт. Јок, бу тамчылар эмес, Омочининг кара көстөрининг шыралап калган, ачуурканган, тусту јаштары туре не. Ол јаштар ўстине түшкен сайнин Малчынын уур сыны там ла там јенилип, јерге колдоры, буттары кирип, јаба бзўп баратканын сўүнни сезип, «Эркем менинг», каруум менинг, эмди бис качан да айрылышпазыс» — деп, калганчыда јегил онтоп, ак кайынгын алдына јерсў јадык болуп јада берди.

Төжөгингде байды быртыдып, колындагы ырысты киртиткен учун Алтай оны бурузы аайынча јерсў јадык эдип кубулткан. Онынг, кожно јуртаган эжине јетирген ачузынын, сизынын кеми јерсў јадыктый болгон эмтирип. Јазылган сары тулундары, сары јалбыракту бўрлер болуп кубулган ак кайынг эбин таппас; опту эжининг ўстине будактарыла энилип, бўрлериле оны эркеледип сыймады.

— Эмди бис качан да айрылышпазыбыс — деп, ак-кайынг улу тынып шымыранарда.

— Эйе, сўёжим менинг, бис качан да айрылышпазыбыс — деп, јерсў јадык кару ўниле онтоды. Олордын систу, ачу сўёжи керегинде кожонды аркаданг аккан кара суучак эмдиге тўнгэ-тўшке кожондойт.

ЭЛИБИСТИНГ ЎНДЕРИ

БЕШ-ИЧИНИНГ КОЖОНДОРЫ

* * *

Бештинг суузы беш айры,
Бежилези кечүлү.
Бештинг ичи беш ۆзök,
Бежилези алкышту.

Адаткан суузы алты айры,
Алтылазы кечүлү.
Ада-Беш ичи алты ۆзök,
Алтылазы алкышту.

* * *

Карыкканда чертeten
Кара сайлу кузук бар.
Карыганча ойнайтон
Кайран Беш деп алтай бар.

Эриккенде чертeten
Эмил-сайлу кузук бар.
Эмчийгенче ойнайтон
Эне-Беш деп алтай бар.

* * *

Бéшти тóмён јелерде,
Беш бороның кёни јол.
Беш-ичине баргажын,
Беш конокко байрам јер.

Адаткан тóмён јелгежин,
Ак-Бороның кёни јол.
Ада-Бешке баргажын,
Алты конок байрам јер.

* * *

Каргыстуның кара суу
Қайзырыкту балыкту.
Кайран Бештинг улузы
Кара көзи каткылу.

Эне-Бештинг эки суу
Эттүй-јуулу балыкту.
Эне-Бештинг улузы
Эки көзи каткылу.

* * *

Бештинг-Бажы беш айры,
Бежен мунгнан мал турар.
Беш-Озбек совхоз бай совхоз,
Беш миллион доходту.

Барагаш-Бажы бай тепсенд,
Алтан мунгнан мал турар.
Барагаш совхоз бай совхоз,
База ондый доходту.

БЕШ-ИЧИНИН КОЖОНДОРЫНА ІАРТАМАЛ

Алтай јангарлар... Баштап тарый бу төрт јолдыктар кан-
дый да чўм-чам юқ немедий билдирир, ёе онон ол қыска та-
бышкактарда салылган шўйлтелерди теренгжиде сананып кёр-
зўнг, мынанг, чын ла, ойгор ло чечен поэзия чыга конуп келер.
Кезик табышкактар чын ла кишининг јўрегин табарып, эди-
канын јымырадып ийер. Кезикте јазап кожондогон табыш-
как-янгар уканда, кожондо айдылган ёй, ол ёйдин јуругы
кёзинге кёрўнип келер. «Албатының кожонынан онын ёдўп-
келген юлын, историязын билип, онгдол алар арга бар» —
деп, сўрекей чын айдылган.

Кол-салаалу, кобы-жиктерлў элбек ёзбек түшкен. Ол ёзбек-
тин ады—Беш. Бештинг суузы тўндўк-кўнбадыш јаар ағын,
Обътынг суузына кирген. Бу ёзбектин бажы беш айры, танғы-
нанг суулу элбек ёзбектор боло берген. Ол ёзбектордин аттары —
— Кўдоти, Каргысту, Адаткан, Шиберти, Ак-Кем. Олордунг
бириккен јери тўп-тўс ак ѡаланг боло берген. Бу одор-суулу
элбек ёзбектордö алдынаң ла бери тодош, кыпчак, тонжкаан,
ирkit, сойонг сўёктў улус јуртаган. Олор совет јаң боло бе-

рерде, өзөктөрдинг белтириндеги акка јуулыжып, колхоз, јурт төзөгилеген. Ол јуртын ады Бешпелтир, колхозтын ады «Кызыл Алтай» болгон. Оног Эликманар аймакты Шабалин аймакта Бешпелтир деп эки јурт боло берерде, Бештинг Бешпелтирин—Беш-Өзөк эдип б скортө адагандар. Эмди Бештинг беш өзөгининг белтиринде Беш-Өзөк деп јаны јурт туре. Мен јаны деп тегин айтпай јадым. Бештинг беш өзөгинде чачыңы јаткан бистинг улустын бала-барказы јаныдаң чечектеп турғанды өзүп-көптөп, калганчы јылдарда торт-беш кып туралу, јаны әлбек ле жараш туралар тудуп, әлкем-телкем јуртап јадылар.

Бу әлбек ле телкем өзөктөрдинг ар-бүткени мындағы јуртаган улустын қылык-јанына, јадын-јүрүмнене јакшынак камаанын јетирген. Олор омок қылык-јангу, кожон-ойын сүүр, јайым јүрүм-јадын сүүр улус болуп калган. Беш-ичинин улусынын јан-қылыгынын база бир ағылузы — олордын жалакайы, күндүзеги. Бештинг улусы, той болгон, куда түшкен, айылчы түшкен айылга качан да куру барбас. Кыйалта јоктонг тудунчакту барап. Бир де булкунчак болзо аракылу, курут-быштакту барғылаар. Оскб јерден келген кижины кыйалта јогынағ айылдарына қычырып, күндүлеп тургулаар. «Солун кижи јаман айдып барды» — дежер. Улусты күндүлеп, көдүрип тургулайтанаң кожонго киргени ол ине: «Беш-ичине баргажын, беш конокко байрам јер. Ада-Бешке баргажын, алты күнге байрам јер».

Беш-ичинин улусынын база бир ағылузы — олор чечен тилдү, уткачы ла кожончы улус. Олор кожондор билбес, куучындан билбес улусты «эттү јарын омырып болбос, эки сөссти колбоп болбос» деп шоодып та тургулаар. Мен Беш-ичинин бир кезек кожондорын бичип тура, олордын кезигинин учурын мынағ ары јартап ийер күүним бар. Кожондордо Қарғысту деп јер учурап јат. Қарғысту — ол әлбек өзөк. Ол сүрекей аңдық јер. Мында кандай ла аң бар. Элик, сығын, айу, бөрү, түлкү, шүлүзин, тийнг, камду, ирбис те учурап турар. Озодон бери мында Тоотойдын қыпчактарынын аңдан туратан јери болгодай. Олордын кезиги мында јуртап та туратан ошкош. Мында Тоотойдын қыпчактарынын оббокөлөринин бирүзи — Көбрөктинг адыла адалган кобы да бар. Урсуудаң чыккан Тоотой деп өзөк лў Бештенг чыккан Қарғысту деп өзөктөрдинг баштары биригип калган. Бу аңдық, кышкыда кандай ла аңынын изи учурап турар истү јерди улус темдектеп, «Кары истү, кар истү, карлу јадар, карлу кышту»—«Кар кышту» деп адагылап, байла, мынан ары Қарғысту болуп адалганы ол.

Беш-ичинин кожондорында Адаткан деп сөс учурап турат. Адаткан — Бештенг чыккан әлбек өзөк. Мынан озо бу өзөктө јуртаган кижи өзөктинг бажына чыгара ѡортуп баргажын, удура сары ат минген кижи сайгалатканча сүрекей

түрген јортуп келген. Олор јолыгызып куучындажа берген. Күн удура-түш боло берген. Сары атту кижи айткан: «Мен бүгүн Оймонноң чыктым, бүгүн ле Ман-Жүрек деп јерге једер керек»—деп айдала, мендештү өдө јорткон. «Акыр, бу бүгүн Оймонноң чыктым deerde, канды түрген келген? Мының ады малдан башка мал болбой» деп кайкап, Бешичининг кижици кайа көрүп, сары аттың јорыгын соныркап шингдей берген. Көрөрдө, сары ат јерге тийбей, ўстиле кайкалап баратканый билдириген. Лантап көрзө, сары аттың эки колтыгының алдында канаттар элбендей баратканы көрүнген. Байагы кижи аттың канадын көрүп ле ийерде, сары ат оны адып ийгендий, јыгылып, блө берген. Мынаң улам Ябаган-Бажындагы боочының ўстиндеги ак тепсендиги «Сары ат», «Сары-Арт» деп адаачы болгондор. А бу элбек өзөкти Ат атырткан учун Адаткан деп адагандар. Мынайып, Бешке кирген база бир элбек өзөктиг ады Адаткан болгоны ол.

Кезик кожонгдордо «көрүшкен», «айдышкан» деп сөстөр учурдай. Ол сөстөрдин учуры мындый: тойлордо, ойындарда уул кыска туштаган, оныла танышкан, ўурелешкен. Је олор биригип айылду-јуртту болбогон. Олор бой-бойлорына туштажарга күзеп, сакып, ол күүн-табын шак андый кожонгдордо айдып тургандары ол.

«Акча көзи толбулу», «көзөр көзи толбулу көк бором кандый ат эди», «көргөн көзи каткылу көрүшкен кандый кижи эди». Мында «толбулу» деп сости јартабас арга јок. Кезик јылкы малдың көзининг алдында чийү бар. Ол чийү терен, билдирилү болгондо, аттың көзи јаан, јарашиб болуп көрүнер. Шак ондый чийүлү көстү атты көзи толбулу, көзи јарашиб деп айдатан.

Кезик алтай кожонгдор ўйеден-ўйеге улалат, чактар өткөн. Албатыда озогыда ёштүлерге јууладып, олжолодып турган кыйын-шыралу өйдөг арткан да кожонгдор бар.

Жалбак шалду өдүкти
Жаба тарткан Эн-Учук
Жаман чактың өйинде
Тыныс калган Эне-Алтай.
Бурамайлу өдүкти
Бузга тарткан Эн-Учук.
Бускаланду чак тушта
Тыныс алган Алтайыс.

Бу кожонгды кыпчак сөйктү Жабыштаев Калан деп кижи (байады Каакаш) сүрекей чичке, коо ўнле кожонгдор, јашкайактыган көзин арча согуп отурганын бис канча ла катап көргөнис. Чактар өткүре изин-јолын таап, бистинг өйгө једип келген алтай кожонгдорды бис өскө өдө темдектерден көрүп алар аргабыс бар.

Алтай кожонг јангыс ла өйлөр өткүре, ўйеден-ўйеге улалып келип турган эмес, је анайда ок аймактанг аймакка, јурт-

таң жүртка, өзөктөң өзөккө көчүп турганы база бар. Ада-Төрөл учун Улу жууның јылдарында Қан-Оозы аймакта Экинурдың саар уйлары Беш-ичине турган. Мында уйлар кабырып Брысов Баапай деп кижи иштеген. Ол кижи јакши ат минерин, седеркеп ийерин сүрекей сүүйтен. Бешпелтирде Баапай јогынан той, ойын болбайтон (Брысов Баапай эмди јажы једип карыйла, божоп калган) ол кижи тойдың ойынында:

Быргастуның учугын
Быргай желген эржинем.
Бу мынайып жүрерде,
Буурым алган көбркийим —

деп табышкак айдып кожонгдогон. Кожон улуска јараган. Мынайып, Қан-ичинин кожоны Беш-ичине келгени ол. «Быргай желген» дегени, учукты эбира бура согуп, сүрекей түрген јелип ийгени. А Ортолык деп јер Беш-ичинде база бар. Бештиң улузы кожонгның эжерин чўмдеп алғылаган:

Ортолыктың учугын
Орой желген эржинем.
Озогыда јаш тушта
Санаам салган көбркийим.

Жаламанның агажын
Жара тарткан ат кандый.
Жаңыс көрбөйн көбркийди
Жаба тарткан бис кандый.

Үлегемнин агажын
Үзе тарткан ат кандый.
Үч көрбөйн көбркийди
Үүре тарткан бис кандый.

Көрзбөр дő, Ондой аймактың жүрттарының бу кожондорын Беш-ичинде де, Қан-Јабаган да ичинде кожондор жадылар. Бу чечен тилдү кожондор јолын таап, кайда ла төрөл кожондор болуп калган.

Бештиң кезик кожондорында «салкын соккон сары чўл», «куйун соккон куба чўл», «санғыскан учуп јетпеген сары чўл», «кускун учуп јетпеген куба чўл» дегени учурал турат. Мындың сөстөр кожондорго албатының оос творчествозы ажыра, чёрчўктөр ажыра келген деп јартаар кўёним бар. Албатының кўп чёрчўктөринде чўлдёр керегинде бу сөстөр учурал ла турат.

Кудага, кудагайга учурлاغан кожондордо «аң эликтин мойногын армакчы эткен адазы» деп сөстөр бар. Алдында армакчы-буу јок болгондо, анчы улус куран эликтин мойногын терезинин түгин бычакла кырып ийеле, ол терени (мойнокты) узада тилип, топсыда кургадала, талкуга јымжада талкыйла, ыштап койор. Мынайып этсен армакчы бек те, јымжак та, јутка бтсб катпас та болор. Шак бу иш «аң-элик-

тиң мойногын армакчы эткен адазы» деп кожонгө киргени ол туру.

«Шоодылгандар ла кекеништер» деп бажалыктың алдын-дагы кожондордо «токым алды токпок кер», «кејим алды алды кекпек кер» деп сөстөр учурайт. Мында улус аттың јаманын көргүзет. Мында оборы кичинек кејимнинг ле алдында кичинек кажан кер атты айдадылар. Ол ат туйлаардан болгой, бойы да арайдан күкпенгдеде јелип отурап. «Токым алды токпок кер» — камчы јогынаң баспас јожон, оборы кичинек, кер ат. Табышкактың экинчи бөлүгинде улус јаман, јут, јозок болор аргазы јок јүрүмдү улусты шоодып јадылар. «Кепке кирбес таңмалар, кемди шоодып айдар ол?» Ондый уйан (жалку, шалырт, аракычы, төгүнчи, уурчы) кылыкту улус боскө кижиши шоодып айдар аргазы јок. Олордың јаман кылык-јанғы боскө кижиши шоодып ийерге буудак эдип жат.

Бу ла бөлүкте «Үзүндешкен таңмалар ўйделикке эш болбос», «Копшындашкан таңмалар конолыкка эш болбос» — мында шоодылганның ачу-корон сөстөри јегил јүрүмдү, кейкебизин кылык-јанду кыстарга ла келиндерге ууланат. Шак ондый јегил јүрүмдү кейкебизин кижи јурт тудар, балдар табар, чыдадар аргазы јок. Оның учун олор кыска да ёйгө, бир де конокко, бир де ўйдеге «конолыкка», «ўйделикке» эшнөкөр болор аргазы јок.

Улустың јан-кылыгында кандый ла једикпестер, тутактар бар. Шоодылганның ачу-коронду чактырмазы шак ол једикпестерге ууланган. Кезик уулста ёйинен өткүре күнүркек кылык бар. «Бодоп күнүркеген таңманы, акыр болзын, берерим (көрөрим)». А кезик улус јаантайын боскө кижиге атааркап, күйүнип јүрер. Олорго удура кожонгың экинчи бөлүги ууланган: «Адаркаган таңманы (га), акыр болзын, берерим (айдарамы)».

Беш-ичинде шоодып эмезе кекенип айткан кожондор көп. Бирде шоодылганның коронына чыдабай, кезик улус ачынышып, бөркөжип те жат. Оның учун ачу-корон сөстөрлү шоодылгандарды айдардан озо кажы ла сөсти шингдеп, кемжип алар керек.

Беш-ичининг кожондоры көп лө јүзүн-башка. Мен олордың кезигин ле айттым. Је бу да табышкактар менинг јерлештеримнинг јаан јүрегин, јалакай јан-кылыгын, чечен тилин, бийик јайлазын элбек јонго көргүсти ошкож.

Алтай кожон—албатыда. Ол јүрүмле тудуш. Јүрүм бар — кожон бар. Јүрүмнинг учы јок. Кожонгың да түби јок. Алтай кожон калганчы бойлөрдө јаныдан катап ииде алынат. Тойлордың ойынында алтай кожон јынгырайт. Улус колтыктажып, араайынаң јайканышып, коолодо кожондожот. Чактар өткөн алтай ырызыс — сүүнчибис.

Алтай кожон керегинде айткамда, бичинчи Бронтой Бедюровтың куучыны санаама кирет. Ол мынайда эске алынган:

«Бис! Мұсквада ўренип турарыста, бир катап Іер-Алтайыс санаабыска кирерде, бис, алтай уулдар, ўн бириктирип, алтай-лап кожондогоныс. Коштой отурған татар нәкөрис бистинг кожонгысты тыңдал-тыңдал угла, күнүреде ыйлай берген. Онон ол биске атаарқап мынайда айткан: «Слер кандай ырысту улус! Слерде бойоордың укту-тостү, јебрен сырқынду кожондор бар эмтири!»

Беш-ичинде жаңыдағ жүрүм жаранат, жаңы кожондор чүмделет!

Э. ЯИМОВ

ТОМ СУУДАН ҚЕЛГЕНИС

Мен бойымның угы-төзим керегинде қыскарта бичип ийер деп санандым. Ненинг учун дезе, ол, айса болзо, кажы бир тушта история шингдеечилерге керектү болор.

Алтайыстың кеен ле жарап յерлерининг бирүзинде — Беш-ичинде Ойношев деп оббокёлү улус жұртагылайт. Олор бойлорының сөбігин кара тодош, кезикте дезе казак тодош деп адангылайт.

Жилбиркедетен неме — ненинг учун олор бойлорын казак тодош деп адангани. Мынызы — сбоктөр бойлорының ичинде ненинг учун база канча-канча бөлүкке бөлинген деп сұракка каруу беретен шүўлтөлөрдин бирүзи болгодай.

Бистинг ук мынайда барып жат: менинг адамның ады Петек, таадам Эчиш, таадамның адазы Ойнош, Ойноштың адазы Каштай, Каштайдың адазы Жастакоп, Жастакоптыыы — Калжанай, Калжанайдыйы — Ыргай. Озодо оббокёлбірим Том сууның жаңында жұртагылаган. Онон оғо орус улус келип, көптөгөнинен улам, бежинчи адабыс Жастакоп олордон ырап, бери, төрөгөндөри жаар — Экинур, Жабаган, Қан-ичинде жұртагылаган Канның кара тодошторы жаар көчкүлеп келген.

Кара тодош сбоктү Ыргай деп атту оббокём, алдында Төрбөт, Монгол жаар садыжып жүреле, ондо айга-күнге, тайгаташка тайарға белетеп койгон бир ап-апагаш чырайлу сүрекей жарап қысты уурдал экелеле, бойына эш эдип алган. Онон ол баладаң улам, бистинг ук әбеш көптөп келеле, казак тодош деп аңыланганы ол. Бу қыс казак укту ба, айса монгол укту ба—база чокым жарт эмес. Эмди бу ук тың ла жаан эмес. Көп улус граждан жууның дайлоринде божогон ло қырылған. Іе, ол керегинде б скоб куучын. Олордон арткан эки карындаштан — Эчиш ле Очош деп улустан тарқаган улус эмдиги Ойношевтер.

В. ОЙНОШЕВ

Казак — орус эмезе казактарда службада болғон тодоштор.

КОЖОН

(Куучын)

Айас, је куу төнгөрилүү, ару, соок орой күсси күп турды. Төрт-беш күн мынанг озо түшкен кар жаланг јерлерде чокырайта кайылып калган жатты. Эбира турган кырлардын аркалары корон-сары бүрлөрүн салкынга кактадып, каара берген турдилар. Ондый да болзо, деремненин тууразы jaар чойилип барган кобыда сап-сары тыттар, ак-чабыдар кайындар көрүнет. Jaан кырдын эдегинде обоолор эрикчелдү каарат, олордынг бери алдында, кыранынг ордында, салам обоолор-донг кем де арбанып, уйлар сүрүп турды...

Деремнен эмди жаңыс кыш келерин сакып, чангыр ыштарын араай ѡрё чоройлодып, тымый берген жатты. Бу серүүн күнде жағыс клубтын жаңында улус көп болды: кышкы-кыйгы, каткы, кокыр. Улус отураг эдип брезентле ўстин бүркеп койгон машина га калактажып, чечеркежип, кыстар, уулдар чыкылап турдилар.

— Чураналарынг, балалайкаларынг ундыгылап койдынг, көргүлө! — деп, совхозтын парткомынын качызы, узун сынду кара чырайлу кижи, жакып турды.

— Менинг кичинек чамаданым кайда? Бастыра кийимдерим ондо, ол жылайза... не де болбозым! — деп, машинадан кандый да кыс кыйгырды. — Бу бир күрүм жажырып салган туру не! Көрмөстин мында не кереги бар?.. Кажы берет!

Уулдар кокырлажып, каткырыжат.

— Же ары капшай атангыла дийдим! Бу деремнеден чыкылап та турганча күн ажатан эмтири! — деп, парткомынын качызы база ла такып кыйгырат.

— Jo-o, калак, Ак-Белтирге једип те турганча кишининг колы-бууды сынып калар болбой — деп, кем де калактайт.

Учында машина араайынан жайканып, күсси јолдынг чылчырык балкаждын чачылтып, ичкери менгдеди. Јолдынг эки жаңыла чоокыр карлу соок жаландар элестеле берди.

Бу Ак-Белтир деп бээктө колхозко ойын көргүзип бараткан уулдар, кыстар болгон. Былтыр Ак-Белтирдин јииттери бу јерге келип, сүреен солун, эпту ойындар көргүскен.

— Эзенде бис слерге једерис! — деп, ол тушта парткомынын качызы мактанаң ийген. Эмди күс келип, совхозтын ишчилери ончо иштерден бир эмеш тоқынап, жайымжый берерде, бу сурак совхозтын текши јуунында шүүжилген. Онын кийинде бир канча уулдар, кыстар комсомол организациянын качызы Учур деп кыска баштадып, јарым айдын туркунына белетенген. Эмди 7-чи ноябрьдынг байрамына торт күн јеткеlecte, олор Ак-Белтирди көстөп атанды.

— Уйатка ла түшпейтен болзоос — деп, Учур калактап баратты. — Олор эмди бисти өнөтийин сакыгылап јат. Бистен артык эмеш пе деп санангылап турган болбайсын.

— Сен, Жалатай, откүре узак бијелебе, уул. Ойи-кемин база билер керек не... Такылладар ла такылладар... Торт кижининг кыјыгы курыыр — деп, Таня арбанып ииди.

— Сен меге база көп кејириң кырланғап, ўнинг тыркырадып, кожонгдобо! — деп, онызы айдынды.

— Же, же, бolor! Художественный самодеятельность дийт мыны база — деп, Учур токынадып ииди.

Машина эмди түс јалаңла бир ай күүлеп, јымжак барып јатты. Ончозы нени де тыңдал баратканый тымык болды. Ағын сууның ол жаңында саста бу јердин улузының эткен оболоры көрүнет. Жайыда јикти төмбөн чапкан ѡлдордыш жаңандары жажарат. Эки ле ай мынан озо ол төңдөрдө лө элбек саста эзинге кийимдери элбиреп, кожондожып, улус иштеп јүрген. Эбира чечектер, узун жажыл блонгдор турган, тууразында ашта бөднөлөр быйтылдажатан. Жайдың одүп сала бергенин көрөргө кунукчылду болды. Эмди күс, удабас ла апапагаш кыш келер. Салкындар... сооктор... шуургандар... Ойто жайга, жайканып туратан жажыл блонгдоргө жетире, каный узак...

Машина ойдык јерлерге секирип, калырап, ойто ло коо күүлеп, ичкери мендейт. «Ары ла капшай Ак-Белтирге једетен болзо... — деп, Учур сананат. — Ох, ондо барзаас, не болгой не?..»

Уулдар куучындажат, шымыраныжат, неге де эптешпей тургандый болдылар.

— Не болгон? — деп, Учур сурады.

— Бу бир уулдың ўни тунуп калган. Эмди кожончы јок! — деп, кем де айда салды.

— Чын ба, кайткан?

— Та, билбей турум — деп, кожончы Мерген шыйкынын айдынды. — Байа эртен тура эмеш бакурылым ачып турган, керекке де албагам...

— А, ўнинг ойто јарый берер — деп, Мергенди нөкөри тоқынадат.

— Ол ту-ку, төмбөн сууның жаңына машинаңды токтодып ий! — деп, Учур кабинаны тоқылдадып, шоферго кыйгырды.

Анча-мынча болгон кийнинде машина күрди кечеле, сууның ол жаңына токтой берди. Ончолоры машинадан калактажып, каткырыжып түштилер. Телчиң баскылайт, колы-будын чойгиллейт. Мергенди көрүп, соныркаждат:

— Түниле аракыдаган болорын ба?

— Нени ичкен, уул?

— Тф-үк! Мындың ўнле сен курсак та сурап ичил болбозын.

— Чек Жалмай-эштинг эчкизи чилеп маарап турган да...

— Бу, ден, оозыңды суула-эшле јайзанг — деп, Учур эп-ар-
газын таппайт.

— Суула јайарга ондо тоозын толуп калган эмес — деп,
Мерген шымыранды.

— Оозыңды ачсанг, уул? — деп, кем де соныркады.

— Ондо не кирип калган болор деп? Онон нени көрбийн
деп?

— Эмилдей, сенинг байа салып алган чий јымырткаларын
кайда? Бир-эки болчогын бери экелзенг — деп, Учур Мергенди
јединет.

Мерген јымырткаларды ойо соголо, ончолоры албадагы-
лап турарда, экилезин ичи. Эмди ле јаранып, јанглай бе-
ретен чилеп, ончозы Мергенди унчукпай аյктағылайт.

— Ма, ўним там туна берт, уулдар! — деп, кенейте Мер-
ген шыйкынады.

Бир канча бйгө ончозы тымып, база јаныс машинаның
күркүрегенин угуп баратканый отурдылар. Ак-Белтирге там-
ла јууктап келеткендериин Учур коркымчылу сезип, нени эде-
рин билбей турды.

— Бу уулданг неме болбайтон эмтирип — деп, учында ол
јарт айтты.

— Сос чыгара айдып албай турган кижи канайып кожон-
дойт? — деп, ончолоры ѡпсингиледи.

— Танг алдынаң кожондойтон уул кижи керек. Ол јокко
бастыра программа ўрелип јат — деп, Учур санаазының бажы-
на чыкпайт.

База бир канча километр јерди олор унчугышпай ёттилер.

— Сен кожондоорың, Јыман! — деп, Учур кенетийин ја-
нында отурган уулды чочытты.

— Канайып?

— Канайып та болзо. Той болгондо, түниле канайып чой-
илтип-чойилтип кожондойдын?

— Же ол... Алтай кожондор до.

— Оскö кожондор алтай эмес пе?

— Ол... Қлубтың кожондоры не... — деп, Јыман актанды.

— Кандый да болзо, кожондоорың. Белетен! — деп, Учур
ого кату јакару берди.

— Јайгыда блöң чаап јүреле, «Алтын-Кöлди», «Ак кайын-
ды» не аайлу кожондойтон эдинг — деп, Эмилдей айда салды.

— Албадан ла, кожондоп ло ийеринг.

Јыман кожондоорын сүүйтен уул болгон. Кинолорды кой-
рүп, артисттерди сүүп, база олор чылаپ кожондойтон болзом
деп көп сананатан. Онон ло улам ол клубта кандый бир ой-
ындарда јаантайын турожат. Јыман сегис классты божодоло,
бир эмеш оорыйла, онон ары ўредүзин таштап, совхозто эки
јыл иштеген. Оның кийнинде черүге барада, былтыр күскиде
јанып келген. Откён кышта айылду болгон, эмди бир ай бол-
гон балалу.

Жыман өскө јуртка келеле, сценадаң канайда кожондоорын сананып, өкпөбрүп отурды. «Менинг чын ла кожондойтон бйимнинг келгени бу болбой — деп, ол сананат. — Кезик артисттер база ла мынайып кожончылар болгон не, олор база ла мындың учуралдардан баштаган... Эх, канайдар?.. Мен чын ла атту-чуулу кожончы боло берген болзом!.. Албатының кожончызы... Алтай кожондорды не аайлу кожондоп тургайым не! Чындал та, кожондорды кижидең башка база кем кожондоп турган!.. Бисте, деп, жажына, бу канча јылдарга бир де катап жаан кожончы болбогон не! Мен болор эдим...»

Жыман мынайда сананып, учында ненинг учун алтай жаңы кожондор жок деп суракка жетти. Кожондор ас, сүреен ас... Өскө республикаларда бойының кандый ла кожондоры бар... Кезикте кожондойын да дезең табылбас бистен.

— Бу мыны канайып бичигилеп болбой турган? — деп, Жыман санаазын чыгары айдынганын билбей де калды.

— Немени? — деп, Учур кабагын түүди.

— Алтай кожондорды канайып бичигилеп болбой турган деп айдадым. Бир-экиден ле сүрекей де жакшы эмес немелер бичигилеп салар — деп, Жыман айтты. — Эмди поэттер де көптөгөн, музыканттар да бар деп газеттерде бичигилеп, радио мактагылап турар, ононг көрөр болzon, не де жок. Же биске жакшы көп кожондор керек не? Канча јылга сакыйтан, нени сакыйтан?

— Же, бу да бар кожондорды кожондоп ийзенг. Ак-Белтирге барада, кожондоорынды санан — деп, Учур кезетти.

Ак-Белтирге олор энгирде жеттилер.

— Же кандый жеткилеп келдигер? — деп, колхозтың парткомы олорды уткыды. — Же ондо, совхозтың улузында, не солундар бар?..

— Бу слер бир ле болгон байрамның бойында не келбедер, бир уула кожно жыргап ийер эдис? Айса слер байрамга жетирие жүререер бе? — деп, Жыман тышкары амырап турарда, бир карган оббөгөн базып келеле, сурады.

— Жок, бис бүгүн көргүзеле, эртен жанарыс. Байрам тушта бойыстың деремнебиске база көргүзер керек — деп, Жыман жартады.

Колхозтың клубында улус јык ла толтыра болды: отургандары да бар, тургандары да көп... Ойын башталардан озо колхозтың председатели куучын айтты.

— Бистинг эки өзбектинг жииттери кожон-комытла маргыжып жат. Былтыр бистинг уулдар, кыстар олорго барып көргүзип жүрген, быжыл олор келди. Бу сүреен жакшы керек — деп, председатель темдектеди.

Онынг кийининде сости Учур айтты.

Учында концерт башталды.

Элденг озо бир канча кожондорды хор баштады. Олор ончозы тапту кеминде өдө берди. Колчабыжулар да болды:

Эмилдейдин кожондогоны улуска база жарады, «бис!» деп кыйги да бир-эки оос угулды. Жалатайдын бијелегени ле эмеш эптешпей калды. Ол канча катап айланып келип, оито ло тырсылдаа бийелеп, алакандарыла чабынып турат. Учында онын жүк арайдан божай бергенине улус тың кол чабынды.

— Кече мен не деп айттым? — деп, Жалатай једип ле келерде, удура Таня чурап барды. — Улустын чырайын да көрүп турала, кижи токтой бербес пе? Кезик улус көстөрин јумалга отурган, көрбөдиг бе?

— Бир-эки ле тебинеле, кижи канайып токтой беретен уулдар? — деп, Жалатай аайлабады.

Жыман бойынын бйин сакып, типилдеде согулып турган жүргеги торт ло оозынан чыгара чарчай бергедий, базып турды. «Тудунар ла керек, оноң башка неге де жетпезинг» — деп ол бойын токынадат.

— Эмди Кайдаков Иван сүүш керегинде кожонгдол берер уғыгар! — деп, конферансъе ѡарлады.

Жыман сценага чыгып ла келерде, жүргеги торт көксине башшпай барды. «Бек тудун!» деп, ол бойын база ла токынатты.

Элден баштап кожоң кем жок ло баратканый болды. Улус та чек тымый берген. Жыман база ла бир көрзö, бир колы кайдаар да чойилип баратты. Ол оны капшай ла бойына тартты. Эмди оито экинчи колы кайдаар да туура баратты. Ол эки колын кабыштыра бек тудала, кожонгдоор деп сананды. Бир ле билинип келзе, ого чурананын ўни угулбай турганый болды, бойынын да ўни ўзўктелип, чек чыкпай барды. Ого жоткүрер күүни келди. Кандай да табыш угуларда ол көрзö, баштапкы рядта отурган кыстар бой-бойына жөлбенижип алала, тыйтылдада каткырыжат. Жыман чек алаатыды, эки колы чек ле уур боло берди.

— Алтайлап кожонгдол ийейин бе, сурап турган болзо?! — деп, ол кенейте бойында айдынды, чын ла алтайлап чойилтиппиер күүни келди.

Терлеп калган Жыман сценадаң једип келерде, кем де неени де айтпады. Олор бскö номерлер белетеп жүгүргилейт. Учында база ла Таня тудунып болбоды:

— Сүүш керегинде кожонгдобой, ого жүк бозу-торбок керегинде кожондозо кайдар! Бу кайткан кал-тенек улус?!

— Јыдыба, ден, јыга согуп ийерим, бала! — деп, Жыман бскö айдар сөс таппады.

* * *

Совхозтын артисттери Ак-Белтирден таңгары јуукта атана, јерине талтүштиң кийнинде једип келдилер. Жыман айлына кирип ле келеле, «бажым оорып тур» деп орынга жада берди.

— База ла ичиндинг не? — деп, ўйи сурады. Йыман кыгыс та этпени. Ол ончо болгон керектердинг уйадына чыдап болбой жаткан. «Кайткан неме deer, не кожондодым болбогой. Тф-ўк, күрүмди мыны! — деп, бойында арбанат. — Эмди ол јердинг улузы нени санангылайт не? Каткырыжып турган болбой».

...Эртен тура олор уйаттанг качып бараткан чылап, менден атанаала, јериине јеткенче јолой нени де куучындашпаган, јаңыс ла эки-бир ле сөс айдыжып келген. Йыман дезе торт ло машинаданг түже секире бергедий келеткен. Ончолоры бой-бойына көрүп болбой, туура көргүлеп алган отургылаган.

Йыман эмди оны ончозын ойто сананып, торт ло јерге кире бергедий жатты. «Көрмөстинг кожонгын база кожондойт эмежим бе!» — деп ичинде чертенет. Ол база бир эмеш тым јадала, кенейте тынг түкүринеле, андана сокты.

— Бу күрүм канайдат, бала чочыдып! — деп, ўйи коркып арбанды. — Нени тыгып, ичинп ийген бу? Бастыра бойы аракыга күйүп бараткан болор бо?

Туранынг ичине ойто ло јарт эмес тымык тура берди. Арайлада толгоп салган радиодонг кандый да ару, коо кожон угутлат. Кайда да ыраакта кандый да кыс бастыра өзбек-јүргегинек сүрекей эптү, өткүн кожондоп-кожондоп турды.

К. КОЗЛОВ

УИАНОВ УИЛАРДЫ КЫЙНАГАНЫ

Кеен јас тууларда жатты.
Кедери ончозы јажарган.
Је уйкучы Уйанов јасты
Уткырын чек ундыган.

Камык өлөнг б скон
Капталга арай тийбей.
А колхозтын јааны өгбөн:
— Акыр, онон до этпей.

Айылдаштары обоо салган
Айас күндерде ал-камык.
Уйанов одузы јайканып,
Уручканы јаны ла туткан.

Сводка сакып аймак,
Звоноктоожы сүреен.

— Олой кандай? — Калак,
Ойинең озо бүткен.

Күс келет. Күштар
Күүлөп түштүкти көстөйт.
Кенете бир күн кар
Кеен жаландарды бөктөйт.

А колхоз кереги уйан,
Азыралы түрген короды.
Арык-тарыска уйлар
Арадагылайт дворды.

Аргазын таппай Уйанов,
Ач-амырынан астыкты.
Черийнеле уймалып,
Черкийтеп планын карыкты.

Эртөлөп турат. Эжиктен
Эски — «Волгазын» чыгарат.
Айылдаштарын эжиктеп,
Азырал сурап мантадат.

Айылдажы дезе кымакай,
Алдында кышты сананбай.
— Азыралым ас, кудай!
Аспандый болбо! — деп айтпай.

Салаарып чек ле Уйанов
Санаага келди учында.
Улузын түрген јууйла,
Улуркады куучында.

— Молодец, уулдар! Давай,
Малталарды алаар.
Аркага чыгып капшай
Агаш бүрин чабаар.

Телеге-чанакка чоккор,
Телкем дворго јайгар.
Сүт те, эт те болор,
Сүрекей кыштаар уйлар.

Тогы коркыш, улустар,
Толтыра витамин дежет не.
Анда јулук та, ўс те бар,
Анан да боскө та не де.

Чатылдагылайт малталар,
Чакырууш соокто иш кайнайт.
Чагалдар ла аспактар
Чала јулдама калгылайт.

Уйанов андый арга таап,
Уйадынаң айрылган.
— Правильно, так! — деп мактап,
Правлениези јараткан.

Торбоктор мындый курсакка
Тойоло, торт мөөрбөйт.
Зоотехниктери мал-ашка
Соот то эдип, көргүлебейт.

Ончозы ла азырал,
Оок бүрлер ле чырбагал.
Је ёрөлбөйт, удайт
Олүмзе көстү уйлар.

— Эм нени эдер? Қанайдар? —
Эригет Уйанов катап ла.
— Буларды неле тыктырар,
Буудайла ба, калашла...

* * *

Јалаңдарла јас алтайт,
Јайым ла јум бўктерле.
Чабындар койып, јыгылат,
Чалгылар сакып чўкёйлоб.

Гуляш сўйитен бедигер,
Гуляйташты таштагар.
Айылдар сайын кетпегер,
Араланып качпагар.

Қзаңдарда, јангырда
Кайнап турзын блўн иш.
Такып келер кышкыда
Тарбайзын уйларыс.

Ш. ШАТИНОВ кўчурғен

Марина КЕБЕЗЕКОВА

**ЧАДЫР АЙЫЛДЫҢ
ОЧОГЫНДА**

Чадыр айылдың очогында
От араайынаң бчүп калат.
Jaңы чыккан ай брөлөп,
Қарапқыл өзөкти јарыдат.

Jылу салкынга эңчейип мөштөр,
Jаскы түнде араайын шуулаган.
Кырдан түшкен јегил салкынак
Кара чачтарымда ойногон.

Ыраак агаштардан күўктин ўни
Ўн алышып токтобой јангылдайт.
Кök ынаарга бастырган кырлар
Чангыр Алтайды айланып курчайт.

Jас келип јат. Бийик туулардан.
Кök-тамандар аркада кбрўнет.
Jнит јўрегимде бчкён от
Катап ла бнжип кўйет.

КЕЕНДИКТИНГ КЕЕН УЛУЗЫ

ОЙЛОР ЛӨ УЛГЕРЧИЛЕР

Алтай совет ўлгерлик (1917—1987 ж.): Антология. — Алтайдың бичик чыгарузының Туулу Алтайдагы бөлүги, 1987 ж., 448 стр.

Алтай ўлгерди узак шингедис. Чүмдүй айтса, аյыктап, тындалап, кемжип ле «амзап» та. Шингдеген сайын там жараш кеберлүй ле ойгор сөстөрлү боло берет.

Алтайдың бичик басмазының Туулу Алтайдагы бөлүги 1987 жылда кепке баскан «Алтай совет ўлгерлик» деп антологиянаң бежен кирези автордың ўлгерлерин кычырала, олор жайалгазыла, билериле эмес, бй лө жүрүм аайынча аңыланат деген түп-шүүлтеге келдим. Ойдин некелтези ле жүрүмнин айалгазы олордың бойлорын да, ўлгерлерин де мынайда жайаган деп айдар күүним бар. Ненин учун?

I. 1920—1940 жылдардагы баштапкы ўлгерчилер бичиирге албаданган эмес, бй лө жүрүм олорды албанла бичиткендий. Олордың кажызы ла бойының ёйинде амадузы ла тартыжузы керегинде бичиген. Олордың бйи жаан амадуның ла калапту тартыжуның бйи болгон. Олор — М. Эдоков, А. Тозыяков, А. Модоров, И. Таңтыев алтайларды ай-карангудаң айрып, ак-ярыкка чыгарына учурлап, тандакталып таң атканы, та-мырланып күн чыкканы керегинде бичиген. «Айтканысты угугар, ак бичики алыгар!» деп кычыргандар.

П. Чагат-Строев, А. Чоков, Ж. Бедюров, А. Эдоков кара јылларының уйазы болгон Кара-Корумды ла калыктың канын ток-кён Колчактың калдыктарын каргап-шилтеп бичиген. Улу Лениндин тегин баатыр эмес, ойгор баатыр эдил көргүскен.

Олордың жүрүми де, ўлгерлери де тартыжу болгон. Ол бй до мындый ўлгерди олор көп бичиген:

Жокту-жойу бириксе,
Жонго туза жетирер.
Батрак ла жокту бириксе,
Байлар ла бийлер базылар!

Ада-энезин колчакчылар ёлтүрип койордо, б скүстер көп арткан. Баштапкы коммунисттер ле комсомолдор жүрттарда жоктулардың комитетдин төзөп, ол б скүстерди корулаган. Баш-

тапкы ўлгерчилер ого учурлап ўлгерлер чўмдеген. Олордын бирўзинде мынайда айдылат:

Ак-айаста шунган күштын
Канаттарын кей сыймаар.
Адазы јок ёскости
Алақанла бис сыймаарыс.

Эжинип јўрген каастардын
Эки канадын кёл сыймаар.
Энези јок кўбркийди
Эркеледип бис сыймаарыс.

Мындый ўлгерди эмди кычырарга ёнгил. Шыралаган боскўстер эмди јок. Ол ёйлёрдö мынайда бичиирге де кўч болгон эмей.

Ол тартыжунынг ёйиндеги ўлгерчилердин кезиги ёштодип, актуга јабарладып ла буруладып, айдууныг ёринде божогон Ада-Тўрёлдик Улу јууда кызыл тынын бергендери бар. Оорып шыралаганча, тартыжала да божогондоры бар.

Жакыла олордын энг огожы Р. Сүрўлова бойынынг кўчи ле билери аайынча тартышкан. Кыстардын јўрўмин корулап ол: «Ой адалар-энелер, озогызынынг калдығы! Каан јанғы тужында калынг ќиген бедигер, Совет јанғы тужында садып ѡнирим дебегер!» — деп бичиген.

Мактулу ла кўндўлў јўрерден болгой, кыйа кёрдўрип ле истедип те јўргендери бар болгон. Кайралдан ла сыйдан болгой, кезиги гонорар да албаган. Бичиирге мууканбаган, ё бичибеске болбос — ёй ло јўрўмнинг некелтезин бўдўрип бичигендер.

II. 1950—1970 јылдар алтай ўлгерликтин ағылу ёйи болгон. Бу ёйдö орто ло бийик ўредўлў, литература ла чўмделги јанынаң билгирлў, кату тартыжунынг некелтезинег ўлгерчилер бойлоры тынг кўўнзеп бичигендер.

Шак бу ёйдö баштап бичиген јайлталу ла јарлу ўлгерчилер бисте кўп. Олорды тоолоп бичиирге де кўч. Ё олордын ортозынаң Л. В. Кокышев керегинде ағылу-башка бичибеске болбос. Ол бойынын «Туба» деп туузызында, 1920 јылдардағы ўлгерчилер чилеп, јаан учурлу керекти јанғыс кижининг јўрўми ажыра сўреен чике бичиген. Аба-јыштын алтайлары кандый кылык-јаңду болгонын көргўсекен. Кату тартыжулу ёйдö ол кылык-јаң улустынг јўрўминде кандый учурлу болгопын чечен, сўрлў сўстёрлў јурап көргўсекен.

Л. Кокышевтинг он алты јаштуда чўмдеген ўлгерлерин 1949 јылда кычырала, сўймилў кайкаган эдибис. Ол ёйдёнг ала онын ўлгерлерин јаантайын соныркап кычырадыс. Энг јакшызын темдектеерге «Бичиктў кайа», «Алтай уулдарга», «Азыйдан арткан кылығыс», «Кўски чечек» деп ўлгерлерин талдап аларга келишти. Ё онон ары кычырып көрзом, ончолоры јакшы болордо, талдаарга да келишпеди.

Же бу ёйд албаданып, адааркаждып ла ёткөнижип бичиген ўлгерчилер көптөгөн. Олор бай ло јүрүмнин некелтезин, бойлорыныг тузалу ла каруулу болорын керекке бодобой бичигендер. Јонның керектерине, улустың јүрүмине ўлгердин учурин ла кычыраачылардың жилбүзин ајаруга албай, анаар-мынаар бичип тургандар кычыраачылардың алтай ўлгерге күүнин соодып ийгени коронду. Јаны ўйеде жайлталу уулдар ла кыстар бар. Же олор көп ўлгер бичибей турганыныг төс шылтагы база да бу керектен улам.

1970—1980 јылдарда алтай литературага јаны жиит ўлгерчилер келди. Олордың тоозында Бронтсій Бедюров, Борис Самыков, Іыман Белеков ло ѡскөлбөри де. Јаны ёйдинек некелтезин билип, оны бүдүрерге јүткүп турганы олордың ўлгерлеринен көрүнет.

Темдектезе, Б. Бедюровтың ўлгерлери ёйлөрдин ўни болуп, ёткөн ёйдин кереестери, јаны ёйдин сүүмјизи, келер ёйгө ижемжи болуп угулат. «Јер-суубыстың...» ла «Алтын күүктин јангары» деген ўлгерлер ар-бүткенди ле алтайлардың јүрүмин күүлү кожон эдип ииет. Алтайлардың јүрүми Күл-Тегиннин күндерине ала бистин күндерге жетире оның ўлгерлеринде канайда да эптү айда берет.

Наукалық ишчи эмес те болзо, Б. Бедюров чын ла ученый-историк, этнограф ла лингвист, филолог. Бистин каргандардың ундып койгон сөстөрин ол кайдан да таап алат. Алтай тил керегинде оныла сөс blaажарга күч. Дж. Лондонның «Ак-Азұзынаң» да артық «Көк бөрүнинг» кожондорын ўч катап кычырала, мынайда ўлгерләп айдар күүним келди:

Көк бөрүнинг јангарын
Көп катап кычырдым.
Көмөкөй деп айтканын
Кемнен укканын кайкадым.

Б. Бедюровтың он алты жаштуда бичиген ўлгерлерин 1964 јылда кычыргам. Онон бери улай ла кычырадым. Же кычырапте жеңил эмес — шүүлтези бойыный.

Б. Самыков кемди де ёткөнбөй, бойының көргөнин билгенинче бичийт. Қичинек те немени жаан учурлу эдип ииет. Ос-күс уулак эмезе жаан жамылу болорго ло бийик кайага чыгарга албаданган улус керегинде түнгей ле солум эдип бичийт. Бойының кылых-янгын ўлгеринде ак-чегинче көргүзет. Оның шүүлтези агару ла чындык билдирет.

Ж. Белеков «Слердинг жерде», «Бийик бол!», «Жолдордың будугы» деген ле ѡскө дö ўлгерлеринде јаны бай, бирлик телекейде колбулар керегинде жаңарлайт.

К. Кошев, С. Сартакова, Б. Бурмалов жарашиб ўлгерлер бичиди. Тен олордың ўлгерлерин сүүнип кычырдым. Ондай уулдар ла кыстар жорт жерлерде көп.

Же бу 1970—1980 јылдарда баштап бичиген ўлгерчилер-

дин кезиги школдо алтайлап ўренбекен, ўреизе де алтайлап билбес ўредүчилер ўреткен. Олорго алтай тил јетпей жат. Олор ўлгерлерди орус ўлгердин кебериле, оның ээжизиле бичиирге амадайт. Тил жаңынан олорго жаан болуш керек! Же кем болужар?

Бүгүнги жиит ўлгерчилер 1920—1940 жылдардагы ўлгерчилерге түнгей. Ойдин некелтезин ле јүрүмнің айалгазын билип, сұрактарын таап ла талдап алала, ак-чегинче ле жалтанбай бичиидилер.

Азығы ўлгерчилер бир аай тартыжаачылар болгонын ўлгерлери керелейт. Аргымай Эдоков сүреен чечен бичиген:

Беш адатан мылтығыс
Бежен мундан көп эмей.
Алты карыш ўлдубис
Алмас ошкож курс жемей.

Жаңа Бедюров кезе чаап турғандың бичиген:

Кара салту ўлдүни
Карагол бажына кайрырым.
Үзүи салту ўлдүни
Үрсул суузына жаңырым.

И. Тантыеев бичиген:

Jaан-jaштыг јыргалы
Jараш бичик ичинде...
Коlхоз јурттыг јүрүмнік
Jaрандырган бичигис.
Коштой б скон балдарды
Уредетен бичигис.

Алтайлардың жадын-жүрүми жаңырган ла жаранганды. Оныла коштой саң башка, качан да сананбаган ла сакыбаган кубулталар боло берди. Бүгүнги жиит ўлгерчилер ол керегинде билип, оны ондоорына ла жартаарына учурлап бичиидилер.

Ойибисте, алтайлардың јүрүминде не ле болгон. Оны чын көргүзери жаңыс та историктердин, јонның каруулу ишчилирининг эмес, ол бистинг ончобыстың, ўлгерчилердин агару көрегис.

Ойди ўлгер эмес, ўлгерди бай жайап жат.
Улгерчи ойди эмес, ўлгерчини бай сулап жат.

Иженер ЧАПЫЕВ

АТТАРЫС ЖАҢЫС ЧАҚЫДА

Акыр, акыр...

Мен бу кожонды качан уккан эдим? Менинг эди-каныматку ла качаннан бері шингеп калган сбстор бу эмес пе?..

Аттарыс јаңыс чакыда
Желер керек, ўурелер.
Алтайыс јаңыс тужунда
Ойноор керек, ўурелер.

Јееренис јаңыс чакыда,
Желер керек, ўурелер.
Јерис јаңыс тужында
Ойноор керек, ўурелер.

Туку качан туру не, туку качан. Бу сөстөр эмес, а кожонг-
Јыңырап-јыңырап туратан кожон болгон эмтири. Јаңы чап-
кан блөнгүнгү талчык јыды кижиини тумалай согуп турар ыра-
актардагы кобы-јиктерге шак ла бу кожонды кожондол, баш-
тарыла кейтиге ойноп бараткан аттарыстың тискиндерин бир
божодып, бир тартып, ишке барадатан эдис.

Ак жаланы јок болзо,
Адыс неге јелетен?
Ат чакызы јок болзо,
Адыс неге түжетен?

Оноң кере түжине иштейле, чала бозом энгир јапшыра ка-
тап ла кожонбыла јанатан эдибис.

Чичке кайыш камчыла
Чичке сокпоон эрјинем.
Чичке тантга турала,
Чакы зребеен эрјинем.

Чек ле јуртка бу ла једип келгенче, кожондорыс айлан-
дыра јер-алтайла кожно сыйлап-сылап туратан. Јурттың
карган-тижеңдери чадырларынаң чыккылап келип, көстөрин
алакандарыла таңдактай тудуп, суражатан:

— Бу кажы јердинг айылчылары болотон?
— Бистинг ле јердинг эмес болгодый... — деп, бирүзи ўш-
күре салар.

— Э-ээ, чалто-о! Бистинг јerde кем мынай кожондойтон
эди, бىккө јердинг эмей мындый кожонг — деп, экинчиши тук-
турылып, ўни ўзўлер.

Чек учы-учында бу ла јаныла кожонбыла откүлеп јаткан
јииттерди бököйгилеп алыш, јаңыла ла таныгылап, јалмашта-
рына эки алакандарыла чабынгылап:

— Таай, бу бистинг блөнгө барган балдар турбай! Тен ја-
нгарларының откүндерин, јалу-јиит қöörкүйлердин ўндерин!
Таң да макалду балдар бо-ол!.. Эмдиги öй јыргал не, јыргал...
Таң эдин ји...

Эмезе јараш јайдың ичинде кандый бир той-кööröm болзо,
катап ла минген аттарын мактап па эмезе уулдар ла кыстар
удура-тедире маргаан кептү јыңырадатан эди:

Јееренис желер болгожын,
Бис јелиште не болзын.

Бу кичинек ле јуруктанг Кепеш деген кижиини слер јап-
јарт көрүп ийдигер. Чек ле тирү немедий. Шак мынайда јаңыс
ла јаан јайлталу кижи бичиир аргалу. А теп-тегин ки-
жи мыны сананып таап та болбос, көзине де мынайда тирү
болуп көрүнбес. А теп тегин кургак сөстөрлө: ол малчы, ан-
чы кижи деп јанду ла айдып койор эди. Бери јанындагы кы-
чыраачыга ол ондый тооломолор нени де айтпас та, көргүс-
пес те, тын јок немедий билдирир.

А айландыра јер-алтайды канайда јурап билери керегинде
база темдектеер керек. Ненинг учун дезе, бистинг алтай герой-
лорыс јаантайын ла ар-бүткенле, агаш-ташла јуук колбуда.
Онынг јаражы, сүрлүзи ажыра кижиининг кылык-јанын, ич тे-
лекейин ачарга коркышту јаан болуш. Же бот, Јыбаш Каин-
чиннинг бир јуругын алып көрбли: «А түн чын ла саң башка!
Ийип ийген эмчектенг чилеп, ак чейдем јаркын толун айданг
анаар ла урулып, элбек өзөккө бадышпай, ажынып турат. Јыл-
дыстар јаан-јаан, ак-сур кылгаларлу, тиркиреде күйгилеп јат.
Тынг кыйги болгожын, олор ўзүлгилеп, аккылап түшкедий.
Туулар чанғыр-түдүн куулгазынга көмүлгилеп, чөрчөк јерин-
дегизине једижип калган...»

«Ак чейдем ағын... элбек өзөккө бадышпай, ажынып ту-
рат...» Шак бу ла тоолу сөстөрлө автор айдынг түндү биске
јууктадып экелет. Мыны шымыранып кычырып отурганда,
чындал та, кижиининг көзине ол айдынг түндеги сүт-ак өзөк
көрүнип, санаа-күүнин јайымжыда јарыдат.

Шак мынайда айдарына оны јаңыс ла Алтайы ла албаты-
јоны јайаган эмес, а беш јыл Москвадагы ўредү база көп-көп
камаанын жетирген. Бис Јыбашла кожно бир јыл ўредүге атан-
ганыс, оноң беш јылды кожно ўренип чыктыбыс. Беш јылдынг
туркунына јаңыс сумал талкан јибegen эмейис. Ал-сагыжыс
айылда артып калган бала-баркабыста да болзо, же канайдар:
эрдинг эреени эки эмей деп, бисти бу институтка ийген бичин-
чи нөкөр-наыларыстынг айткан сөзине турарга ла алдыска
келген бу јаан ла каруулу керекке быжу болорына чырмайыш
база болгон ло...

Үредү јаңыс ла бичик ажыра эмес, же Москва бойы да, кай-
нап жаткан ал-камык калыктар ортозына нени көрбөзинг, нени
укпазынг. Кижи мынанг, Алтайына јүрүп, өскө ороондор, ка-
лыктар керегинде сананганда, та кайда да ыраак-ыраак не-
ме ошкош, а Москвада јүрзенг, ол ыраак билдирип турган не-
мелер бу ла көзиннинг алдында — эзендешкен колдор, куучын-
дашкан эрмектер. Оныла коштой преподавательдер канайда
айдатан эди: «Слер бого тегине ле ёй ёткүрерге, соотоорго-
келген эмезеер. Слерге албатыгар бүдүп, слерге иженип: шак
ла бу ўренип турган јиниттер албатызын, Алтайын көдүрер бо-
лор деп сананган. Онынг учун искуствого кирген соондо қа-
ныгардан кан кысканбай, бир де кичинек юйгө бойоорды бош
салынбай, иштенип ўренигер. А куру-кей сөслө, иш этпей јүр-

зегер, ё тен кандый да јаан талантту болзогор, неге де једи-
нин болбозыгар. А искустводо неме јединин албаган кижи —
коркышту күйүнчек болор. А күйүниш дезе, эң јаман неме
болгой база. Олjakшыны јаман деп айдар, јараشتы коомой
деп көрөр. Јаращ, jakshы неме эткен кишининг алдына оро-та-
мы казарга, коп-сайгак јайарга андый кижи качан да тура
калбас. Онын учун албатызынын кулак-көзи, санаа-күйүни,
сүүнчизи болорго ол јаан каруулу ла оныла коштой јаан
ырысту керек...»

..Је бот, эмди 50 јажында: «Сен ырысту ба, Јыбаш?» —
деп сурайллы. Ол ого чикезинче каруузын айдып та албас бо-
лор деп бодойдым. Мен бодозом, ол ырысту кижи. Колдын-
буттынг ортозына азырап алган беш балазы эмди сын-башта-
ры бойыла тенгдеже берди. Јыбаш бу ла калганчы ёйлөрдö
сүүнип куучындаар болды: «Бат, балдар чыдаган. Олбонди ме-
ненг эки катапка артык чапкылаар болды. Олордын эткен-
туткандарын тууразынаң көрүп, сүүнип отурадым. А бойым
дезе чай-чуй кайнадып... Іе онызы јарт неме ине. Акыр ла деп
јазанып турганчам, эмди көрөр болзом, тук 50 јашка једе
бертириим. А түнгей ле эмдигенче ле јазангамча ла: бу ла јаны
бичигимди јазап эдип албаанча, акыр ла болзын... Једип ту-
дарым көптөзö ло кайдат, јер тайанарым астаза ла кайдат...

А чындал та, сыралан ла талдама деген бичигимди эмди-
генче ле баштабаган ошкожым. Эдип-тудуп салганым арай ла
ассымак па, айса једикпес-тутакту немедий. Быыл «Адалар
жолы» деп бир кичинек повесть бичип салдым. Адам база јуу-
да-чакта божогон, а мен деп кижи онын сок јаныс уулы ту-
рум. Эмди канча баланын адазы да болзом, бойымнынг ада-
зенем керегинде јаантайын сананар болдым. Кижи јажы јаан-
даган сайын эмеш јажый беретен эмтири. Кичинек балдарга
учурлап кыскачак-кыскачак куучындар бичири амадулу
отурым. Бир сөслө, төс бичигим эмдигенче ле чүмделгелек.
Эмди балдар мынай чыдай берерде, эң күүнзеген бичигимди
јөрмөп алар болорым ба? Бодо, меге эмди 50 јаш. Бу јүрүм-
нинг јаан боочызы эмес пе? Мен бу боочыга чыккамды чек-
сеспей де калдым. База ла көрзөм, мында, боочыда... Эмди бу
боочыны түжиш та кандый болотон болбогой? Алдын от ја-
рыдып көргөн кижи бар эмес. Та анда кижи сеспей калатан
калыхтыштар-тамылар бар, та айса көнү-јүргеери түжүт бо-
лот по? Ой деп неменинг өткөнин кижи чек билбей калатан не-
ме эмтири, а?...» — деп, Јыбаш бу ла күндерде куучындал отур-
ды.

Јыбаштын бу эрмек-куучынын угуп отура, ичимде ого јоп-
-синип, санандым: «...Чын, Јыбаш, чын. Кижи бир бичикти
арайдан ла божодоло, акыр ла, эмдигизи мынан артык болор,
мынан жулукту-жиликтү эттире бичириим деп кемибис туйка
бойына сбзин бербеди эмеш. Онын кийининде ёйлөрдин түр-
тен өдүжи керегинде ле акту бойынгынг салым-коногынг са-

нанзан, келер бйлёрди...»

Эмди сананзам, шак ла мындый бйлёрдö Лазарь Кокышев айткан болбой кайдар:

Келетен öйгö костöрим
Jetpese de кörörim.
Колымнаг перо түшкенче,
Кожонымды чүмдеерим...

17 јылдын туркунына тёрбл Экинур јуртында культпередвижканын заведующий болуп, кажы ла койчы-малчыла не керегинде куучындашпады эмеш. Онызы бичиген бичиктериң Кепеш чилеп яп-јарт кörүнип келет.

...Башкару Јыбаш Каинчинди јангыс ла бу 17 јылдын туркунынаjakшынак иштү культишчи деп эмес, је онайдо ок jakшынак, яйалталу бичиичи учун «Знак Почета» орденле кайрадаган деп оғдоор керек. Је... је оног јаан кайрал, оног јаан ырыс — онын албаты-калыгына яраган jakшынак бичиктери туру.

...Эмди 50 јашту бичиичи Јыбаш Каинчиннинг аргымак ады жол-жорыкка белен чакызында туро: ээр-тоқымы јырс, колон-куушканы тыч эткен, кулактарын кайчылай тудуп, ыраактан табыш алганы сезилет.

Буулап койгон ат кайда?
Минер керек, наýылар.
Пландал койгон иш кайда?
Иштеер керек, наýылар.

Аттарыс јангыс чакыда
Атанаар керек, наýылар.
Амадуус јангыс тужында
Айдар керек, наýылар.

К. ТОЛОСОВ

АННА БАЛИНА

Жайаандык сүр-кебедели

Анна Балинанын ады-жолы бистин театрдын тозёлгөннинде онын жайамал ижинде ўзүлбес колбулу. Ол калыктың бзёгинен чыккан, алтайлардын јүрүми керегинде кеендиктиң кайкамчылу тилиле куучындап, ойноп берерге амадайт. Актриса јаны јадын-жүрүмнинг шылтузында табылган алтай ўй кижининг сүр-кеберин көргүскен деп айдар керек. Ол алтай кыстар ортодонг театр ла кинонынг актрисазынынг профессионал ўредүзин энг озо алгандардын бирүзи болуп, бастыра јүрүмин алтай национальный театрды тозбөрине ле ичкери бскулерине берет.

Анна Қан-Оозы аймактың Моты-Оозы јуртында чыккан. Ого кичинек туштап ала јуу-чактың кыйын-шыразын көбрөгө келишкен. Јууның баштапкы ла күндеринде оның адазы фронтко атанган. Энези, өскө ўй улус чылап ок, јуу-чакка барган эр улустың ордына иштеген. Џаш келинге јуртсоветинг председателининг јенил эмес ижин бүдүрерге келишкен, айылда дезе эки кичинек кызычак — ўч јашту Аннушка ла бүдүн јарым јашту Айнаш арткандар.

Бала туштагы јуу-чактың öйлөри: öгбөндөри ле уулдары корогоны керегинде бичик алган ўй улустың ый-сыгыды, ажын кескен кыралардаң мажак тергени — бу ла оног до öскөлөри ончозы Анна Балинаның санаазына јажына шиги-ген. Шак ол эзэм-санаалар, байла, актрисаның ойногон эң артык рольдорының бирүзин — Ч. Айтматовтың «Эненин јаланы» деп спектаклиnde Толгонойдың ролин јаркынду ой-ноор арга берген болордон айабас.

Јайамал дегени бала туштап, јаанактың айткан чörчöктöрииен башталат. Аннаның јааназы сүмелү ле јалтанбас түлкүnek, эпчил Тартынак, албын-јилбин Желбegen, азый јерден учуп барада јылдыстар болуп калган улус керегинде куучын-дайтан. Кыштың узун түндеринде јааназы сан-башка табыш-кактар айдып, оның ўчүзин таппаган кижини айылдаш эмегенге «садып» туратан. «Саттырган» кижинин бирүзи кöп лö учуралда Аннушка болотон. Саттырган кижинин бажынан казан, кулактарынан туткуш, буттарынан тайак эдер, ичегеринен армакчы öбрөр деп јааназы айтканда, кызычак ыйлай согуп ийетен.

Актриса Анна Балина ол керегинде эмди күлümjилү эске алынат. Ол алтай калыктың чўм-янгын, оос чўмдемелин јакшы билер, состиң терең учурлы кёгүсте ондоор кижи. Бу ончозы спектакльдарды ойноорында, анчада ла алтай ўй улусты көргүзеринде ого јозокту јол ачат.

Актриса болорго Анна јаштан ала амадап јўрген. Ол «јааназам, артист болорым» — деп айтканда, ўүрелери, тёрбөндөри каткы эткилейтен. Бу алтай кочкүннинг балазы актердың ижи керегинде нени билер, артистти кинодон өскө кайдан көрötön эди! Ар-бүткен Аннаны кеберкек, коо ўндү, кожонды-күүни сүур эдип јайаган. Кижи бодозо, артист болорго бу ла јеткил болгодай. Ёе чындан алза, мынызы ас. Соңында, ады јарлу актриса болгон кийнинде, Анна Балина айдатан: «Артист болотон кижиге јаңыс ла јайаазы ас. Узак бўйѓо турумкай ла коп иштеер керек».

Анна школдо ўренерде, ойын-концертте эрчимдў туружатан — кожонгойтон, бийелейтен, гимнастикала таскадыннатан. Кызычак адазын тозбögөн дежер. Чекчай Балин, чындан та, јакшы кожонгойтон, чурана тартатан, ол «коччуп јўрер айылда» иштеген. Бир катап Чекчай Москвада ўредуге јўреле, Академический Художественный театрдың

јар-бичигин экелерде, кызычак оны сүрекей јилбиркеп көр-гөн. Шак анайда ол баштапкы катап төс јердинг театрыла танышкан.

Је школды божоткон кийнинде Анна, бойы да билбей кал-гандый, бичиктерин медицинаның институтына табыштырган. Жаан удабай ол јастырганың онгдол ийген. Документтерин ойто алала, Мондур-Соккондо ѡурт клубтың башкараачызы болуп иштеерге барган. Жап-јаш культишчи јурттың клубында ишти жараптырып ийерде, улус оноор тартыла берген. Клубта јилбүлү энгирлер одүп, ойын-концерттин кружокторы иштей берген, клубтың башкараачызы бойы кожондоп то, бийелеп те билетен, јозогыла јашбоскүримди ойын-јыргалга тартып алата, керек болгондо, чурана да тартып ойнойтон. Бир јылдың бажында Мондур-Соккондогы клуб областтың фестивалинде баштапкы јерлердин бирүзине чыккан, Анна Балинаны дезе Ленинградтагы консерваторияга ўредүгеге ийгендер. Је сакыбас јанынан керек ёскөлдөнгөн. Областьтагы фестивальдың жюризинин члени болгон эдискилил-драма театрдың директоры Ф. Б. Балашова јайлалталу кысты аярып көрөлө, театрда болушту блёктинг актрисазының ижине кычырган. Консерватория кайда да ыраак Ленинградта болгон, а театр дезе—Горно-Алтайскта. Бу Аннаның амадузына келижип турган эмес пе? Анна директордың кычыртузына сүүнчилү јөпсинип, озо баштап болушту блёукте актриса болгон, оның соғында композитор А. М. Ильин төзөгөн кожон ло бийенинг национальный ансамблининг кожончызы болуп иштеген. Бир јылдың бажында Анна билип алган: чынла артист болорго турган болzon—үренер керек. Анайып, ол Москвада А. В. Луначарскийдин адыла адалган театр искусствоның государственный институтында актердың факультедине үренерге кирген.

Анна ла оның јерлөжи кыс Клара Ченчаева МХАТ-тың ады јарлу режиссеры СССР-динг албаты артизи И. М. Раевский башкарған курска киргендөр. ГИТИС-те үренген јылдар ундылбас болуп артты. Практика ла теория јанынан ўредүлдерди јарлу педагогтор: МХАТ-тың режиссеры П. Е. Лесли, Г. Н. Боянджеев ле б скоби де откүргендөр. Анца актердың профессиязына жана баспай үренип турган.

Келер бидө актер болотон јарамыкту школ Москванның театрларының спектакльдары болгон. Анда МХАТ-тың аттуучулу актерлоры А. Тарасова, А. Степанова, О. Андровская, А. Зуева, М. Яншин, М. Прудкин, В. Станицын, Кичү театрдың артисттери М. Царев, Е. Шатрова, Е. Гоголева, И. Ильинский, Вахтанговтың адыла адалган ла «Современник» театрдың артисттери ойногондор.

ГИТИС-те үренип турарда, Анна јүзүн-башка пьесаларда — Чехов ло Гогольдың чүмдемелдериндеги ўй улустың рольдорын ойногон. Оның санаазында алтай ўй кижининг сүр-ке-

берин көргүзөр амаду турган. Диплом аларына учурлап ол П. В. Кучияктың «Чейнеш» деп пьесазынаң ўзүктер көргүс-кен. Педагогтор бу иште Анна Балинаның рольды терен шүүп көрүзөрүндө жайалтазын база катап темдектедилер.

Институтта ўредү божогон, студенттерди ишке аткаар өй жеткен. Институттың башкараачылары ого слердин областъта театр јок, та качан болоры жарт эмес, боско јерлерде иштегер деп шүүлте эткендер. Же бойының төрөл жериң баар, Туул Алтайдан жүре беретен деген санаа Аннаның ўч түжинде јок болгон.

«Мен иштеерге Горно-Алтайск јаар баарым, театр бистингерде кыйалта јоктонг боловор» — деп, ол камыстың алдына айткан.

Анайып, Анна Чекчеевна Горно-Алтайскта аймактар орто до төзөлгөн концерт бригаданның кееркемел ижининг башкараачызы болуп калды. Жиит худруктың мында тургускан баштапкы јаан ижи И. Тобилевичтың «Бесталанная» деп спектакли болгон, анда ол омок јаражай Варьканың ролин ойногон. Бийик једимдү әткөн ойын тургузаачыны да, артистти де оморкодып көдүрген, же бир кезек шылтактардан улам (көп тоолу оок јурттарда керек дезе клуб та јок болгон), андый ойындарды токтодып, концерттү программалар белетеп тургузарга келишкен. Анна анда концерт әткүрөечи де, кожончы да, бийечи де болгон. Ол байлордо Аннаның жайалтазының база бир јаны ачылган. Бүдерде чыйрак, капшуун кижи — Балина школдо, соғында институтта ўренерде бийеге жайылып, ого тың ајару эдетен. Концерт бригадада иштеер тушта, олордо хореограф јок болгонынг улам, ол бойы бийе таап тургузарга ченежип туратан. Керектер кем јок, айлу, анчада ла алтай калыктың чүм-јаңына, ойындарына тайанып тургускан бийелер солун ла жилбүлү болгон. Бир канча жылдардың туркунына Анна пединституттың текшилик профессиялар аайынча факультединде ле төрөл национальный школында хореография јанынаң ўредү әткүрген. Бүгүн бистинг областъта иштеп турган балетмейстер Константин Малчиев база Анна Чекчеевнаның ўренчиги.

Театр бистинг областъка, оның эл-калыгына кыйалта јоктонг керектү болгон. Учы-учында, 1968 жылда, КПСС-тың обкомының ла облисполкомның кичеемелининг шылтузында, театрдың байзынын тудар ѡюп берилген, Новосибирсктеги театрдың училищезине бир болүк жашоскүрим ўредүгө аткарылган.

Бу жылдарда Анна концерт организацияларда ла областътың культура учреждениелеринде иштеген. 1969 жылда П. В. Кучияктың юбилейине учурлап ол «Чейнеш» деп спектакльды тургузып, бойы төс рольды ойногон. Спектакльды тургузында национальный театрдың азыйгы артисттери ле П. В. Кучияктың бала-барказы туружып, пьесаны режиссура јаны-

А бу—бсөгө герой, база ла эне, кыргыс бичинчи Ч. Айтматовтың «Эненинг јаланы» деп спектакльдан алган Толгонай. Оның сүр-кеберинде — совет ўй кижи-эненинг эң артык кылыш-јаны, көрүм-шүүлтези көргүзилген.

Ак арчуул тартынган, эски фуфайка кийген, јажы јаанай берген ўй кижи бойының јүрүмин айдып берерге табыланып, јаланың кырына келет. Актриса бу кижининг јаркынду ла көп шыралганду јүрүми керегинде теренг көгүстен, јылу ла акту јүректиң төзинен сыйылып турган томылгалу сөстөрлө айдат. Салымның күүн-кайрал јок согулталары Толгонайдың бажына улай-төлөй түжет: јууда оның эжи, ўч уулы јыгылат, учы-учында калганчы тайанчыгы — келди Алиман ыран барат. Мыйның ѿстине ачана-торолош, соокко тонуш, бандиттерле колдомдоштор, јаңгысан јүрүмнин ачу-короны кайда деер? Салым јыга чаап ла јат, је Толгонай артабаган. Оның сүр-кеберинде јана баспазы, кижи адын ару-чек тудары, турумкай ийдези, улуска сүрекей јаан сүүнчизи, буурзак јакшызы артып калган. Бойының кажы ла базыдыла, унчукпазыла, көрүжиле, кыймыгыла Балина кижининг јүрүмин чып-чын ла бу оқ өйдө көдүрингилү көргүзет. Балинаның ойынынаг бу ла



Ч. Айтматов «Эненинг јалагы».
Толгонай — А. Балина, Масалбек — В. Тюхтенев.

бистинг ортобыста жүрген Толгонайдынг — жаан сүүштүү эненинг, јегил эмес жүрүмдүү, жаан иште ле килемжиде ўй кижининг салымы бистинг эзэмисте ундылбай артат.

База бир эне — бистиг бўйдинг кижизи, теренг кўгўс-санаалу, чынаркап билбес ишчи, торт бала азыраган Клавдия Васильевна, В. Розовтынг «В поисках радости» деп спектаклининг геройи. Ол бойынын жүрүминде бир де ат-нерелў керек этпеген, онын бастыра жүрўми — балдарында. Балдарын ырысту, ак-чек, юн ортодо тоомылу ла керектў улус деп кўрёр кўёуни бар. Ол кўп сўстор айтпайт, балдарын бойынын кылык-јангла, иштенгейиле, бастыра жүрўмиле таскадат. Онын ичбойында тынг ийде-кўч, ак-чек сагыш, бийик кўён-тап бары билдириет. Онын жүрўми биледе де, эбирае јуртаган эл ортодо до јозок болот. Јаныскан торт бала чыдадып ёскўрген Клавдия Васильевна акчанын баазын јакши билер. Мынынг да учун ол ырысты бор-ботко јёбжо јёбринеиг табарга турган уулы Федордо ло келди Леночкага удурлажа эн озо туруп чыккан.

Анна Балинанынг энг артык иштери социальный жаңынан чокым аңыланышту, психологиянын кўрмалдери аайынча чындык кўргўскенинде алангузулу јер юк. Актрисанын жайалтазы элбек. Ол кўп рольдор ойногон: Белиса — Лопе де Веганын «Изобретательная влюбленная», Сычиха — Д. Ивановтынг ла В. Трифоновтынг «Смертельная схватка», Настева — А. Покровскийнинг «Смешное дно», буфетчи Фирсова — М. Варфоламеевтынг «Дожди» деп спектакльдарынан ла ёскози де. Утка-кееркемел кеми ле актердын ойногон узы аайынча олор ончозы түнгей эмес, је кажы ла сўр-кеберге актриса жүргининг ле ич кўйинин изўзин ле экпинин салган.

Је ол анчада ла алтай драматургтардын пьесаларында сўр-кеберлерди кўргўзерде бийик каруулузын билип турат. Олор — П. Кучияктын «Алтын таңдагынан» — Баланка, Б. Укачиннин «Кичу изў айынан» — Эштенг-эјек, Ж. Каинчинин «Айғырдынг бажынан» — Жаңа, Торко-Чачактынг энези Эйий, А. Адаровтынг «Абайымнын кижи алганынан» — Йыламаш-Пелагей ле ёскбзи де.

Тыш жаңынан кўрзб, Эштенг-эјек жар-жаак табышту кижи, базыды да суугуш ошкош жайпан-жуйпан. Ол Куулгы јурттагы улустынг кўп сабазынын кин-энези, жүргеги јымжак, колдоры эптү. Онын санаазыла болзо, ол улустын керегине (сураганда, сурабаган да болзо) жара кирижер жаңду, онын кылык-янигы андый. Кўп куучын-эрмек юк Жаңа, кокыр-катқылу Йыламаш-Пелагей, балдарына болуп кандый ла учуралга туштап жүрген Колбанынг энези ле ёскё ўй улус — олор бўгўнги ле кўнде бистиг ортобыста жүрген ўўре-јелелер, эш-нўкёрлёр.

Актриса кўп јылдардын туркунына жайамал ижиле коштой эл-јондык иштерде турожат. А. Балина театр ишчилердинг Бастырасиялых ла Бастырасоюз съездтерининг делегады болгон. Ол РСФСР-дын театр ишчилерининг Биригўзи-

нинг башкартузының членине тудулган. Бойының јегил эмес ижи учун актриса «За трудовую доблесть» медальла кайралдаткан, 1982 йылда дезе, Анна Чекчеевна Балинага РСФСР-дың ат-нерелү артизининг күндүлү ады адалган.

Калганчы јылдарда актрисаның јайамал салымы јегил јолло барып жат деп айдарга болбос. Оның јүрүми театрдың јадын-јүрүмиле ўзўлбес колбулу, а театр дезе, калганчы бйләрдö јайаандык кызалаңда туруп жат. Мында кижиден камаанду да, камааны јок то шылтактар бар. Олордың бирүзи административный ла кееркемел башкарту ишти терен билбес болгонында. Оноң улам театрда бой-бойы ортодо коомой айалга төзөлип, артисттер бён-бököндү болгонында. Мыныла коштой күркет, адаркаш ла бўсқо до кылкытар кöлтöгöн. Мындый айалгадан улам бир кезек артисттер театрдан јүргүлэй берген, белетеерине коп акча, ийде-кўч, бй барган спектакльдар тургузылбай ѡада калган.

Бу једиклес-тутактарды, јастыраларды юголтып түзеденине коп ийде-чыдал, чыдамкай иш керектүзин ончо ёмёликте, ол тоодо коммунист Анна Балина да јакши ондогылаш жат. Анна Чекчеевна эки-кўч јыл мынаң озо партия организациязынын качызы да болордо, эмди де болуп турган керектерди јарт билип, театрдың ижин XIX партконференциянын некелтелериине келиштире бўскортб төзбörине ийде-чыдалын кысканбайт.

1985 юлда ак-жарыкка «Jер-суубыстың јангари» деп пластишка чыккан (редакторы Б. Я. Бедюров башкарып бичиткан). Анда Анна Балинанын кожондогоныла алтай калыктың торт јангари бичилген.

Актрисанын амадулары јаан. Чындал та, јайлалталу актриса Анна Балина талдап алган ѡолыла јана баспай турумкай барып жат. Бис дезе, ого мынайды айдар күүнибис бар: јайамалда јаан ла јаркынду једимдерге једип алыйгар, Анна Чекчеевна!

С. ТАРБАНАКОВА,
ГАНИИИЯЛ-дың наукалык ишчили

КУМАНДЫ ЭТНОГРАФ



Петр Иванович Каразлькин
Б. Күшкүллининг фотојуругы

Петр Иванович Каразлькин 20-чи јылдарда Туулу Алтайга эдектеш Старо-Бардинский райондо бүткен-чыккан кижи. Мында куманды улус јуртаган. Ол Жолдоштогы јурт Советте узак öйгö иштеген. Оноң бери öйдöги јүрүми ле ижи керегинде онын Леонид Суртаевле экўнинг ортодо öткён куучыннаң билип алар аргалу.

— Мен, байла, этнограф болуп бүткем. Џайааным ондый болгодай. Не дезе мен бойымнын куманды тилимди, онайдо оқ биске укташ — алтай, тува, хакас, шор ло Түндүктинг оок калыктарынын јүрүмин, кылых-яңын, культуразын, бир канчаларынын тилин де билерим. А этнографиянын ижине анчада ла ондыйы керек. Онызы юкко сокорго түңгей, иштеп болбозын.

Одудынчы јылдар бажында Томскто ишмекчи факультетте ўренип турарымда, Хакасиядан, Туулу Шориядан, Ойротиядан, Танну-Тувадаң ла Карагасиядан келген кубарларымла јуук најылашкам. Рабфакты божоткон соңында ўредүүмди Түндүк калыктардын Ленинградтагы институтында улалткам. Мында Түндүктең, Ыраак Чыгыштаң, Сибирьден башка-башка 27 ук улус ўренген.

Мен чукча уулдарла јаңыс кыпта јаткам. Бой-бойыбыска албатыбыс, јадын-јүрүмис, кылых-яңыбыс, мүргүүл башка-быс керегинде куучындайтансыс. Ондый куучындарга канча түштер, канча түндер öткён. Институтта лекцияларды јарлу этнограф В. Г. Богораз кычырган. Ол студенттерди јаңыс ла башка-башка ук оок албатылардыг историязыла, јадын-јүрүмиле, јаңыла, ижиле, кабынган-тудунган јазалдарыла, мүргүүлиле таныштырган эмес. Онайдо оқ олордын јадын-јүрүмин, кылых-яңгдарын, биледеги ээжилердин түңгейин ле баш-

казын канайда шингжүлэйтэн сүмезин јартаган, ого ўреткен. Этнографияның шингжү ижинде түндештируү мар, эп, сүмебарын, оныла канайда тузаланатанын јартаган. Этнография јорыктарда, танынан шингжү ижимде мен ол сүмени көп катап једимдү тузалангам. Јонды, албатыны билерге олордың тилин билери сүрекей керектүү. Ол этнограф-шингжүчиге баазы јок болуш. Онызы јок сен уйан этнограф боловорынг. Онын учун меге боскө тилдер билерге келишкен. Хакас, тува, алтай тилдер билерим, меге олордың төс ижин чындык аайлаарына, кочкүн иштү малчыларга кандый айыл-јурт јарамыкту келижерин билгем. А куучын малчылардың кийис кереге айылы керегинде откөн. Туул Алтайла, Хакасияла, Тувала јорыктап, мындағы малчыларда озодонг бери эдинген, јаңжыккан јакшынак кийис айылдар јогын кайкап көргөм. Угар болзо, та кем де ол кереге айылды озогыданг арткан эдим, ичи ышту, ононг улам көс оорып јат деп јамандап, чачып ийген керек эмтири. Мынайып, кийис айыл јоголгон болтыр. А хозяйствово-лордың башкараачылары оның ордина малчыларды палат-каларла эмезе јер тура-ўкпектерле јеткилдеер болгон. Изүде палатканың изүзине чыдашпазынг, соокто — соогы коркышту. Јер ўкпек бир јанынан карангуй ла чыкту, экинчи јанынан оны эдерге күч — агаш керек, јер казары кайда. Үзеери ондый тура кичинек эдилип, јадарга тапчы болот. Јерле көмүп салган ондый айыл түрген чирий берет. Чынын айтса, хозяйствового баалу. Одор коомойтый бергенде, коччөр керек. А боскө јerde јадар айылынг јок.

Айдарда, кийис айылданг артык не керек. Кочкүн иштү малчыларга ол сырнай ла јарамыкту. Алып јўрерге эптү ле јеңгил. Изүде—серўүн, соокто — јылу айыл.

Ондый шүүлтемди мен «Бадыш Туваның айылы» деп статьяда јарлагам. Оны СССР-дин Наукалар Академиязының этнография институтының бир кезек ученыйлары јомбогён. А Кыргызстанның ла Казахстанның хозяйство башкараачылары статьямды јарадып, ончо малчыларды кереге кийис айылдарла јеткилдейт.

1964 јылда Москвада антропологтордың ла этнографтардың VII Телекейлик курултайы откөн. Ондо мен «Этнография јуунты материалдарды научный шингжү иште тузаланары керегинде» доклад эткем. Курултайда телекейдин 60 ороонының ученыйлары турушкан. Оноң олор СССР-дин албатыларының Ленинградтагы музейине келип јўргендер. Ондо Сибирьдин албатыларының этнография бўлўгинде салынган материалдарла ученыйларды мен кобдочилеп таныштыргам, јартамалдарды да мен бергем. Айылчылардың ортозында ады јарлу јаан ученый, јорыкчы Тур Хейердал база болгон.

— Слер бу иште качаннан бери?

— Керек мындый болгон. Мен профессор Л. П. Потаповтың башкартузыла бу ок музейдинг Сибирь бўлўгининг науч-

ный ишчили болгом. Ол тушта Абаканда јербойынын музейин ачар дешкен. Онын директорына мени јараткандар. Хакас албатынын музейи автоном областтын 10 јылдыгына учурлай ачылган.

Музейде иштеп, шингжү иштер откүрип тура, менинг ўредү кемим жабыс ла жетпей турганын сескем. Онын учун такып Ленинград јаар ўредүгө баарга санангам. Је жуу-чак башталып, качаланын жетирген.

— Слер Сибирьдик албатыларынын этнограф-шингжүчили. Алтай-Саян тергенинг јаан ла оок албатыларынын јүрүмүн шингдегенигер. Айдарда, алдында Красногор райондо кандый албаты јуртаган? Мында бүгүнги јаткан кумандылардын тили керегинде бир-эки сөс.

— Одудынчы јылдар бажында мен јаны алтай алфавит тургузар комитетте иштегем. Ол Туул Алтайда јаткан ончо оок албатыларга келишкедий јарамыкту тил табар шингжү откүрген. Ондый амадула мен Туул Алтайга, Туу Шорияга барып јўргем. Шорлордынг ла алтайлардын бичимелин тургузар-тозбөр иштерде турушкам. Бу албатылардын тилдерининг тозблгози јангыс — јебрен түрк тил. Олор јўзўндеш-укташ та болзо, је башкалан-диалекттерлү.

Туул Алтайда ондый укташ коп оок албатылар јуртаган. Айдарда, олордын ортозына ончозына келижип, јарагадый тил талдаар керек болгон. Учы-учында эн јарамыкту тил эдип Ондой аймакта јуртаган алтайлардын тилин алгандар. Онойып, бичикке эмдиги алтай тил тозблгён. Ононг ло бери туулу јердинг төс јоны ол тилле куучындажар ла бичинер болгон.

1934—1936 јылдарда мен кумандылардын тилин, букварин шиғдегем. Башталкы куманды букварь Филатовтын башкартузыла латин алфавитле 1934 јылда тургузылган. Мени куманды сөзликти шингдеерге Солтон ло Старо-Барды районнын школдорына ийгендер. Күскиде 1934 јылда Старо-Бардыда куманды сөзликти шүүжетен јуун откён. Ондо мен куманды сөзликти латин алфавитле тургусканы јастыра деп темдектеп, јўспинбей турганымды угускам. Ондый сөзликтенг майноор шўйлте эткем. Ненинг учун? Булгактар, уур-кўчтер мындый болгон. Балдар латынь, ўстине орус сөзликтерди билбес. Айдарда, олорго озо баштап латынь, ононг орус, учында бойынын тёрёл тилининг сөзликтерин ўренер керек. Алтай тилдинг сөзлиги база ондый оқ айалгада болгон. Ончо түрк калыктардын бичик-билиги ол тушта латынь алфавитле тозблгён эди.

Красногор райондо кумандылар јадып јат. Тилиле алтай улуска јуук. Олордын угы-този телегиттер. Бу јон кочкүн. Олор эки бўлўк — Бий, Куу, Ыжы сууларды јакалай јуртаган. XVII чакта бу эки бўлўк јаткан јоннын јайсандары Орус каандыкка кирерге кўйнду болгонын айткандар. А текши

Туул Алтайдың юны бойының күүниле 1756 јылда Россияга бириккен.

— **Петр Иванович, Слердинг оног арыгы иштеги јолыгар?**

— Јуу-чактың кийнинде такып ла этнография, Сибирьде јуртаган оок албатылар. 1949 јылда мен ойто ло Ленинградта, ол ло этнография музейде. Ученый-качының јамызына јөйтөлгөм. Бу байдала этнографияның јаан иштерине ајару эдип, шингжү иштер өткүрерге келишкен. Тувала, Хакасияла јорыктаарга келишкен. Этнография аайынча Туул Алтайда коштой јаткан оок калыктардың јадын-јүрүмин, кылык-янгын шингжүлегем. Ондый иштинг шылтузында музей јаңы материалдарла толтырылган, СССР-динг башка-башка калыктары керегинде јаңы табынтылар салылган. Же мени анчада ла Сибирь ла Алтай крайдың албатылардың историазы тың соныркаткан ла јилбиркеткен. Оның учун бежен ле бежен јети јылдарда шингжүлик јорыкла Туул Алтайда, 1955—1961 јылдарда Тувала јўргем.

Мени бу талада јаткан албатылардың хозяйство ло культура јанынаң јаныртулары, ёзуми, јадын-јүрүмнинде кубулталар, иштеги аргалардың солынганы, оног улам иштинг јаранганды соныркаткан. Көрөр болzon, мындағы јүрүмнин, иштинг ле культураның јаранганды сүрекей! Анчада ла јурт јердинг јүрүми тың ёңжиген. Бого электроэнергия, камык техника келген, строительство әлбеген, оног улам јурт культура б скон.

— Слер камла, камдашла колбулу сурактарды база шингдегенигер. Ол керегинде база бир-эки сөс.

— Камдашла колбулу сурактарга мен база ајару эткем, ол јанынаң шингжүлик иштер база өткүррем. Революциядан озо якут, хакас, тува, алтай ла б скоба дар кезек албатылар камга бүдер мүргүүлдү болгон. Камдаш — ол мүргүүл јаның бирлик илжермизинде бир ўйези туре. Социализм жөнүзи шылтузында Сибирьдин калыктарында ол мүргүүл јоголып калган.

Б. Угаров кочурген

Иван КУРАТОВ

МЕНИНГ МУЗАМ

(Гутовтың тетрадынан)

Музамды — ўлгерлеримди

Сатпагам јүткүп.

Базарга апарып,

бажырбагам алзын деп.

Садып алачыларды
сакыбагам алансып.
Араай кожондойдым музамла экү.
Же билбес жанынан
жастыра айтсабыс,
Жедикпезиске бойыс ла
каткырып аларыс.
Көк тетрадьты
көриб-отко чачарыс,
Көдүрілген жалбышка
көрүп алгайыс...
Удабас күчиsti
улуска ченеп көрөрис:
Керектер ле жүрүм
керегинде айдарыс.
Ол поэмада от изү чагылар.
Улустың ийде-күчин жиичини,
Үйалып билбес жутманы, уурчыны —
Ончозын ол илезине чыгарар.
Албаты адалар. Бастыра жүрүминде
Тонуп, торолоп жүргендерди,
Ырызын жаныс өлгөннин
кийнинде
Көррине арга јокто иженгендерди —
Ончозын көргүзөр от сөстөр жарыдып.
Јок, музамды мен
Сатпай жадырым!

Э. ПАЛКИН көчүрген

¹ Гугов — И. А. Куратовтың литературадагы ады.

УРЯНХАЙ ПОЭТТЕРДЕН

Ч. БАТЧУУЛУН

* * *

Жаркынду јарык күн
Јарып ёчт бадышта.
Ак кураандар — булуттар
Таңдакталат бийикте.

Мында менинг Төрөлим, —
Жүргиме кару јер.
Мында менинг салымым —
Менле кожо туулган јер.

Соок-соок салкындар
Күн бадыштаң соккондо,
Шибеедий бек тулар
Төжин тудат удура.

Бала јаштаң мен сени
Менинг деп адагам.
Төрөл јерим, кару јерим,
Изимди мен артыргам.

* * *

Чагы-күчим јеткен болзо,
Сöзим чечен айдылза, —
Андый сöстöр табар эдим,
Эр-јажына артабас.
Эрте-јаштан кабай болгон,
Јыш-аркага кöмүлген —
Туулган төрөл јеримди
Мактаар эдим сöзимде.

Чагы-күчим јеткен болзо,
Сöзим чечен айдылза, —
Андый сöстöр табар эдим
Эр-јажына артабас.

Төрөл менинг јеримди
Оморкодып, байыткан
Иш эткен кишини
Мактаар эдим сөзимде.

Н. СУХДОРЖ

* * *

Сегис марта энемнинг
Чачын тараң, брөрим.
Сүрлү чечек табала,
Чачына онын тагарым.

Ойынчыктар менде көп, —
Энем алзын ончозын.
Байрам күнде айылда
Энем соодоп, ойнозын.

Н. Челбаева көчүрген

КҮНҮНГИ · ІҮРҮМІС — ХРОНИКА

АЖУЛАР АШКАН ЈОЛДОР

«Эл-Алтайдың» былтыргы адакы чыгарганнында бис совет-монгол бичиичилердин эл-күреелик экспедициязының ижи керегинде жетирип, бу јол-јорык ээчиде номерде элбеде бичиичилер деп айтканыс. Эмди берген сөзибисти бүдүрип, экспедицияның башкараачызы, Туулу Алтайдың бичиичилик биригүзининг каруулу качызы Б. Я. Бедюровтон журналист Л. Ким алган интервью-куучынды јарлап турубыс. (Редакциядаң)

Л. Ким: — Бронтой Янгович, былтыр июль — август айларда Слер Монгол јерине сүрекей солун ла учурлу јол-јорыкка совет-монгол бичиичилер экспедициязын башкарып јүргендер. Ол керегинде куучындан берзегер, угарга јилбилү.

Б. Бедюров: — Бистиг јорыгыс 24 июльде Жаш-Туранан, Чүйдеги трагының бажынаң ала башталган. Бу јорыкка турожарга Монголияның Албаты Республиказынан Улан-Батордон 4 монгол бичиичи Москва — Новосибирск ажыра келген. Олор Новосибирсктен Горно-Алтайскка жетире бойлоры алдынаң Александр Плитченколо кожо јол-јорык ёткөн. Айдарда, бу јорыкка Новосибирсктен Горно-Алтайскка жетире база 600 километрди кожор керек. Мындый совет-монгол эл-јондор ортодогы, эки ороон ортодогы ѡмөлик экспедицияны ёткүрер баштагай шүүлте бистиг Туулу Алтайдың бичиичилер организациязынан чыккан деп, эмди јартын айдар керек. Ол керегинде СССР-дың ла Монгол Албаты Республиканың бичиичилер Союзтары јөптөжип, былтыр июль-август айларда кажы ла ороонның јеринде 14 күннен јүретенин јараткан. Бу шүүлте элден баштап менинг кёксиме 10 јыл мынаң кайра келип кирген. Ол тушта мен атту-чуулу орус јорыкчы, шинжүүчи-фольклорист, этнограф Григорий Николаевич Потанинниң «Очерки Северо-Западной Монголии» деп бичигиле таңылып, оның ол јолыла эмди ойто ёткөн кижи, көргөн кижи деп санангам. Ол кайкамчылу бичик, оның учуры эмдиге жетире баалу. Оны алтын судур да деп айтса јараар. Же ол јорыктын 100 јылдыгына тапташтыра ойто јорык эдер арга менде ол тушта болбогон.

1879 јылда Потанин Жаш-Туранан чыгып, јолой Улалуга киреле, мында жаткан алтай кижи Иван Чевалковты бойыла

кожо алала, алтай ла сойоң тилдердин тилмежи эдип, оноң ары јол-јорығын өткүрген. Је Потанинге бу јорыкты өткүрергэ 2—3 јыл керек болгон; олор аттарлуу, тобблорлүү, кошту барган. Бүгүнги күнде ол ѡолды анып такып одёр арга јок. Бистер эмди темир аттардын болужыла, самолеттордын болужыла ары-бери кыймыктап јадыбыс. Берилген ёй дö ас — јўк ле 14 күн.

Јаш-Турада бис «Совавто-Бийск» деп предприятиенинг (азыйда оны ЧВТ деп адайтан) ондогы иштеген шофер-ветерандыра јолыгып, Чүйдын трагына канайда иштегени көрeginde, Совет-Монгол ортодо бу Чүйдын јолыла саду, экономикада, культурада колбулар өткүрилип башталганы көрeginde сүрекей јилбиркеп танышканыс. Чүйдын трагынынг историязы — ол бистинг Туул Алтайдын, автоном облазыстынг 70 јылга бзўп келген историязы деп айдарга база јараар. Онын кийинде Туул Алтайдын тбс јеринде — Горно-Алтай скта туштажулар болгон. Майма аймакта иштегенис. Ол аймактынг хозяйстволорыла танышып, Маймадагы јакшынак сыр эдер комбинаттын ижиле, «Нектар Алтая» совхозтынг ишчилериле, олордын адару турган јерине барып, јолыкканыс.

Онынг кийинде Чүйдын трагыла Шебалин аймакка келгенис. Мында Себи совхозтынг ишчилериле, Апшыйакту, Каспа јурттарда сүрекей кёдүрингилүү туштажулар өткбн. Ол боочы ажыра алга-туйук јerde азый качан да мындый айылчылар јүрүшпеген эмтири. Улан-Батордон болгой, керек дезе, бу јуугындагы Байан-Үлгей аймактан да айылчылар Каспа-Апшыйакту јурттарга түшпегени јарталган.

Л. Ким: — Бронтой Янгович, бу јол-јорыкта Слерле кожо кандый бичиичилер турушты?

Б. Бедюров: — Озо баштап бу јорык Туул Алтайдын ла Монголдын бичиичилерининг туштажузы болотон деп темдектелген. Оноң бис оны шўўп турала, санандыс: онойп этсе, сүрекей ле солун болбос. Кийинде экинчи шўўлте келген: Монголдын ла Түштүк Сибирьдин бичиичилерин туштاشтырар, бистинг бу јол-јорыкка бирден хакас, тыва, бурятын кийдирер деп. Је оноң ичкерледе сананып турар болзо, база да келишпес. Ненинг учун дезе, ойто ло бис бой-бойысла түүгей ёндү улус јуулыжып каларыс, оноң јаан солун болбос. Санандыс: Новосибирсктен бир орус бичиичини кожор. Онойп, бистинг делегацияга Александр Плитченко — Новосибирсктин бичик чыгарузынын баш редакторы, «Сибирские огни» журналдын редкүреезининг члени кожылды. Ол бистинг батырлык алтай чörчöктöрди орус тилге кöчүрген, алтай поэзияны јакши билер, монгол до поэзияны билер кижи. Экинчи јанынан, Байкалды эбиреде јуртаган бурят деп јакшынак калык бар. Ол албаты монголло карындаш, тили-оозы, угытози монголло јаныс. Онын учун бистинг делегацияга тилмеш

бурят кижи керек болгон. Онойып, Бурятиенинг бичиичилер Бирлигининг председателиниң заместители, Күнчыгышты шигдейтен специалист, история наукалардың кандидады, поэт Баир Дугаров кожылды.

Бу калганчы јылдарда Латвияла бистинг чўмдемел колбулар кенгип элбегениле колбой, башкы јыл латыштар келип турарда, бистер олорло анда-мында откўрилетен тўзбомёл керектерде, ол тоодо эл-ороондор ортодогызына база, бойыстын улустарыстанг кожып, делегацияларыска туружып турар деп ѡйп яратканыс. Оны бўдўрип, бу монгол-совет юрыкка Латвиянын чыгартулу кижизин сураганыс. Олор биске Улдис Берзиньши берген. Улдис Берзиньш Алтайга былтыр ўчинчи такып келген. Ол бойы тюрколог, кўп тилдер билер кижи. Алтай тилди база ўренип алганын бистинг эл-јон билер. Тўрт совет туружаачы, бистинг делегация мынайда тўзлип ылгалды. Монголдор јанынанг делегацияда: бичи че эмчи Ванчай арай, Мёнгүне Чимид деп 70 јашту ўлгерчи ёрёён, Дорж деп јакшынак поэт че романист, монгол радионынг ишчизи. Ононг тўртинчизи Баян-Улгей аймактанг казах укту Зухай деп акин. Оқылу делегациянын 8 туружаачызы бу болды ба? Ўстине Москванан бир тилмеш болды — Владимир Черкасов деп огош уул. Онон «Современник» бичик чыгаруныйг редакторы Владимир Евпатовты бис гранга јетирире кожып алып, Алтайысла юрыктаттыс. Туулу Алтайдын бичиичилеринен турушкандар — Йыман Белеков, Паслей Самык, Йыбаш Каинчин, Сергей Каташ, Аржан Адаров, Кўўгей Тўлбосов, Токшын Торбоков, Борис Самыков — кажызы ла ѡол ортодо туштаҗып, ѡолыгып, аймактанг-аймакка табыштырып барган.

Л. Ким: — **Бу юрыктынг тўс амадузы кандый болгон?**

Б. Бедюров: — Юрыктынг тўс амадузы — Чуйдын трагыла Алтайсты откўре юрыктап, ондо-мында јуртаган калыктардын јўрўмин кўргўзери. Бистинг Туулу Алтайбыс — ол Совет Алтай, а мынанг ары гранды кечин барза, ондо — Монгол Алтай. Монгол Алтай ўч аймактынг јериле улалган. Алтайдын сины оноор чойиллип барган — Гоби чўлѓо јетирире. Бис онойып Јаш-Туранан Кобдого јетирире сўрекей узун ѡол ёткўнис. Шак бу ѡолло 100—150 јыл озо јаңгыс ла коjоймадар, орус юрыкчылар јўретен. Эмди ўстине мынайда бир уунда текши Алтайды бажынаг учына јетирире бу ѡолло ёдўп чыккан улус јок. Бис ол ѡолды ёдўп чыктыбыс.

Баштапкы августта Тўрбёт-Дабадагы митингтин кийнинде гран-чийўзин ажып, Монголдынг јерине киргенис...

Шабалин аймакта болгоныс, Себи бажын ажып, Онгдой аймактынг јерине кирип, XXIV-чи партъезд колхозтынг улусыла тушташтыс, Куладыда болдыс. Куладыда ѡолай јаңгыс ла улустарла туштажу эмес, ондогы агаш-ташла база таныжып бардыс. Башкы јыл латыштарла откўн туштажунын кийнинде бисти Кўпчегеннинг совхозы былтыр база коркуш-

ту јакшы көдүрди. Улегем ичинде малчыларла туштажу болгон. Чике-Таманды ары ажып барада, оног бөр чыгып, Којут дөп јерде туштажу өткүрилген. Бис ондо сонгдол калғаныс. Программаның артық болгоныс ондо. Улус чек айрылыжар күүни јок. Онон улам бис Улаган аймакка сондоштуорой бардыс. Озогы Базырыктың корумдарыла таныштыс, Семен Данилович Куюковтың кайын уктыс, Базырыктың корумына отурала кайлаганын. Улаганның улузы, райкомы база јакшы иштеп, бойының арга-күчин салган. Је Улаган аймакта, чыныңча айдар болзо, эм ўстине айылчылар көдүретен јакшы ченемел јок. Онооргы јердеги эл-јондо до, райкомның, райисполкомның ишчилеринде де. Ондо эмди јиит улус иштеп јат, јакшы улустар деп айдар керек, олор мынан ары, байла, тазыгып көндүгер деп бис иженип турубыс. Мында облатыстың да бурузы бар. Нениң учун дезе, бөр-төмөртиненг айылчылары келзе, көндүре Чүйдүн трагыла, јуугындагы ай-аймактарга — Кан-Оозы, Оңгой деген төс алтай аймактарга апарар. Эмезе Кош-Агаш апарар, Улаган јаантайын тууразында артык калган турар. Эмди бис мынайда санандыс: Улаганды мынан ары база ундыбас. Айылчылар, Литератураның байрамдары, Күндери болгондо, јер ортозын узаксынбай, Улаган аймакка апарып ла турар керек. Ол тужында улус ченемелди белен алынборб. Мен, темдектезе, ол ло Күичегенинг улузы канайда канатталып көдүрилип келгенин көрүп, сүүнип јэздүрим. 1979 јылда Бастьра Сибирьдин литератуralары айынча конференция болордо, бис оноор айылчыларды эң башкы апарып јўрген болгоныс. Башкы јыл Күпчеген латыштарды талдама уткыган деп айдар керек. Быјыл оног артык көдүрди дегедий. Көрүнип јат, көскө иле: албаты, улус, јаандар-јаштар бзўп јат, ченемел алнат. Јылдан-јылга там јаранын келет. Улус бойлоры јаны кеберлер таап тургажын, бистинг де иш там солун болуп јат. Оның учун Улаган да, Каспа да бу јанынан бойының јакшы јандарын мынан артык көргүзөр деп бодоп турум.

Эре-Чүйдүн эл-јоны јаантайын күндүркек улус. Курайдың колхозы коркушту јакшы уткуул эткен — Кош-Агаш аймактың адынан. Айла, Акташты бдүп, аймактың јерине киргели, удура чыккан Куурайдың улузына монголдор сүүнип турганы коркуш. Тен бойының төрөл улустары чыгып келген немедий, төрөл јанын көрийен немедий. Нениң учун дезе, ондогы јердинг агаш-тажы, Чүйдүн чоли де түп-түнгей. Албатының кылык-јаны да, кийими де түнгей. Анчада ла Алтайдың урянхайларына јуук алтай улустын кийими. Нөкөр Кордоев бойының албатызын баштап алып, удура чыгып, Кош-Агаштың адынан уткыды. Райком до биске тапту болушкан деп айдар керек: бастыра күчин салып, Кош-Агаш аймакла јакшы таныштыру эдерге чырмайтган. Ол јанынан Ортолыктың «Кызыл Чолмон» колхозы бойының күчин салган. Пред-

седатели Бинолдо Уятович Қарулов, Ортолыктың албаты театрының башкараачызы Л. Б. Барбачакованың бүдүрип жаткан ижин бастыра область билер, ол жакшынак культиши. Онды улус бистинг областы бары кандай жакшы! Олор Чүйдың жақазына бистерди утқып, кийис айлына кийдирин, ойын-концерт көргүзип, жакшынак туштажу откүрген. Эртенгизинде бис партияның Көш-Агаштагы райкомында бололо, 1 августта Тожонты жаар ууландыс. Ол туштажуда бистен Паслей Самык, Йыбаш Каинчин, Токшын Торбоков пограничниктерле туштажуда база туружып, сүрекей жакшы иш откүришкен. Оның кийнинде бис бойлорыс гранды откөли, олорды аймактың жеринде Көкөрүнинг, Таркатының улустарыла жолуксын деп база иш откүрерге артырып салганы.

Же Байан-Үлгей аймакка киреристе, ол аймактың чыгартулу улузы келип бисти Дөрбөт-Дава ажуда утқыган — олордың поэттери, ученыйлары коштой жаткан Ногоннур сомонның жаандары. Олор бисти апарып, бойының керей-казак, дөрбөт жаңыла жаткан малчыларга кийдирген. Ондо туштажулар бткөн. Жайлуларда клубтар жок, кийис кереге айылдарга ла отурып, чайлап туруп, кучынды откүрерге келижер деп, мен азыйдан бери билетем.

Оноң ол Байан-Үлгей аймактың бир кезек малчыларында мындый солун неме көрдис. Олордо кичине «Хонда» деп жопон дизельдер бар эмтири. Атка артынып жүретен. Оныла жайлуларындагы 15 айылды бир уунда электроотло жарыдып турар аргалу, телевизор до көрүп отуратан болуптыр. Оны монголдорго Жопон кандай баага берип турган деп сураар болзо, олор жүзүн-жүүр түйгак, мүүс, чачып ийетен сөбкти жуунадып, садып алып апарала, удобрение эдип жазайт. Оның ордина мындый эдимдер, мындый жазалдар берип турган болуптыр. Кижи санаиза, оны бисте не тузаланбас? Бистинг область, боско дө мал-аш азырап турган республикалар Тыва, Хакасия, Бурятия, Калмыкия, Казахстан, Кыргызстан онойып алыштар аргалу. Чабандарга электричество жетирер деген сурак айынча куру блааш-тартыш жогынан тузалу керек бүдер эди. Эки аймактың жерин бдөл аярганыс: анчада ла Комды аймакта бистин алтай албатыга түнгей жанду ойрот улустар журтап жат. Башка-башка укту улус. Ол керегинде мен мынаң ары айдарым. Бистинг колхозтор Уштоббониг фабриказынан баалу-чуулу кийис айылдар алдырып жат. Ол фабриканын баскан кийизи де уйан. Айылдарының кеби де алтайна келишпей жат. Алтай улус 100 жыл мынаң озо кийис айылдардан чыгала, оны эмди канайда тудатанын да ундып койгон. Эмди ойто катап оны орныктырып жат. А ол айылдардың унулары, түндүги бистийине келишпей жат. Оның учун Туул Алтайдың агрокомбинады экономикада чокым чике колбулар төзөп турган бйдö, бу ла коштой Монголиянан «Экспорт-импортко» не алдырбас, не садышлас? Олордың кийис айыл-

дарын да алар керек. Оноң бистинг малчылар да фуфайкананг ёскө иштейтен кийими јок. А олордың капиталдарын, чекпендерин кийип јүрерге коркушту эптү. Јут-јулакайга кийип јүрерге јакши. Бисте алтай кептөн јаңыс кышкы кийим артын калган. Монголдордо ондый јайты кийим бар. Ол кийимди биске алдырса чабандарга, иштеп јүрген улуска ол сүреен јууниак, јайгыда кийетен јакши кийими болор. Бир јанынаң серүүн, экинчи јанынаң эптү јакши кийим ол.

Л. Ким: — А ол ондо текши шидеп белетеп турган јер бар ба?

Б. Бедюров: — Монголдо оны ўзе шидеп-көктөп, белетеп, саткылап жат. Айылдардың унуларын, карачызын, керегезин — ончозын садуга чыгарат. Магазинде кийизи база јегил баалу. Оноң олордың кийизи сүреен јакши, Ак кемирчек дайтэн кийис. Оны алалза, керектү јакши болор. Арсентий Васильевич Санаа «Совет Алтай» совхозтың директоры тужында Монголияга барып, озогы алтай укту койлор экелип турарда, оноң кийимди, айылдарды не экелбес? Экинчиде, башкы јыл мен Таркатының тайгаларында јўреримде, ондо көп сарлыктар көрдим. Ондогы малчылар айдышкан: «Бу бистинг сарлыктарыс эмди чек јерликшиген. Ого јууктаар да арга јок. Коркымчылу, сўзийер — чек аң болуп калган». Монголияның тергеезине ажып баарыста, Цогооннур—Ак-Көлдин јанынан төмөн тўжўп барзаас, тёрбёт малчылардың айылдарына кийдирди. Көрбөр болзо, бўтқўл ферма уй саачылар эмес, сарлык саачылар! Кандый курсак јибедин деер! Бастыра быштак, курут, сарју — је ўзе ле салган аш алтай улустың эдип-жип јаткан курсагы ошкош. Ё бисте јаңыс ла уйдың сўдиненг эдип турганы арткан. Сарлыктың сўдиненг јазалганы кая-жаа ла — Кўш-Агаш аймакта учураар. Сарјуны јаңыс бойына эдип турган эмес, государствово та-быштырып турган продукция. Сарлыктың сўдин база та-быштырып жат. А сарлыктың сўди ийнектийиненг артык деп бис билерис. Бисте дезе, сарлыкты јаңыс ла этке тузаланып жат. Койдың, эчкининг сўдиненг јазаган кымыс та, чеген де амзап јўрдебис. Тёёнинг сўдиненг јазаган кымыс барын угуп јўретем. Монголдо тёёнинг кымызын да, Комды аймактагы Манхан сомонның тобчилеринде болуп, аракызын да тамзыктадыс. Бистинг колхозтордоң, совхозтордоң болгой, керек дезе, улус бойындагы да кой-эчкизин саабай жат. Сарлыкты саары санаада да јок.

1 августта бис Ногоннур (Јажыл-кўл) сомонның јеринде јўрдебис. Эртөнгизинде Улгей городко јеттис. Ондо аймактың јаандарыла тушташтыс. Нўкёр Хабсатор, нўкёр Султан деген аймактың парткомының качыларыла тушташтыс. Бос согоочыларла туштажу болды. Оның кийининде бис Уужим деп улус амыраар јerde туштажу ёткўрдис. Толбо-Нур (Менг-дў-Кўл) сомонның малчыларыла тушташканыс. Бу сомон-

дордо ылгый казақ улус жүртайды дегедий. Керей-казактар деп айдар олорды. Ортозында тоолу майман казактар учуралып жат база. «Керей, найман иғис» деп кеп сбзи бар. Байан-Үлгей аймактың 80 мунг эл-жонының 80 процентинен артыгы казак улус. Артканы ондо Алтайдың урянхайы деп албаты. Анчада ла бистинг Көш-Агаш, Улаган аймактың улузына уғы-төзи, жаңы-чүми жуук. Же тили монголго көчүп калған. Ондо база ас-мас төрбөт, калга деген монгол укту улус бу аймакта база учурайт.

Байан-Үлгей аймак 1940 жылда Комды аймактан бөлининп, башка аймак этире төзөлгөн. Комды аймак дегени — ол озогыда бистинг улус кошко, садуга жүретен Күнбадыш Монголияның төс жери болор. Ол — солун аймак Байан-Үлгей бистинг Көш-Агаш аймакка түнгей. Байан-Үлгейдин тергеезинде 4 күннин туркунына жүрүп, бис ылгый эт жип жүргенис. Картошко до, помидор до — не де жок, ылбырада кайнаткан эт, ўзүги жок урулган ак кымыс. Комды аймакка түжүп барзагар, ондо өзбектө арбуздар, помидор өзөр жер. Олор Улан-Баторды да жеткилдеп жат болған-чоплө. Оның учун Комдының жеринде алдыбыска салган ашқа картошко, помидор кожула берген. Каа-жаа огурчын база учуралып жат. Оның учун орус, латыш нөкөрлөрис ого сүүнинп, чырайлары жарый түшти. Комды озогыда, 230 жыл мынан озо, Алтайды жуулап турған тужында, Манжур Эjen-каанның шибеези болгон эди. Оноң улам ондогы жылу-жымжак жерге кыдаттар кыра салып, монголдорды жер ижине ўреткен. Ол иш ондо көндүгип келген. Кобдо — сүреең солун город.

Л. Ким: — Слер ого баштапкы катап барганаар ба?

Б. Бедюров: — Жок, ондо 1981 жылда эң башкы болғом. Эмди экинчи такып, 7 жылдың бажында бардым. Азыгы на-жыларыма туштадым. Олор мени таныгылап, сүүнгилеп турды. Ол до тушта, эмди де база мен сананғам ла: эленчик оббокөрлиримди Алтайдан бери олжоғо айдап экелерде, олор мында токтобой, өштүгө багынбай, Комды суузын жана кечкели, Темир-Чаган қааның жерин тескери келип, Россияның тергеезине кирген кийнинде бис бойыбыстың история бысты ўргуллиже айлап койгоныс. Төс Азиянан чыгала, Сибирьдинг тергеезине келип кирип, эмди мында алтай албаты болуп, башка жұртап жатканыс ол.

Жазап сананып көрбөр болzon, анчада ла бу жорыкта — мен де, өскө дә улус, монгол бичиичилер бойлоры да, бистинг совет бичиичилер — жарт билгилеп алдылар: бистинг Алтай тудуш эмтири. Жебрен чактанды ала бистинг Алтайыс Монголдың жериле тудуш болғон.

Л. Ким: — Тазыл-тамырынан бери бирлик пе?

Б. Бедюров: — Тазыл-тамыры, кылык-жаны бастыра бирлик, түңгей. Анчада ла Күнбадыш Монголияда, Байан-Үлгей

аймактарда јаткан биске түнгей Алтайдың урянхайы. Олорды алтай улус озогыда комды-сойондор дайтэн. Төрбөттөр, торгоуттар. Захачин — ол јакачын, јака јerde, гранда јаткан улус. Онын учун олорды захачин деп адаган. Захачин, торгоут ла б скоб д калыктарды алар болзо, олор ончозы ойроттын айрылары болуп јат. Ойроттын аймактары дайтэн.

Л. Ким: — Тили бистийине түнгей бе?

Б. Бедюров: — Јок, олордын јаңыс тили биске түнгей эмес. Олордын тили — монгол тил. Јаңыс калка тилге түнгей эмес, ол тилден база башкалу. Тазыл-тамырыла, күрмезиле алтай тил кыргыс, казах, хакас, кумык тилле канайып јуук, шак ойроттордын тили калка тилдерге база јуук. Је ондый да болзо, башка тил. Ононг олордын кажы ла албатызынын тилинде бойынынг база башказы бар эмтири. Јери аайынча бисте кандый эди, олордо јери-јериле база ондый. Јан-кылыгын көрөр болzon, ончозы түнгей ле јуугаш немедий. Темдектезе, бис Байан-Үлгей аймактан чыгала, төмөн түжүп барзаас, ондо Эрдене-Бүрен деп сомон эмтири. Ол сомондо блöt деп албаты јуртап јат. Олöt деп албаты Монголиянынг јеринде јүк ле эки сомондо артып калган. Бир сомон туку ичкери, Монголиянынг бойында. Озогыда Калдан-Бошокту каанынг черүзи болгон эмтири ол блötтөр. Ононг блötтөрдинг угы-төзин сураар болзо, олор айдып јат: бис кайдаң ла Сибиридең келгенес. Сибиридең келген деерде, мен оны сананып турала жартадым: «Слер Сибиридең келген эмезсер, слер Туул Алтайдынг јеринен келгенеер. Слерди оноор апарган Конодой тужында. Эм оны Ондой деп турганы ол. А бисте Олötү деп јерлер коп. Ол блötтөр турган јерлер болуп јат. Чындал айтса — Олötтү. Олордын кезигин Чадак јуулап турар тужында база коп апарган. Ондо барада, олор кайылып калган. Је чырай-кеберин көрзөн, кайкаарынг. Бир кижини көрзөм, сырангай Бичиктү-Боомнынг улузына түнгей. База бир јерге баар болzon, бистинг Улаганнынг албатызына түнгей. Кезик улусты көрөр болzon, Шебалин аймактын улузына түнгей. Үзе ле түнгей не. Керек дезе, чокум улуска кеберлеш. Түп ле түнгей, тен баштерезин кийин алган ошкош. Јаңыс кепке чапкан болбой. Улан-Батордо јүрген Дашиям деп бичинчини көрөр болзо, ол ло бистинг Куладыда Иришев Озойдынг ла бойы. Манкан сомондо Цеденбал деп председатели бар. Ол захачин укту кижи. Ол чырайыла сырғай ла Бичиктү-Боомдо Аспиник Унуковтынг бойы. Түп ле түнгей. Бир кижини көрөр болзо, Арсентий Васильевич Санадый. Оскёзи — Каска Каҳтуновтый. Олордын бастыра эдип јаткан курсагы, кийими, кожоны биске түп-түнгей. А бистер оны билбей олорды монгол деп башкаласананып јадыбыс. Онызы јастыра. Ненинг учун дезе, Базырыктын эпохазын алалык, јебрен скифтер тужын алалык. Монголияда ондый ок корумдар. Бий-тайга деп тайга бар, Улан-Батордынг ўстиги јанында. Ононг чыккан казын-

тыларды-табынтыларды Улан-Батордың музейинде көрғөндө ол бистинг озогы эдимдер. Бу ла бистинг түлкү бычкак тегерик бөрүгистинг кебедели ондо јадып жат. Туку эки мунг јыл мынан озо ол ок јаңыс ўлекери улалып келтир.

Бистинг эң жебрен бичиктерди мөнгүлук бичиктер дайтеш, не дезе, ташка бычылган ол бичиктер. Бистинг жебрен алтай тилле бичилген бичиктер Монголияның јеринде Улан-Батордың күйунында туруп жат. Бис оноор база барып јүрдис. «Тонийукуктын кёжөөзі» деп айдып жат олор оны. Тонийукуктын мавзолейи болгон, же ле деген жаан мавзолейдинг эмди орды ла бар. Же эмди ондо бичиктү эки сырак таш турганча. Ондо ол бичик. Жебрен бичик. Бистинг жебрен тилле. Ол бичикте бистинг эмдиги тодош, тоболбас, кыпчак, мундус, теленгит деген сөйтөр ўзези айдылып жат. 1250 јыл мынан озо бичилген. Ар-Хангай деп аймак бар, Арка-Кангай дегени. Алтай-Кангай деп алтай улустын айдып турганы ол — Каңгай. Ол Каңгайдың јеринде бистинг жебрен бичиктер база туруп жат: Билге-каан, Күл-Тегиннинг экскерткиштү, элебес сөстөри.

13-чи чакты алар болзобыс, «Алтын топчы» деген бичикте, Монголдың летопись-бичигинде Йыңғыс-каан тужындағы бичиктерди алар болзобыс, ондо база бичилгениле — бистинг теленгит, тоболбасторди, тубаларды Чингис-каанның жаан уулы 1207 јылда келип бактырган. Же кан төкпөй бактырган. Олор бойлоры келип багынган деп бичип жат. Багынган кыргыстар деп бичип жат. Же ол, байла, хакастарды айдып турган эмей. Эмдиги тувалар, буряттарды жыштын албатызы деп айдып жат. Жышка јакалай жаткан. Чөлдө эмес, жышка јакалай жаткан улусты олор онойып адаган — ойроттор деп. Айдарда, бис 13-чи чактан олорло тудуш. Оноң бери Ойроттың историязын алар болзобыс, 15-чи чактан 18-чи чакка јетире бис 300 јыл база олорло кожно јаба јуртаганыс, база ўзе тудуш болгон. Бу ла јууга јетире, јууның алдында 30 јылдарга јетире көп алтай улус эки тилдү болгон. Эмди бис канайда эки тилдү — алтай, орус тилдү јүрүп јадыс, ол Ѻйдо дезе бисте алтай ла ойрот эки тилдү болгон. Бистинг каргандарыс ол тилди база билетен. Бистинг көп јурукчылар, темдектезе, Кайырлыкта јуртаган Учар-ака дайтеш кижи улам сайын оноор јорыктап јүретен. Кароголдың, Каспаның, Улаганың, Кош-Агаштың, Оймонның улузы — олор жаантайын оноор јорыктап јүретен. Бойы бойыла тудуш колбулар жаантайын, кажы ла чакта болгоны жарт. Онызын ајарудан чыгарарга жарабас, ундырыга болбос. Бис Россияга кирген Ѻйдоң бери орус којойымдар Жаш-Туранаң јорыктап, јол алып, Кош-Агаштан ары јүрүп туратан. Айла Кош-Агаштың јорт болуп бүткени база оныла колбулу. Оның кийнинде Совет бийинде Чүйдың трагы јазалып, бистинг колбуларыс, Монголия социализмнинг јолына кирген кийнинде Сүхэ-Батордың, Лениннинг јолы деп, бис эмди там элбек, там јакшы колбулар эдип јадырыс.

Мен сананзам, Бистинг Туулу Алтайга бүгүнги күнде жаңыс ла Байан-Үлгей аймакла колбу тударга болорзынбас керек. Байан-Үлгей аймак — ол Монголияның јүк ле 19 аймагының бирүзи. Оноң бистинг улус Байан-Үлгейде жаткан албаты — Монголия казактарының жандарын монголдордың жандары деп жастыра бодоп турганын бис јолой аяарап келдібіс. Жартадыс та, былғап туратан эмтири. Монголдордың, калка-ойроттордың жаңыла казактардың жаңын былғап жат. Оны таныбай-ылгаштыrbай жат. Ондо 19 башка аймак. Ол Комды аймактың улустары бистинг областъта коркушту колбу тударга амадап турганы жарталды. Бис ондо ўч башка со-мондо болдыс. Эрдене-Бүрән деп өлдттөр журтаган сомондо, солун захчин албаты журтаган Манхан деп сомондо болдыс. Ол өзүнгир, шырангкай, омок албаты болуптыр. Монголияда анчада ла захчиндердин бийелери сүреендү солун. Олор ак тонду, Улаганның улузының тондоры ошкош. Ак капиталдар кийинген албаты. Каргандары, балдары коркушту бийечи, омок. Жаламаниның, Ийиннинг улузына түнгей бийечизиле. Олор 30 мунг албаты болуптыр. Өзүп жаткан албаты. Комды аймакта экинчи жерде туруп жат тоозы аайынча.

Је онон Дуут деп сомондо болдыс. Дуут деп сомондо мен 1981 жылда болғом. Ол ондо тен бойыстың төрөл улус журтап жат. Ондо ылгый урянхай. Алтайдың урянхайы деп адалган албаты журтап жаткан болуптыр. Олордың кезиги 1934 жылда Буурыл-Токой Алтайдан (ол эмди Синьизян — Кытайдың жери) бери ажып, Монголдың жерине келген болуптыр. Ондо ортозы јуук кыр ажыра. Ол ондо отурган Доноров деп карған брёкёнгө мен 1981 жылда жолыккам. Ол озогы кеп-куучын билетен кижи. Бир Даржаа деп кижи болгон. Орбён божоп калтыр. Доноров такып ол ло 7 жыл мынаг озо айткан кеп-куучының жартап айдып берди. Мен кайкадым: Монголияда отурган Доноров, Экинурда отурган Шонтой Кокпоев — айткан кеби жаңыс, бүткен тазылы жаңыс. Куучындаган немези — ол Буурыл-Токой Алтайдан бис чыкканыс деер. Буурыл-Токой Алтай кайда деп сураар болzon, Эрчиш бажы, Эки Эрчиштинг бажы, бистинг озогы кабайыс ондо болгон деер. Оноң чачылала, кезиги оноор ары барған, Монголдың жерине, кезиги бу дöйн келген. Куучындан жаткан куучынын бириктирип келзен, база жаңыс. Жаңыс аай айдып жат, жаңыс озогыда болгон учуралдар керегинде айдып жат. Темдектезе, олордо Амыр-Санаа, Шуну керегинде куучындар бар. Урянхайларда ол болбой кайтсын. Олор оны ўзе айдып жат. Оноң түнгейлештирзен, бистинг алтай улустың куучында база таптажа берер — төзи жаңыс. Солун туштажулар коп болды, је ончозын айдар аргам жок.

Л. Ким: — Је, текши суракла айтса, амадугар, байла, бүткен?

Б. Бедюров: — Онызын бу Слердинг алдыгарда эзен-амыр отурганым керелейт. 9 августка жетире бис ол эки аймактың јериле јорыктап јўрдис. 8 августта энгирде Комды городтың тўс тепсегинде, Аюш деп албаты геройының тепсегинде јашёскўримининг кодўрингилў митинги болгон. Ол митингте бистер куучын айдып, ўлгерлер кычырып, бийелеп, ондай јыргалду, јакшынак ойынду туштажула Алтай кечире јорыгыс туузылган: Јаш-Турананг Комдыга жетире јаан ѡол ёдўлген.

Чындал, Монголияда мынди эмтири: олордың јаандары бис чилеп трибунага чыккылабай жат. Комды аймактың парткомының баштапкы качызы — Тўмен-Жыргал деп кижи бисле кожно митингте отурды. Аймакисполкомның председателининг заместители нўқёр Дабаа-Цэрэн бисле кожно јорыктап јўрди. Байан-Улгейдинг јаандарын бис јакши билерис. Ол Хабсатор, Султан нўқёрлёр бисле кожно бойлоры база јорыктап јўрди. Онон митинг болордо, олор бойлоры јииттерле, пионерлерле кожно бийележип те турат, ононг микрофонның јанына келеле, куучын да айдып турар. Онойып, оқылу керегин, ойын-жыргалын элиштирип-селиштирип эдетең јанду эмтири. Онызы база јакши деп мен јарадып кўрдим. Бўгўн чўм-чам, бюрократияның тыыдыныжы, јамыркаш-јааныркаш кемге керек.

Эртенгизинде 9 августта Комды городтың јанги тудулган јакшынак аэропортынаиг АН-24 самолетло Улан-Баторго учтас. Улан-Батордо 5 кўн болдыс. Улан-Батордың музейлери, библиотекаларыла таныштыс. Монголияда буркан јангын эмди иштеп турган сок јангыс монастыры — Гандан деп кўре бар. Тирў намаларды ондо кўрдис. Мен ондо 1981 јылда база кўргом. Тонийуккунтаг ќожёбзине барып јўрдис. Онон Монголдың бичиичилери, ученыйларыла туштажу болды. Монголдың Тўс радиозыла, телевидениеле интервью бердис. «Монголия» журналга база интервью бердис. Онойып, бистинг јорык јенгулў бўткен. Же ачығынча айдар болзо, биске бу јорык, бир јанынан, аар-кўчке келишти, чылаазынду болды. Бистинг де Туулу Алтайдаг ѡлдорын кўскўдий киленг, јарашиб деп айдып болбос. Чуйдаг трагы да болзо. Эмдиги ёйдёнг сондоп калган. А Монголияны ары ажып барзагар, ондо сай ѡол деп неме юк деп јартынча айдар керек.

Л. Ким: — Келишкенче ле мантадар ба?

Б. Бедюров: — Келишкенче ле мантадар. Онон тайгала-рына чыгып барзанг, бистинг атту јўретен таскылдарды олор «Уазиктў» мантадып жат. Мен канча катап барада санандым: «Акыр, эмди ле, бу ла ташка шиназын ойо сайдырып алар, отурып калар боловорыс» — деп. Йок! Олор кандай ла таштарды ажыра мантадып, эбира согуп, та канайып-канайып чыгатан. Ол јанынан коркышту капшуун, чыйрак, откўлей ле берген турар... Ўзебис эзен-амыр јўрўп, айлы-јуртыбыска ай-

ланып келдис. Же Саша Плитченко ло Улдис Берзиньш — бистинг латыш ла орус нёкёрлөрис тың чылаган, сүреең јобогон деп айдар керек. Бис бойыс та јобогоныс, же бистер канайтса да көчкүн албатының ач-үрези болуп турган адыста, база чыдажып ийгенис. Мен Комдынаң ары, тен карын да қанатталып баратканый болгом, же јорыкты оног ары самолетло улалтарга келишкен. Улан-Баторго жетире. Сырангайла бир де алдырышпаган, быжым эттеген кижи — ол 70 јашту калка брёкөн Мөнгүне Чимид деп айдар керек. Бир де алдырыбаган. Коркышту бек, чыдамкай улус эмтири, монголдор.

Эмди бистинг экспедициябыстың јорыгы мынайып јенгүлүү, једимдү туузылган кийинде бистинг алдыбыста — төс иш. Көртөн немени көзисле көрүп алдыс, угатаң немени көгүске сугуп алдыс. Эмди оны ак чаазынга коччурер керек. Монгол нёкёрлөр бойының тилиле бичигилеер, бурят, латыш, орус јолдошторым бойының тилиле, мен — алтайлап, орустап бу јорык керегинде бичип, најылыктың текши бичигин бүдүрер күүн-санаабыс бар. Кажыбыс ла оны тан алдынан бичири. Оног кажыбыс ла бойы бойыбыстың јерлеристе чыгарарыс. Бистинг планыста оны 1990 јылда чыгарары темдектелип јат— Туул Алтайда. Ого јаңыс ла бу экспедицияның бойында јорыктап јўрген улус эмес, же Монголия, Алтай керегинде, бистинг најыларыс керегинде бичиген öскö дö алтай поэттердин, бичиичилердин чүмдемелдери текши кирер деп бодоп турум. Бис оногайып эмди текши јуунты белетеерге јадыбыс. Же Потанинге, байла, једижер аргабыс јок болор, а бот Потаниннинг, Радловтың ол öйлөр керегинде бичиген озогы бичиктеринең оног база кожорыс. Албатыга солун болор. Оны бистинг эмдиги јашоскүрим билер эмес. Јашоскүримнен болгой, бистинг интеллигенция да билбес. Оны тоолу-тоолу ла специалисттер, öнöttийин казынып иштеп турган улус кычырган, көзи табарган. Öскö оны кем де билбес. Оног бу јорыкла колбой, ѡол узун, «јортсо-јортсо, ѡол алар, ѡолуғышса сөс алар» деген бирүзи — ѡолой барадып, көп-көп шүүлтөлөр көксибиске база илинген. Эмди перестройканың бийинде бис кандый ла јўзүнбазын эп-аргаларла иштеерге күйүренип јадырыс.

Бистинг бу јорыгысты Москвада, Улан-Батордо база жакшы баалаган, темдектеген деп айдар керек. Темдектезе, эмди мындый шүүлте бар: Алтайды эбирае ѡол чыгарар керек. Улу Алтайды эбирае. Эдии албас неме јок. Совет Алтайдың, Монгол Алтайдың, Қыдат Алтайдың јерин айланар: мынаң Чуйдың трагыла Монголдың Алтай јерине баар. Эмди совет ле қыдаттың колбулары там жаранып јатканы иле. Комдыда айдышкан: «Быыл Қыдатла гранды ачарыс, колбулар болор, ары-бери öдүжер» — деп. Эмди ўстине колбулар јўк ле Улан-Батор — Пекин ажыра öдүп јат, а мынаң ары саду, культура, экономика колбулары экпинделе берер олордың ортодо. Оның учун мынайда барада, Монгол Алтайдың сынын ажала,

Буурыл-Токой Алтайга, Эрчиш бажына једип барада, ойто бу Зайсан-көлдөн келеле, Эрчишти төмөн жүзүп түжер. Шак мынайда Күнбадыш Алтайдан Усть-Каменогорск — Новосибирск — Бийск ажыра улу жолды туузылтар арга бар.

А бистинг јорыгысты кирелү дейдеер бе? Жаш-Туранан Күнчыгыш тёён чыккан, Жаш-Туранан Комдыга једеле, Комдынаң Улан-Баторго једеле, Улан-Батордон бис 15 августта самолетло Москва jaар учтыс. Москванан ойто бери жанран. Берзиньш бисти Латвияга кычырган, Дугаров Бурятияга кычырган, је јерлү кижи јерине, иштү кижи ижине деген бирүзи, бис Плитченколо кожо «Сибирияк» поездке отурып, эки конып Новосибирскке једип келдис. Плитченконы јетирип койоло, бойым Том-Тураның поездине отурала, Бийскке — Жаш-Турага једип келдим. Онон бери Горно-Алтайскка таксилў жанып келдим. Јорыкты баштаган бойым адакы учында келдим, арткан нөкөрлөр айлы-јуртына менен эрте јеткен.

Је эмди сананар болзо, Монголиядагы туштажулар ончобыстыг көксинде узакка ундылбай артар. Мен оны күнүнг сайын сананып отурым эмди. Ол керегинде бичийин деп. Эм белете-нип отурым. Канча јылга шүүнгем. Онотийин ол јолдо бичиген бичиктеримди, магнитофонго тартып алганымды угуп жадырым, озогы бичиктерди кычырып отурым. Монголдор бойын күннин албатызы деп айдып жат. Күн улус деп аданып жат. Бис, алтай улус, база айлу-күндү Алтайыс деп алканып айдадыс. Бистер күн жанду, күн жаркынду ороондор болуп жадырыс.

Монголия — сүрекей байлык ороон. Кезик улус айдып жат — Монголия уйан, Монголия јокту деп. Чын, материальный жанынаң алгажын, эм ўстине уйан, је ол материальный жаны — белен јоголо беретен неме. Ол 5—10 жылдын туркунына экспиндү өзүм болзо, ондо ўзе өзүп чыгар, боскорё берер. Олордын јери эржинелү јер. Бастыра јерининг алдын, чүрче ле казып ийзег, ондо не јок деп айдар! Је элден баштап олордын эн жаан байлыгы — олордын көкси, жүргеги. Ондый байлык эмди телекейде јок. Монголдын жүргегинде — ак санаа. Олор качан да төгүнделп билбес, ууры-сук этпес. Бистинг де алтай улус озогыда база ондый болгон — төгүн сөс айтпас, мекеленбес. Ондый ак санаа, ак жаркын, ачык күүн — монголдордын жүргегинде. Бу күн ороон, күн жүректү улус.

Л. Ким: — Је јилбүлү куучын учун Слерге быйан болзын, Бронтой Янгович. Сананып алган бичигеер, байла, солун болор. Чүмдемел ижигер једимдү болзын!

ТҮРКОЛОГИЯ — 88

(Ороонның түркологторының јууны керегинде)

Былтыр Қыргызстанның төс города Фрунзеде бастыра Союзтың түркологторының бежинчи конференциязы өткөн. Оның төс аяарузында түрк укту калыктардың тилин, оос чүмдемелдерин ле литературазын, анада оқ историизын ла этграфиязын ўренетен сурактар турды.

Конференцияның ижинин программазыла «Манас» эпос аайынча наукалык симпозиум өткөн. Оның ижин атту-чуулу совет бичинчи, Қыргыз ССР-дың наукалар Академиязының академиги Ч. Т. Айтматов башкарды.

Конференцияның кыска кире сөслө төзөмөл комитеттинг председатели, Қыргыз ССР-дың Министрлер Советинин председателининг заместители Р. И. Отунбаева ачкан. Уткуулду сости Қыргыз ССР-дың наукалар Академиязының президенти, академик Н. П. Лавров айткан.

Конференцияда турушкан ончо улус Чынгыз Айтматов бойының калыгының түүки-историязын, көгүстик культуразын жаңыс ла Октябрьдың кийниндеги бйди албай, ёбрен чактарда башталганынағ ала шиңдеер, түрк укту улустың бичиген культуразы керегинде билерин теренжидерине түрколок-ученыйларга кычыру эткенин жарадып уктыбыс.

— Суракты тазылынан алар керек. Үрениктер түрктердин ёбренде бичигени ле культуразы керегинде билери керектү. Бойының түүкизин ле культуразын билип турганы бийиктедерине, ол ажыра бастыра обществоны бичикчи эдерине јомолтö болор. Бүгүнги күнге жетире түркология керегинде науканың өзүми түйукталып калгандый болгон. Эмди оны орныктырар, јолын арчыыр, тыңыдар өй келди. Биске бу суракты теренжиде ле элбеде шүүп көрөр керек — деп, Ч. Айтматов айтты.

Конференцияда турушкан улусты уткыган сости түркологтордың Совет комитетининг председатели Э. Р Тенишев айтканын јилбүлү уктыбыс.

Оноң конференцияның текши јуунында «СССР-де түрк тил керегинде науканың эмдиги өйдөги айалгазы ла мынан ары бскүрип баратаны керегинде» докладты Қыргыз ССР-дың наукалар Академиязының академиги Б. О. Орзузаева этти. Докладта түрк тилдерле куучындап турган улустың тоозы бистинг ороондо славян тилдерди ээчиде турганы темдектелди. Түрк калыктар коп нургуны СССР-де јуртагылайт. Жер ўстинде бүгүн бар 25 түрк калыктың јирме ўчи Совет Союзта. Јўк ле эки калык — түрк ла уйгурлар гран ары жана.

Историк ле этнограф ученыйлар — Туркмен ССР-дың наукалар Академиязының член-корреспонденти С. Г. Агаджанов ло Қыргыз ССР-дың наукалар Академиязының член-

корреспонденти Т. Табышалиева ѿмблажип кожо эткөн доклад СССР-да түрк калыктардың ук-аймагы ла история-культурадагы колбуларының турултазына ла суректарына учурлалды.

Текши јуун өткөн соңында секциялар иштеген.

Конференция өдүп турарда биске, анда турушкан улуска, журналисттер көп сурак бердилер. Темдектезе, меге республиканың газедининг корреспонденти бу конференция алдында өткөндөринен незиле башкаланды — деп сураарда, мен айттым: «Быылгы конференция ороондо јаан јаныртулар болуп турган өйдө ачылды. Бу өй революционный јаныртуларда чокым иш бүдүрип баштаганыла јилбилү. Бастыра общество чылап ок, бисте база чокым јаныртулар башталды».

Жүрүм-салым кандый болотоны јарталып турган эмдиги өйдө совет ученыйлар бойлорының алдында турган эң ле јаан учурлу јакылталаарды бүдүрер учурлу деп, М. С. Горбачев айткан. Чындал та, түркология аайынча быылгы бежинчи конференцияда национальный ла орус тилдерди ўренер, төрөл тилдерди ле литературааларды ўредерин, национальный кобуларды јарандырарын ла боско дö јаан учурлу суректарды шүүшкен.

Меге литература шингдеш ле фольклористиканың секциязында иштеерге, оноң фольклористиканың подсекциязының ижин башкаарара келишкен. Бу секцияның ижинде кезик докладтар сүреен јилбилү бололо, талту тың blaаш-тартышту шүүжилди. З. Г. Османова «Октябрь алдында Россияда јаны бүдүмдү литератураалар тозөлгөн текши ээжилер керегинде» докладында Орто Азия ла Казахстанның калыктарының литератураалары Октябрьдагы революциядан чик-жок озо тозөлип башталганын темдектейле, бир де буру јокко јамандадып, литературага учурлалган иштерден адын кырып салган авторлорды адаган. Литература шингдеечи ишчилердин алдында турган сурак — андый бичинчилердин ады-јолын орныктыратаны деп айтты.

Революциядан озогы кыргыс литератураның историязын шингдееринде јаан учурлу иштерге бойының докладын Кыргыз ССР-дың наукалар Академиязының тил ле литература јанынан институдының директоры А. Э. Эркебаев учурлады. Ленинградтың ученыйы С. Г. Кляшторныйдың јебрен түрктердин таш бичиктеринин јүзүнин јартаарына учурлаган докладын тың јилбиркеп укканыс. Кыргыс фольклордың национальный јуунтызын белетеери керегинде философия наукалар кандидады С. Т. Кайынов куучындады. Казах ССР-дың наукалар Академиязының академиги З. А. Ахметов «Литературада шүүлтө сөстөрди — терминдерди, бодолдорды тузаланаарының эп-аргазы керегинде» элбек доклад эткен. Атту-чуулу бичинчи Ч. Айтматовтың ижинде национальный ла интернациональный кобулар көргүзилгенине Кыргыз ССР-дың наукалар Академиязының член-корреспонденти

А. С. Садыковтың доклады учурлалды. Жиит ученый-литературовед, филология наукалар кандидады А. Ахматалиева «Литературалар бой-бойыла колбулу болорында Ч. Айтматовтың жайаандығы керегинде» доклад эткен. Л. Укүбаеваның доклады М. Ауэзовтың «Абайдың жолы» деп романы Ч. Айтматовтың бичинчи болуп тыңтырына јомөлтө эткенине учурлалды.

Түрк калыктардың кай чөрчөктөринде ўлгерлегенин шиндеер ишти бир аай өткүрерине докладын Казахстанның фольклорчызы Ш. Ибраев учурлаган. Эмдиги өйдөги түрк тилдүү литератураларда жүзүндерди байгызырында фольклордың учуры керегинде Москвандың ученыйы Т. Давыдова куучында.

Фольклористиканың подсекциязында «Монгол укту албатылардың кай чөрчөктөри керегинде сурак аайынча» Иркутсктагы университеттеги профессоры, филология наукалар докторы Н. О. Шаракшинованың доклады, «Азербайджан калыктың «Көрөглө» эпозында баатыр Гырат аттын кеберининг учуры» деп тема аайынча Бакудан келген филология наукалар докторы М. И. Акимовтың доклады тың јилбилүү болды.

Дагестанның фольклорист-ученыйы С. М. Алиев «Јебрен өйдөги ле орто чактардагы түрк калыктардың фольклор-кееркемел жайаандығы керегинде» жетирүү эткен. Кыргыс јериинде јуртаган дугандардың фольклоры керегинде филология наукалар кандидады Ф. Х. Макеева куучындаган. Башкир калыктың ойгор улузы керегинде оос чөрчөктөриле А. М. Сулейманов таныштырган.

Программада темдектелгенине ўзеери филология наукалар докторы Р. Б. Бердибаев казах фольклор аайынча ученыйлардың иштериле таныштырган. Алтай ученый, филология наукалар кандидады К. Э. Укачина «Алтай той өткүреринде кожонгдордың учуры керегинде» куучындайла, былтыр жайыда Туулу Алтайла јорыктаарда магнитофонго бичип алган фольклорло таныштырды. Туркмен калыктың фольклоры аайынча ученый, филология наукалар кандидады А. Б. Карыева туркмен албатының табышкактары аайынча жетирүү эткен.

Тюркология аайынча бежинчи конференцияда бастыразы 44 доклад кычырылган. Жаан научный учурлу бу конференция анда турушкан улуска укташ тилдүү калыктардың оос ўлгерлик иштериле теренгжиде таныжар арга берди. Олордың көгүс культуразы текши болгонын теренгжиде јартаган. Конференция — бистинг албатылар најылык болорын ла ѡмбөлжөрин тыңыдарында жаңы алтам.

Конференцияның учындагы јуунында текши резолюцияга фольклористтер көп шүүлтөлөр эттилер. Секцияның јакылтазы аайынча ол шүүлтөлөрди мен кычырдым.

Тюрколог-фольклористтер «СССР калыктарының оос чүмдемели» деп журнал чыгарып баштаары керегинде КПСС-

тың Төс Комитетининг наука бөлүгүнинг ле СССР-дың наукалар Академиязының алдына сурак тургуссын деп түркологтордың Совет комитетине кычыру эткен. Ол журнал карындаштык калыктардың көгүс культуралары бой-бойының байыжарына јомбөлтө эдер, калың эл-јонды калыктардың ойгор шүүлтөлөриле таныштырып, фольклор аайынча иштерди башка-башка јерлердеги ученыйлар өмбөлжип бүдүрер арга берер эди.

Резолюцияга ВУЗ-тардың филология факультеттеринде түрк фольклордың курсын кожоры керегинде шүүлте бичилди. Анайда эткени студент јашоскүримди интернационализм ла патриотизмге тазыктырар ишке јомбөлтө эдер деп шүүп турубыс. Бис анайда оқ түрк фольклордың эң талдамазын орустылгы көчүреле, кепке базып чыгарар ишти там тыңыдары керегинде, революциядан озогы ориенталист-ученыйлардың иштерин кепке базып чыгарары керегинде, оок албатылардың, темдектезе, шорлордың, дунгандардың, гагаузтардың ла боскёлорининг де фольклорын јуурина ла шингдеерине ајару эдери керегинде шүүлте эткенис.

Түркология аайынча V конференцияның программазыла «Манас» деп эпос аайынча ёткөн симпозиум турушкан улустың ончозына тың јараган. Симпозиумда «Манас» аайынча ученыйлар докладтар эткен, манасчы-кайчыларды экспидүр колчабыжула уткып уккан.

Конференцияның культурный программазы јилбилү ле солун болды. Бис кыргыстардың јебрен культуразыла таныштыс, искусствоның устарының ойын-жыргалын көрдис, јарлу бичничилерile, артисттерле, акындарла, кожончыларла, кайчыларла таныштыс. Кыргыз ССР-дың төс городының музейлеринде, јаан учурлу јерлеринде болдыс, Ызык-Көлгө барып јүрдibis.

Мындай јаан туштажуда болгоны Туулу Алтайдың фольклористтерине анчада ла керектү.

С. КАТАШ

ЈОЛ-ЈОРЫҚ, ТУШТАШТАР

Былтыр 20 октябрьда атту-чуулу алтай бичинчи Л. В. Ко-кышевтинг 55 јылдыгы толгон. Ого учурлай Горно-Алтайскта, областының көп јурттарында Ко-кышевтинг кычырыштары, оны кереестейтен Күндер, литератураларынг энгирлери ёткүрүлген. Ондай иштердинг бирүзи «Жеребисте јарыткыш болуп күйели!» деп адалып, 21 октябрьда Кан ичинде культураларынг Кырлык-тагы байзынгында ёткөн.

Энгирде Лазарь Васильевичтинг ўлгерлери, кожондоры ја-

згыланган, чүмдемели зайыча ойын-јыргал көргүзилген, јербайының «Чедирген» киностудиязы «Эл-Ойын-88», «Туул Алтайдың алтын жайы», «Озочыл койчы Мишкунинг билези» деп документ фильмдерин алтайлап көргүсken. Бу киностудияны Виктор Көлүев башкарат. Ол аймакисполкомның культура болүгининг ижинде эрчимдү турожат. Киностудия аймактың автоклубының (башкараачызы Тожыла Энчинов) артисттерile кожно јорыктайт.

Энгирде бичничилер Ж. Каннчин, С. Каташ, К. Толбосов, Алтайдың бичик басмазының Туул Алтайдагы болүгининг баш редакторы Б. Угаров база болгондор. Олор анайда ок Экинур, Кырлык, Мондур-Соккон, Ябаган јурттарла јорыктап, школдордо алтай тил ле литератураны ўредерин јаандырары аайынча областының ўредүчилерининг Кан-Оозы јуртта ёткөн јуунында турушкандар.

* * *

25 октябрьда РСФСР-дың бичничилер Бирлигининг Башкартузындагы РСФСР калыктарының литератураалары аайынча Советте А. Адаровтың жайаандык ижи шүүжилген. Шүүжүни Башкартуның качызы М. Шевченко башкарып ёткүрген.

Туул Алтайдың бичиичилик биригүзининг каруулу качызы Б. Я. Бедюров А. Адаровтың јүрүми ле жайаандык јолы керегинде куучындан, ол бир канча ўйе алтай бичиичилерди сургадып таскаткан, төрөл литературазын ѡскүреринде көп иштеген поэт, драматург, публицист, эл-жондык ишчи болгонын ағылады.

А. Адаровтың жайаандыгы керегинде докладты критик-сбүшчи В. Дементьев эткен.

Куучын айткандар: М. Ломунова, П. Самык, Э. Балашов, В. Дольников, В. Евпатов, В. Чукреев, Ю. Лукин алтай бичинчинин оос чүмдемелле, бүгүнги күнле колбулу ўлгерлигин ончо жанаңа ајарулу шүүшкендөр. Анайда ок бир кезек ајарулар, тузалу шүүлтелер база айылган, кочуриш жанаңа, төс јерлердин бичиичилерин автоном республикалар ла областтарда база шүүжери керегинде сурак көдүрилген.

* * *

18 ноябрьда ёткөн отчетту ла выборлу XXX городской партконференцияда Э. М. Палкин КПСС-тың горкомының членине, 3—4 декабрьдагы отчетту ла выборлу XXVI областной партконференцияда Б. Я. Бедюров КПСС-тың обкомының членине, А. О. Адаров обкомының членине кандидат эдип, 16—17 декабрьдагы отчетту ла выборлу XXIII краевой партконференцияда С. С. Каташ КПСС-тың крайкомының членине тудулгандар.

* * *

«Малыш» издаельствоның айтырузыла јиит бичиичи К. Тепуков 20—23 ноябрьда Москвада болуп, анда быјыл чыгатан бичигежи јанынаң иштеди.

* * *

25 ноябрьда бичиичилик биригүзининг литконсультанты Ж. Б. Каинчин ле К. Тепуков педучилищеде келер ёйдин ўредүчилерile туштажып, балдардын литературазы керегинде эрмек-куучын ёткүргендер.

* * *

28 ноябряда К. Козлов ло Ж. Каинчин Горно-Алтайсктын алтынчы школында болуп, балдарды патриот ло интернационалист күүн-тапка таскадары керегинде куучындагандар. Бу оқ темала Б. Укачин бежинчи школдо куучын айткан.

* * *

Кан-Оозында јуртап јаткан поэт Ш. Шатинов 28—30 ноябряда Горно-Алтайскта болуп, 1988 јылдагы јайаандык ижи керегинде бичиичилик биригүзининг Бюрозының алдына отчет эткен.

* * *

7—9 декабря Горно-Алтайск городто балдардын журнальның баш редакторы Ольгерд Блажевич (ПНР) ле Москвадагы «Детская литература» журналдын баш редакторының заместители Игорь Нагаев болгондор. Олордын амадузы — балдарга учурлап бичип турган алтай литераторлорло туштажып таныжары, олорло мынан ары јуук јайаандык колбулар тудары.

Келген күн олор партия обкомының качызы Б. К. Алушкинле, бичиичилер биригүзинде јайаандык ишчилерле туштакан. Калганчы эки күн областтын орто ўредүлү национальный школында, педучилищеде, күүлик школдо, балдардын алтынчы садында, Полежаев оромдогы тогузынчы турада (1941—1946 јылдарда ол туштагы Ойрот-Турада кату-кабыр јылдарда Блажевичтер бу эмдиге турган болчок турада јаткандар), он экинчи школдо (О. Блажевич бу школдо ўренген) болгондор. Олорло кожо город ичиле бичиичилер биригүзининг каруулу качызы Б. Я. Бедюров, литконсультант Ж. Б. Каинчин јўргендер. Күндүлү айылчыларды кайда ла сүрекей јылу уткыгандар.

О. Блажевич ле И. Нагаев бу кайкамчылу јол-јоругы көрсөнде бичип, «Эл-Алтайдын» редакциязына ийер болгондор.

* * *

20 декабрьда Москвада Союзтар байзыгының Колонналу залында «Лачплесис» деп латыш эпостын 100 јылдыгына ла оны чүмдееки А. Пумпурга учурлалган көдүрингилүү эгир өтти. Анда Туулу Аллтайдаң бичинчилер биригүзининг каруулу казызы Б. Я. Бедюров турожып, куучын айткан, алтай литератураның Латвиядагы Күндерине учурлалып, 1986 јылда «Эл-Алтайда» жаралган «Лачплесистинг» ўзүгүн Н. Шумаров кайлап берген.

Т. ТОНГУЖАН

БИБЛИОГРАФИЯ

АЛТАЙ БИЧИИЧИЛЕРДИН ЧҮМДЕМЕЛДЕРИ

Москвада «Современник» бичик чыгаруда былтыр А. Адаровтың «Высокий Алтай» деп ўлгерлик јуунтызы чыкты.

Бу оқ издаельство РСФСР бичиичилерининг чүмдемелдеринең турган «Россияне» деп ўлгерлик јуунты кепке базылды. Бичик Улу Октябрьдың 70 жылдыгына учурлалган. Тургужаачызы — Н. Карпов. Бу бичик көп ук калыктардың најылыгын көргүзет.

Јуунтыга Туулу Алтайдан П. Кучияк, А. Адаров, Б. Бедюров, Э. Палкин, Б. Укачин, П. Самыктың ўлгерлери киргендеги.

«Алтай» (3 №, 1987 ж.) альманахта поэттердин оос кычыру-ўлгерлери «От Невы до Катуни» деп текши бажалыкты ярлалды.

Кычырулардың авторлоры — совет литератураның Алтайдагы Күндерининг туружаачылары: Ю. Шесталов, В. Балачан, Н. Трегубов, В. Махалов ло онон до ёскоблори. Олорлар кіножо бистинг алтай поэттер Б. Бедюров ло Б. Укачиннин И. Фоняков көчүрген ўлгерлери ярлалды.

Б. Укачиннинг ўлгерлери «Октябрь» (11 №, 1987 ж. ла № 1988 ж.), «Дон» (11 №, 1987 ж.), «Байкал» (2 №, 1987 ж.), «Полярная звезда» (2 №, 1987 ж.), «Веселые картинки» (10 №, 1987 ж.) ла «Алтай» (3 №, 1987 ж.) журналдарда кепке базылды.

Бу оқ бичиичининг К. Кулиевтинг јайаандык ижине учурлалган «Доброта раненного камня» деп статьязы ла ўлгерлери 1987 жылда Нальчикте кепке базылган «Остаться в памяти людской» деп бичикте ярлалды.

АЛТАЙ БИЧИИЧИЛЕР ҚЕРЕГИНДЕ

«Москва» (10 №, 1987 ж.) журналда В. Дементьевтинг «Забегущим днем» деп статьязы Улу Октябрьдың 70 жылдыгына совет калыктардың литератуralарының өзүмине учурлалды.

Автор ижинде ёскб национальный прозаиктердин чүмдеген шынгүлеген айас кырпыштай Б. Укачиннинг «Убить бы мне голод» деп повезин ајарат.

Статья бир канча болүктөн турат. «Восьмидесятые годы — наши?» деп болүкте Б. Бедюровтың жаайандыгы керегинде жылу сөстөр айдылып, ол ороон ичинде эң жайлалту национальный, курч поэттердин бирүзи деп темдектелет.

Ж. Кайнчиннинг 1986 жылда Москвада чыккан «Ожидание весны» деп жуунтызы керегинде П. Буковецкийдин «Литературное обозрение» (9 №, 1987 ж.) журналдан жарамыкту рецензиязыла таныжыгар.

В. Дементьевтинг 1985 жылда Туулу Алтайда чыккан «Звездный путь: Поэзия Горного Алтая и других сибирских народов: прошлое и настоящее» деп бичигин В. Огрызко «Молодая гвардия» (6 №, 1987 ж.) журналда жарлалган «Дорогами поэзии» деп статьязында шингдейт.

«Литературное обозрение» (1 №, 1988 ж.) журнале А. Адяровтың 1985 жылда Москвада кепке базылган «Слово, сказанное людям» деп бичиги керегинде Б. Колымагиннинг рецензиязы жарлалды.

«Сибирские огни» (8 №, 1987 ж.) журнале Б. Бедюровтың «Земля, близкая к солнцу»: Слово о родословной. Слово о книге. Земля, близкая к солнцу. Большая наша земля» деп статьялары чыккан. Бу статьялар учун ого журналдың 1987 жылышын лауреады деп күндүүлү ат-нере адалган. Ол керегинде жетирүй «Сибирские огни» (1 №, 1981 ж.) журналдан табарыгар.

ТУУЛУ АЛТАЙ КЕРЕГИНДЕ БИЧИГИЛЕЙТ

Сибирьдеги «Наука» издательство В. Д. Кубаревтинг «Курганы Уланdryка» деп бичиги 1987 жылда чыккан.

Бу монографияга Туулу Алтайда скифтердин жадын-јүрүми айынча историяда баштапкы катап шиңжүлү иштер ёткүрилгени керегинде материалдар кирген. Шиңжүлү иштер 1968 жылда башталып, 1983 жылга жетире ёткүрилген. Бу юйдиг туркунына сегис сböксалгыштан 42 корым ачылган, ол тоодо жети сböксалгыштагы иш учына жетире ёткүрилген. Казынты иштерде Новосибирсктеги университеттинг ле Туулу Алтайдың пединститутудының студенттери турушкан. Шиңжү иштерди В. Д. Кубарев башкарған.

Бу ок издательство былтыр «Скифосибирский мир. Искусство и идеология» деп бичик база чыккан. Бичикке В. Д. Кубаревтинг «О назначении зооморфных наверший из курганов Пазырыка и Уланdryка» деп статьязы кирген.

«Правда» (23 октябрь 1987 ж.) газетте В. Саповтың ла Е. Соломенконың «Не экзотика — тайга» деп статьязында Алтайдагы байлу жер керегинде айдылат. Заповедниктиң жеринде јол јок, телефон јок, улус јадар туралар тудулбай јат,

наукада шингжүү откүрер јанғы јазалдар юк деп бичигилейт.

Бу ок газеттинг 1987 јылда 13 ноябрьдагы номеринде Е. Соломенконың «В гостях у веков» деп статьязы јарлалды. Бойының статьязында Е. Соломенко Новосибирсктеги история, филология ла философия институтының директоры, СССР-динг наукалар Академиязының члені А. П. Деревянколо кожо Туул Алтайдағы эң жебрен күй-таштарга јүргени керегинде айдат.

Мында баштапкы иштер 1984 јылда башталган. Окладниковтың адыла адалган күй-таш Туул Алтайдың археологорына мөнгкүлиләр эржине деп айдар керек.

Оноң жебрен кижи — неандерталецтинг тиштери, ўйе-сöбиги ле жебрен өйдөги өзүмдер табылган. Бу сöбк-тайакты ученыйлар радиоуглеродный шингжүү ажыра кöröрдö, оның жажы 42 мун јыл болгон. Онойдордо, ученыйлар мындай шүүлтеге келгилейт: Америкага улус Сибирьден таркаган. Тургуда өйдö институттың ишчилери Туул Алтайда история ла археологияның байлу јерин ачар керек деп шүүлте эткилайт.

«Советская Россия» газеттинг 1987 јылда 21 ноябрьдагы номеринде «Сохраним природу для потомков» деп жетирү чыкты. Мында Туул Алтайда экинчи государственный байлу јер ачылары керегинде айдылат. Ол байлу јер Катунский деп адалар. Ого Кадын бажы Уч-Сүмер ле оның jaan салаалу суулары, Ак-кем, Кујурлу, Аркыт, Кок-Сууның јерлери ле тайгалары кирер.

«Уральский следопыт» (10 №, 1987 j.) журналда А. Одинцовтың «Каракольские живописцы» деп жетирүзи јарлалды. Анда Онгдай аймакта Карагол јурттагы археология казынтылар керегинде айдылат. Мында табылган јуруктар Окунев культурага келижет, ондай кереестер эм ўстине учурабаган деп, учений археологтор темдектейт.

СССР-динг наукалар Академиязының Сибирьдеги бólüгү «Тепловое поле недр Сибири» деп монография кепке басты. Бичикте Сибирьде 1964—1984 јылдарда откүрилген геотермический шингжүлөр керегинде айдылат. Бичикте А. Д. Дучковтың «Геотермические исследования на Телецком озере» деп статьязы кирген.

1987 јылда «Мысль» издаельство Г. Т. Арсеевтинг «Водопады» деп бичиги кепке базылган. Бу ороон ичинде баштапкы ангылу бичиктердин бирүзи. Бичикте Туул Алтайдың учар суулары: Корбу, Киште, Jaan Шалтан керегинде айдылат. Туул Алтайга келип иштеген ученийлар: Альфред Брем, В. Сапожников ло П. Хороших керегинде јылу сöстöр айдат.

«Комсомольская правда» (5 март, 1988 j.) газете Аба-Жыштың анчзы Азия Ильтеевтинг «Воспоминание о кедре» деп статьязы јарлалды.

Нöкбр Ильтеев Туул Алтайда мöш агаш юкко јуук болуп баратканы керегинде кородоп бичип, мындай солун темдек-

тер эдөт: 1912 јылда ороон ичинде тайгалардан 220 мун тонна кузук јуулатан, 60-чи јылдарда — 8—10 мун тоннага түшкен. Јаныс ла Чой ло Турачак аймактар јылдың сайын 6 мун тонна кузук јууп табыштыратан. 1986 јылда ороондо јүк ле 2,5 мун тонна кузук јуулган.

«Литературная Россия» (19 февраль 1988 ж.) газетте А. М. Демченконың «Сокрушители» деп статьязы јарлалды.

Автор областтың башкараачы ишчилерин, эл-жонын Туулу Алтайдың байлыгы мөш агашты келер ўйелерге кереес эдин артырарына кычырат.

Ороонның профсоюз издательствозы «СССР-де туристтер јўрер ёрлер» деп ўўрлик бичиктер чыгарар ѡп јараткан. Бу ўўрлике баштапкы бичик Алтайга учурлалып, былтыр чыкты.

Бичиктиң кире сөзин ороонның экинчи космонавты, бистинг јерлекис Г. С. Титов бичиген.

«Огонек» (9 №, 1988 ж.) журналда Майма аймактың строители В. И. Богомоловтың «Стройка — хорошо, но где жилье?» деп статьязы јарлалды. Анда јаныс Майма аймакта эмес, а бастыра областта улус јадар туралар коомой тудулып турганы керегинде айдалат.

Поэт, Латвияның бичиичилер Бирлигининг Башкартузының председатели Янис Петерстинг «Единство равных» деп статьязы «Правда» (16 сентябрь, 1987 ж.) газетте јарлалды. Автор ороон ичинде көп албатылардың најылыгы керегинде айдалат, латыш литератураның Күндери Туулу Алтайда бийик кеминде откөнин темдектейт. Петерс Туулу Алтайда алтай-орус сөзлик 1947 јылдан бері чыгарылбаганы коомой керек деп айдат.

Мындый ок шүўлтелерди Я. Петерс («Литературная газета», 18 ноябрь, 1987 ж. чыккан) «Подлинный интернационализм предполагает...» деп статьязында база айдат.

«Турист» (11 №, 1987 ж.) журналда биология наукалардың кандидады Ф. Штильмаркттың «Тревожная судьба Катуни» деп статьязы јарлалды. Ол Кадын ГЭС-ти туткаждын, Алтайдың ар-бүткени, ару кейи, суулары кандый болоры керегинде айдат.

Туулу Алтайдың јери туризм ле спорт, амыраары јанынан ороондо эң јарамыкту јерлердин бирёзи. Јаныс ла 1986 јылда Туулу Алтайда 300 мунг турист амырап јўрген.

Бу ок ГЭС керегинде «Литературная Россия» (20 ноябрь, 1987 ж.) газетте Т. Пономареваның «Прости меня, цветок» деп статьязы чыкты.

Калганчы ййлёрдö Кадында тудулатан ГЭС керегинде тёс печатта кепке базылган статьялар:

Распутин В. Если по совести: Писатель и общество // Лит. газета. — 1988 — I янв.

Распутин В. Горный Алтай: (Отрывок из публицистической книги о Сибири // Советская культура. — 1988 — 22 марта.

Ревякин В. Противостояние на Катуни // «Комсомольская правда» — 1988 — 7 февр.

Руденко Ю. Н. Еще раз о Катунской ГЭС // «Алтайская правда». — 1988 — 21 февр.

Чедоков Н. Предупреждение земли (Нужно ли строить Катунскую ГЭС) // «Сельская молодежь». — 1988. — 2. — С 14.

Фролов Ю. Хочу разобраться (Нужно ли строить Катунскую ГЭС?) Страсти вокруг проекта накалились до предела // «Сельская молодежь». — 1988. — 2. — С. 15—19.

Эрлихман С., Буянов В. Полезные геомеханические исследования свойств основания Катунской ГЭС // Пути ускорения научно-технического прогресса и гидротехнического строительства. Тез. докл. и сообщ. IX конф. изыскательского института «Гидропроект». — М., 1987. — С. 90—91.

Катунская ГЭС: быть или не быть? Обсуждаем проблему // «Сибирские огни». — 1987. — № 12. — С. 3—7, 137—148; 1988. — № 1.

Кому служит стройка? // «Коммунист». — 1987. — № 9. — С. 36—41.

Дивочкин А. На разных берегах: Экологические проблемы возведения на Катуни каскада гидроэлектростанций // Природа и человек. — 1987. — № 9. — С. 6—10.

Саломатин В., Корольков А. Еще об энергетических альтернативах (Катунской ГЭС) // Наука в Сибири. — 1987. — 3 дек.

Ермиков В., Притвиц Н. Как поведет себя ртуть? Проект Катунской ГЭС. Ответы и вопросы // Наука в Сибири. — 1987. — 26 ноября.

Залыгин С. Как совершается поворот // Новый мир. — 1987. — № 7. — С. 226, 235.

Дивочкин А. Судьба Катуни: Проблемы строительства Катунской ГЭС // Гудок. — 1987. — 6 сент.

Барнаулда Алтай крайдың 50 жылдыгына учурлалып «Очерки истории Алтайского края» деп бичик чыкты. Бу бичикте крайдың өзүми ле једимдери архив документтер ажыра көргүзилет.

Бичик 19 бажалыктан турат. Он ўчинчи бажалыктың авторы — история наукалар кандидады С. Я. Пахаев, ол «Великая Октябрьская социалистическая революция и установление Советской власти на Алтае» деп адалат. Бастыра бичикте Туулу Алтайдың историязы керегинде көп айылат.

Ленинградтың «Художник РСФСР» деп издательствоны «Нивы Алтая» деп альбом чыгарган. Альбом республиканың іүрукчыларының көрүзине учурлалган. Бу көрү Москва да Барнаулда 1982—1983 жылдарда өткөн. Альбомдо јүстөг ажыра јурукчылардың иштери көргүзилген, ол тоодо бистиг јерлештерис И. Ортонулов, В. Чукуев ле В. Запрудаевтинг јуруктары.

Л. БАШТЫКОВА

«ЭЛ-АЛТАЙ» — ЭРКЕЛЕРГЕ

Тамыспай ШИНЖИН

НӨКӨРЛӨР

Феня кызычак
Фартукту.
Федя уулчак
Формалу.
Федяда база
Фонарик бар.
Фуражказын
Фабрика көктөгөн.
Феняда кофта,
Феняда портфель,
Феняда туфля —
Фабрика база белетеген.
Феня,
Федя — нөкөрлөр.
Фотографты кычырып,
Фотосүр соктырдылар.
Фотосүрде
Феня,
Федя — нөкөрлөр.

ЖЫЛАМАШ

Јаан, јаан жыламаштар
Јүзүн öндү карындаштар.
Энем эдинзе мойнына
Эптү, јараш ончозына!

КҮНИЧЕК

Күн, Күн, күничек!
Ашлай, мени сакызсанг.
Энем келзе бир кинчек —
Бир болужың јетирзенг.
Маала-ажы чек кургак —
Сугарбадым, ойнодым.
Чоокыр бозу туттырбайт,
Сүрүжерге арыдым.
Бүгүн неге менгдединг,
Күн, Күн, күничек?
Меге эмеш болушсанг,
Айтсанг, сеге не керек?
Менде јараш ойын бар,
Керек болзо алып ал.
Булуттарды сүрейин,
Чогына буудак этпезин.
Школдо бис отурзаас,
Не капшай ашпайдың.
Үредүчиле сен кожо
Бисти узаак кыйнайдың.
Нёköримле мен кожо
Ойноорго до јетпедис.
Сен дезе капшайлап,
Энгиринди экелдинг.
Сенинг учун энемненг
Једер меге бүгүн.
Ненинг учун капшайлап,
Ажып барадың, күн?

КОЖО БАРААЛЫ

Турнаның кунукчыл
Кожоның тыңдал,
Неге кунуктың,
Сары јалбырак?

Калтырап кайынға
Канчазын турадынг.
Араай-араай
Неге ыйлайдынг?

Мен күски салкыннак,
Мен огош салкыннак.
Будактан калызын,
Сары јалбырак.
Мениле кожо
Бийикке чыгалы.
Корон сооктон
Айса качалы.

БАЖАЛЫҚТАР

Облисполкомдо. Мөшти кезери токтодылат 3

ПОЛИТИКА. ПЕРЕСТРОИКА

Кытайдагы жаңыртулар (Т. Тодошев белетеген) 6

ЛАТЫШ ҮЛГЕРЛИКТЕН

О. Вацietis. «Кижи кижи ле, је...», Балтика талай,
«Менинг жаткан...», Буудактар, «Чечектерди ўскей ле
балдар...», «Jnitt улус эм билбес те...», Агару Бернар,
«Кööркiiйим...», «Анда та...», «Туйуксынышка базырт-
кан...», «Кандый тып-тымык, мындый тымыктынг ўсти-
биле...», Сен (Ш. Шатинов кöчүрген) 25

ПРОЗА

Б. Укачин. Арсланбек нöкörим (улалганы) 36
Т. Акулова. Быртыбас ырыс (кеп-куучын) 53

ЭЛИБИСТИН ҮНДЕРИ

Э. Яимов. Беш-ичининг кожондоры 65
В. Ойношев. Том суудан келгенис 71
Э. Палкин. Кожон (куучын) 72
К. Козлов. Уйанов уйларды кыйнаганы 77
М. Кебезекова. Чадыр айылдың очогында 80

КЕЕНДИКТИН КЕЕН УЛУЗЫ

И. Чапыев. Ойлör лö үлгерчилер 81
К. Тöлöсов. Аттарыс жаңыс чакыда 84
С. Тарбанакова. Анна Балина 90
Л. Суртаев. Куманды этнограф. (Б. Угаров
кöчүрген) 99
И. Куратов. Менинг Музам (Э. Палкин кöчүрген). 102

УРЯНХАЙ ПОЭТТЕРДЕН

Ч. Батчуулун. «Жаркынду ярык күн...», «Чагы- күчим жеткен болзо...» (Н. Челбаева кочурген)	104
Н. Сухдорж. «Сегис марта энемнин...» Н. Челбаева кочурген	105

КҮНҮНГИ ЖҮРҮМІС — ХРОНИКА

Л. Ким. Ажулар ашкан јолдор	106
С. Каташ. Тюркология—88	119
Т. Тонужан. Јол-јорық, тушташтар	122

БИБЛИОГРАФИЯ

Л. Баштыкова. Алтай биччицилердин чүмдемелдери, Туулу Алтай керегинде бичигилейт	126
---	-----

«ЭЛ-АЛТАЙ» — ЭРКЕЛЕРГЕ

Т. Шинжин. Нөкөрлөр, Јыламаш	131
К. Тепуков. Күничек, Кожо барады	132

ЭЛ-АЛТАЙ

Литературно-художественный сборник

(1-й выпуск)

На алтайском языке

Отв. за выпуск **Б. У. Угаров.**

Художественный редактор В. И. Ортонулова.

Технический редактор Е. К. Манышева.

Сдано в набор 30. 01. 89. Подписано в печать 30. 03. 89. АН 07585. Формат 60X90 1/16. Бумага тип. № 3. Гарнитура литературная. Высокая печать. Усл. п. л. 8,5. Уч.-изд. л. 7,94. Тираж 1000 экз. Заказ 605. Цена 50 коп.

Горно-Алтайское отделение Алтайского книжного издательства, 659700, г. Горно-Алтайск, ул. Горно-Алтайская, 36. Горно-Алтайская типография, пр. Коммунистический, 35.

50 акна

599